


舊京文存下冊

鐫翁自署

PL
2808
.X5
v.4



Digitized by the Internet Archive
in 2010 with funding from
York University Libraries

舊京文存卷五

南通張君伯笙墓表



常熟孫

雄

原名師鄭

君諱鏡洲。字伯笙。南通張氏。世居唐閘市西之時馬圩。曾祖諱大宗。祖諱縉紳。考諱秀廷。以孝悌力田世其家。君生有異秉。尤具幹濟才。秀廷翁夙患瘖疾。君先意承志。奉養無違。成童即遵嚴命綜理家政。宏鉅纖悉靡不就理。井井有條。家本素封。自君視事益臻茂密。自待省約。而能急人之急。親友匱乏。來呼將伯。必如其意。無所吝。孝友根於天性。以舊居逼近江漕。萑苻不靖。恐驚及護。親爰卜築劉橋北鄉板輿迎養。南陔潔饌。其樂融融。新居塏爽。高明侍親。眺覽之暇。招邀賓侶。筮盍簪之什。歌伐木之章。籩豆有踐。朋來信宿。延接罔倦。君豪於飲。有不醉之量。凡與君交者。式其溫溫之度。咸如飲醇酒焉。辛壬易朔之際。有議改寺宇爲學校者。君謂釋教亦具感化社會之力。若必廬其居。毀其像。似失之過激。因自割田數畝。並獨斥己資。建一私立小學校。他校有須補助者。亦盡力維持之。鄉人咸高其行誼。餘若設團防。建橋梁。修洞壩。振災歉。輸粟施衣。掩骼

埋齒靡不捐貲財。竭心力。赴義若渴。勞怨勿辭。歷任牧令。均倚重焉。光緒季年。卽任鄉董。迨地方自治成立。鄉人仍公推董其事。君公而忘私。凡興利除弊。知無不爲。爲無不盡。卒以勞瘁過甚。又於數年間。連遭秀廷翁暨趙太君之喪。終天抱恨。風木銜悲。毀瘠憂傷。神茹形悴。遂於民國十有五年丙寅三月朔日。感微疾而逝。年五十有一。夫人同邑趙氏。賢淑孝謹。人無間言。前君二年卒。子二。保乾。勤敏嗜學。保謙。幼讀女三。長適丁廣瀚。次未字。三許字陳家驊。君幼時納粟爲國子生。嗣以輸河工振捐。獎太常寺典簿。光祿寺署正銜。民國內務部復以熱心公益。獎給嘉祥章。君不以得獎爲喜。語其家人曰。分人以財。教人以善。乃分內事。盡吾心力而已。某年某月。保乾昆季奉君與趙夫人靈櫬。合窆於唐閭市五里墅秀廷翁兆域之昭次。旣乞顧未杭先生似基。撰銘墓之文。復介江君重然。郵書舊京。屬雄爲墓表。如君之懿行。洵合乎周禮地官孝友睦婣任恤之義。使居鄉之善士咸以君爲模範。孔子所云均無貧。安無寡。和無傾之治。不難循序而幾。又何患民生憔悴。或召過激共產之禍哉。是可風矣。民國十有九年歲在庚午夏正仲秋之月。常熟孫雄撰表。

公祭章曼仙文

惟夏正庚午孟秋之月。旬有二日。舊京賡社同人徐霖霖孫雄蕭方駿周貞亮金兆豐冒廣生涂鳳書路朝鑾李宣倜曹經沅傅儒傳德等。謹以清酌庶羞之奠。致祭於長沙章曼仙先生之靈曰。

嗚呼。今年仲夏。逝者延黃君賦。挽歌中心盡傷。

今年五月同社延達程評事鴻黃申甫
太守維翰同時逝世君作詩聯以挽之

鳴呼。今年仲夏逝者延黃君賦挽歌。中心盡傷。今年五月同社延達程評事鴻黃申甫
自夏徂秋。閏厄黃楊君丁其厄。疾據膏肓。龍蛇起起。哲人云亡。銅官感舊。展卷浪浪。雞
林志稿。零落縑緇。文化歇絕。邈矣東方。楹書誰讀。寂寂琴牀。百感交集。對此茫茫。君昔

少年。雲路翱翔。詞林炳煥。樞廷贊襄。置郵傳命。執戟爲郎。方冀騰達。奮翼天閭。嗣音曾。

胡。

文忠
正驂
靳○瞿○張○
文達
慎

少年雲路翱翔。詞林炳煥。樞廷贊襄。置郵傳命。執戟爲郎。方冀騰達。奮翼天閭。嗣音曾胡。文正文忠。驂靳。瞿張。文愼文達。條逢桑海。空嚮葵陽。水中鳧泛。隨波低昂。詩和康樂。廡寄孟光。歌吟遣日。詞翰生香。亦吏亦隱。能狷能狂。九州靡騁。二豎爲殃。蘭摧蕙折。憑弔瀟湘。烽火故山道阻。且長招魂。哀郢九歌。九章吾儕。後死鬚髥。都蒼隻雞。絮酒蕉荔。芬芳生芻。一束承筐。是將人天永隔。涕泗霑裳。靈兮降鑒。絲竹升堂。翩然被髮。來侑椒觴。嗚呼哀哉。尙饗。

盛母柳太夫人墓誌銘 庚午孟冬作

宣統初元。余與武進呂藥禪。舍人景端。同客宣南。盍簪譚藝。藥禪時述盛君。蘋臣之賢。孝。余即心儀其爲人。二十年來。南北暌違。無緣覲面。蘋臣爲愚齋。尙書令嗣。藥禪久爲尙書上賓。學深養粹。寡交慎言。不輕許可。今歲秋初。聞藥禪已病逝矣。悼喪良友。追念遺言。猶耿耿不能去懷。同邑狄君巽公。與蘋臣交久。一日馳函舊都。述蘋臣意。乞余爲柳太夫人銘墓。並以所爲事略見示。又謂蘋臣昔讀禹齋文存二卷。胝沫罔倦。今聞又有舊京文存之刻。諄求撰文。後加入此編。俾賢母之行。得附大集。以壽千秋。嗚呼。余文何足傳。而蘋臣不死。其親之意。深可感也。按事略。夫人姓柳氏。浙江鄞縣人。柳氏世爲鄞舊族。夫人幼而明慧。事二親。能得歡心。年十六。歸愚齋。尙書時刁夫人新逝。尙書恆鬱鬱寡懽。夫人奉事維謹。偶遇尙書感愴不怡。輒多方勸慰。必俟顏色稍霽。而後即安。光緒庚子。尙書奉朝命。偕聶中丞緝槩。籌議裁釐加稅。夫人隨侍入京。以中國通商銀行爲行館。其時拳亂初萌。扶清滅洋之說。聒於都市。夫人悄然憂之。謂星火可以燎原。杜漸防微。宜綢繆於未雨。厥後風聲日惡。勒捐聚衆。設壇拜盟。暴行益彰。蔓延徧野。夫

人私語尙書云。若輩所藉口者仇洋。所注意者斂錢。有一於此。足以賈禍。銀行兼而有之。竊謂無事則已。有事必先受其害。必不得已。遷地爲良。廟堂貴胃。方煽燄而揚波。委身伺虎於國事。何補乎。語時聲淚俱下。尙書亦爲動容。會因調查釐稅事。亟遂陞辭出都。抵滬甫三日。而戕官毀路。火烈具舉。不可收拾矣。通商銀行因貯存武衛軍軍餉。首被焚掠。不出夫人所豫料。尙書語之曰。汝之見幾明決。不啻燭照數計。我自媿弗如也。厥後尙書與江督劉忠誠公。鄂督張文襄公會商互保。東南之約。使大局危而復安。夫人亦密參計畫焉。特守內言不出之訓。未嘗向人矜炫耳。以故尙書對於夫人。敬禮有加。始終不渝。夫人生子二。長昇頤。即蘋臣道員。二等大綬嘉禾章。次鈞頤。幼殤。女一靜頤。適南潯劉氏。昇頤娶魏氏。賢明淑慎。人無間言。當鈞頤之甫咳也。秀慧逾常兒。夫人愛之甚。病中調護。必躬必親。每夜焚香禱籲。目不交睫。殤後哭之慟。遂得虧損咯血症。西醫有勸易地療養者。夫人因蘋臣尙在髫齡。教養之責。以身任之。不欲遠離而疾益不可治。蘋臣天性純孝。年方十二。侍疾飲泣。聞塾師講元史。卜勝榮傳。母病不能藥。日嘗痢以求愈。因效法古人竊嘗矢溺。覺糞味已失。迺具疏祈天乞減己算。以益母壽。雖

不得請而積誠盡孝。高行邁倫。洵足以風世矣。夫人生於光緒元年乙亥三月初三日。卒於民國元年壬子十二月十八日。年三十有八。以子貴。誥封恭人。晉封夫人。初葬於吳縣堯峯山福壽塢。卜之水浸不吉。旋改葬於吳縣萬祿山麓萬青圩。乙山辛向。兼卯酉三分。宅兆既安。璇靈永閤。閱識駕乎簪紱懿德。炳乎閨櫓。蘋臣愴念。劬勞銜哀。永慕爰乞舊史氏孫雄追述。殯行昭告。後人迺爲銘曰。

懋相夫子。履險如夷。洞明世變。賢哉女師。孟光宣文。一身兼之。有子純孝。至誠夔夔。母無遺憾。幽宮孔綏。

常熟王君御之墓誌銘

君姓王氏。諱良佐。字御之。江蘇常熟人。祖茂崗。字嵩山。力學早世。父壽彭。字介儒。以買遷起家。精研醫術。活人無算。君幼承家學。長身玉立。秉性謙和。讀書明大義。從名師朱少甫先生遊。學業日進。年十五。遭介儒公之喪。君痛失乾蔭。哀毀骨立。虞祥旣畢。勞心家政。遂廢舉業。當介儒公之歿也。祖母龔太安人。猶在堂。年逾古稀。行動需人扶掖。君母顧太宜人。事姑至孝。每日晨興。必挈君省視。問安進膳。親執僕婢之役。入夜必俟安。

寢而後退。龔太安人。撫孤守節。垂五十年。大有功於王氏。光緒乙酉。秋病卒。君經營。窀
穸。盡哀。盡禮。籲請旌表。建坊並入祀節孝祠。太安人有弟字逸山。年老無依。君迎養於
家。終其天年。君娶於施。有賢德。其事顧太宜人也。一如曩日。太宜人之事龔太安人。故
君家夫婦世稱純孝。宗族鄉黨咸無間言。君又力行慈善事業。光緒中葉。歲洊飢。請於
大吏。散賑錢米。遠近被德。至今頌之。他如捐資設立救火社。及修橋築路諸事。咸盡力
提倡。而開濬鹽鐵塘一役。利民尤溥。君有賢子三人。長鉞。次藻。次寬。光緒乙巳。鉞已補
博士弟子員。維時朝議廢止科舉。設立學堂。君洞矚世變。知非奮發求新。不能強國。迺
命鉞赴東瀛留學。復又分遣藻寬就學滬蘇。今鉞已由高等文官考試中選。補司法部
主事。藻寬亦均畢業。浦東蘇州兩中學。嶄然見頭角。能自樹立矣。民國初元。君創辦新
民學塾。使附近兒童有就學之所。嗣改爲鄉立第二小學校。君自任校長。盡義務者十
五年。並捐田畝以作基金。不收學費。成就宏多。自治成立。被選爲縣議會議員。於地方
興革事宜。苦心建議。務使實惠及民。君之治家。躬行儉約。跬步悉有常度。簿籍釐然。絲
毫無濫。足以垂範子孫。其交友接物。則尚信義。重然諾。鄉人士咸矜式之。遇有紛難。片

言立解。及其卒也。聞者或哭失聲。謂今而後不復聞正論矣。君生於清同治五年八月二十五日。卒於共和十五年正月十三日。年六十有一。丈夫子三人。女子子二人。長適江陰檢察官徐炳元。次早殤。孫五人。長維釗。肄業京師交通大學校。次維錡。維銘。維鏞。維鈞。均幼讀。君由國學生援例助餉。得官布政司經歷。加五品銜。授奉政大夫。配施氏。封恭人。先二年卒。余與君同籍虞陽。且同生於同治丙寅之歲。然城鄉地隔。初未相識也。余友汪鶴巢。明經昌壽。光緒戊寅同遊邑庠。嗣又偕赴省試。屢稱道君之學優行粹。卓爾不羣。鶴巢君子人也。鄉居課徒。與君同巷。其言也信。比年余索米長安。又與鉞時相過。從知君教子之有義方。益心儀其爲人。私冀他日還山握手。道故迺以微疾遽隔人天。聞君噩耗。爲之不怡者累日。丙寅七月。鉞以葬期已迫。泣述君事狀。乞爲銘幽之文。君之學行。實應銘法。余何敢辭。銘曰。

古天民覺後覺。采陔蘭蘊荊璞。兒成器玉受琢。馬鬣封錢家角。固且安鎮淵嶽。

休寧率溪程氏六烈婦傳題詞續編序

丙寅季冬作

休寧程君錫祥。字雄甫。以其先德六烈婦傳郵寄都門。徵余與郭春楡宗伯前輩題詩。余與宗伯。均賦長歌以答其意。雄甫書來。又言六烈婦傳。及諸家所爲序跋詩詞。業於共和十年辛酉仲秋。分類匯刊。編成鉅冊。爲類凡十有八。爲帙凡一百二十有二。自辛酉仲秋。迄今丙寅仲冬。六載有餘。海內名流。寵錫詩文。又復裒然成集。明歲擬續刊一冊。乞錫以弁言。又謂。今日能以春秋直筆。風雅正聲。誅伐奸諛。而扶翼忠孝者。海內曾有幾人。都下惟郭宗伯與孫吏部二公。此士林之公論也。公其勿辭。余閱未終篇。愧汗無已。謹案程氏前三烈婦。爲程崧辰妻戴。崧辰子錦標妻汪。元標聘妻黃。並死於咸豐庚申冬十一月。休寧之難。後三烈婦。爲崧辰弟崧祝妻江。崧祝子得標妻孫。崧辰子龍標妻李。並死於辛酉冬十一月。杭州之難。崧辰字韵琴。即雄甫之祖也。韵琴先生宿學鴻儒。有聲庠序。其家人謹守禮教。宗族鄉黨。翕然稱之。故雖婦人女子。咸能臨難不苟。全大節。而存正氣。伊川先生云。餓死事小。失節事大。如六烈婦者。殆真無忝祖訓矣。歛縣江文卿氏書後云。洪楊之難。率溪程氏死烈獨多。其家教然也。蓋婦人之行。莫大乎。

節當死而死。重於泰山。若黃之從容。汪之憤詈。戴之明大義。以與賊抗。而江而孫而李。皆自沉於河。咸以得死所爲幸。是蓋其所愛有甚於生者。故不恤殺身。以明其志。而一門六婦女。至是皆爲賊盡。天地間之至慘極痛。亦無過於是者矣。余三復江氏之言。輒爲嗚咽流涕。余家先世居休寧屯溪鎮。至清初康熙間。遷居常熟。咸豐庚申四月。蘇城陷於髮寇。八月二日。邑城不守。吾宗族姍姍。遇難不屈。合門就死者。不乏其人。幼時嘗聞先繼祖妣楊太恭人備述流離轉徙之困。及名門淑媛一聞賊至。輒投水自盡。縱火自焚。種種慘狀。蓋庚辛間吳中寇盜蹂躪之慘。不亞於皖中徽寧諸郡。曾文正駐兵皖省時。嘗謂使聖賢仙佛生於今日。亦惟有殺賊以報國而已。湘鄉惟親見匪禍之烈。故爲此言。今日事過境遷。乃有顛倒是非。詈弔民伐罪諸賢。爲戕殺同胞者。詩云。自有肺腸。俾民卒狂。又云。誰生厲階。至今爲梗。古人之言。豈欺我哉。程氏六烈婦。旣能全大節而存正氣。又賴後起多賢。如雲生先生龍標及雄甫者。廣孝思於不匱。冀先烈之不揚。再四乞言。必得請而後已。其孝友肫摯。信有大過人者。余又安得以譚陋辭乎。六烈婦傳卷首一序。爲海鹽徐嘯雲尙書用儀。於光緒丁酉仲秋所撰。行文委曲而流暢。謂此。

由國家德化之隆。與程氏禮教之厚。淪浹於婦人女子之心胸。故能倉皇遇變。百折不回。篇中語重心長。深致其長言永歎。迨庚子拳匪之變。尙書力陳利害。冀回天聽。卒爲羣小所陷。驟嬰奇禍。就義西市。蓋其作序之時。已有盡瘁事國臨難不避之決心。言爲心聲。浩然之氣。塞於天地。不可掩也。然則程氏此編。豈僅一家節烈之光。其於六十餘年家國興亡之機關繫尤重且大矣。今者兄弟閱牆。兵連禍結。子遺之民。躬受其禍。有視咸豐庚申辛酉間蘇皖爲尤烈者。而變相之庚子拳禍。又有月暈礎潤之徵。語云。其始作也簡。其將畢也鉅。爲善爲惡。造端雖異。而貽禍則同。吾爲此懼。蓋有不忍言者矣。共和十有五年。丙寅季冬。常熟孫雄師鄭氏序。此文已印入禹齋文存今又改易數字重印入此

休寧率溪程氏鄉賢六先生贊

孝冠百行。德邁羣倫。友于昆弟。應光同塵。調護閭井。弭亂施仁。飢溺由己。惠澤逮民。禮

隆鄉飲。席尊大賓。皤皤國老。作範千春。

右用寰先生士光

侍膳椿庭。依依眷戀。卻聘不仕。循陔捧硯。後樂先憂。希文再見。瞻族簞粟。會祭張宴。制

仿義田名登史傳。餘事工書臨池。罔倦。

右午公先生端德

大夫盡職素絲五紵揚歷中外守正弗阿詩友鄧孔晨夕吟哦槃槃大集玉律金科曾元環侍福備三多耆英人瑞鶴髮婆娑右字夏先生瑞禴

詩律渾成文心醞郁畫壁旗亭名篇耳熟南巡獻賦九重刮目祿辭五斗遇心空谷黃

山探幽怡情松菊著述等身藝林芬馥右姬田先生瑞訪

名區作宰廉吏難爲催科平恕撫字仁慈墾荒播種載道口碑愷悌君子濟衆博施兄

弟孔懷解組言歸秋鳴遺集字字珠璣右犀岸先生世綏

金友玉昆怡怡四美叔氏尤賢終南堂紀家政秩然分肌擘理睦族承先養生送死夢

卜良醫和緩澄止孝友格天宜受福祉右芸浦先生世編

朱粥叟徵君詩集序此文後幅數行多用拙作張季易明清魏科姓氏錄序中語蓋粥叟與季易意見相同故拙文不妨並存也師鄭附記

奉賢朱粥叟遯叟兩先生江左之耆宿也孝友文學之名播於遐邇十年以來與余時通賤札互有唱酬雖未識面而膠漆針芥之誼不減古人粥叟有子一人遯叟有子四人粥叟以良田美宅讓與遯叟語其子聲韶曰叔家弟輩多汝祇一人焉用是也粥叟逝於夏正丙寅年十二月初五日年七十有三遯叟哭之慟其所爲行述有云自嬉戲

以至晚年友愛之篤。如一日推食讓財。同憂共患。凡古人所誌爲美行者。兄無不施之於我。而今已矣。其言之誠懇而悲愴。若此。余讀之輒爲淚下。昔魏叔子之壽蕭小翮也。嘗謂後世人倫之薄。莫甚於兄。弟蓋流俗人之觀念。以爲兄弟者。乃適然與我同生。恩不若君父。情不若妻子。投吾之意氣。不若友朋。而又有父母愛憎之相激。田產多寡之相爭。是以雖號爲賢者。未免有幾微之情。不動於聲色。而累於其心。今日風俗之鏗薄。較叔子時爲尤甚。燃箕之獄。閱牆之禍。徧於國中。其慘毒有耳不忍聞。口不忍述者。觀於朱氏昆季之白頭友愛。終身無間。可以風矣。粥叟旣卒之二年。遜叟將爲校刊詩集。馳書舊京。乞序於余。大略謂先兄以老明經居鄉。循分讀書。無奇節偉譽。惟行孝友而性廉介。其爲詩亦不師法一家。隨所見聞。縱筆書之。晚年遭遇國變。尤多感慨。居平持論。謂科舉之廢。誤國非計。先朝忠勛卓卓。挽回危運者。皆出其中。旣廢而士行詭怪。始不可問。詩存十二冊。茲彙稿整理。僅三之一耳。得吾先生椽筆表彰之。庶問世有憑。存沒均感矣。余自今秋墜車傷足。息偃在牀。三月有餘。入冬又患肝陽夙疾。久爲病魔所困。詩文徹而不作。今讀遜叟函。竊有不能已於言者。蓋余文雖不足以重我粥叟而憂。

世之心。若合符節也。有清季年。時論以科舉爲詬病。光緒乙巳。遂下詔停廢。廣設學堂。獎勵游學。冀復三代黨庠術序之制。意非不善也。然古者鄉學。掌於鄉大夫。而興賢之責。則在大司徒。周禮所謂大司徒之職。以鄉三物教萬民。而賓興之。三年則大比。攷其德行道藝。獻賢能之書於王。王拜受之。登於天府。是也。國學。掌於大樂正。而官人之權。則在大司馬。王制所謂司馬辨論官材。舉進士之賢者。以告於王。而定其論。論定然後官之。任官然後爵之位定。然後祿之。是也。蓋三代時。雖用學校之制。而已隱寓科舉之良法。美意於其間。科舉之制。肇始於唐宋。極盛於明清。朱晦翁文文山登科之錄。百世下傳。爲美談。明清五百年間。道德勛業。節義文章之士。出於科舉者。十而八九。君子道長。小人道消。交泰之占。首重彙征之吉。事實具在。至理難誣。彼因噎廢食。別有用心者。烏足以知此粥叟先生於國變之後。寄無窮之感慨。良有以哉。今之當軸。方設立考試院。欲以救世俗獵官之弊。然不以古聖昔賢刪訂贊修之經訓爲教本根。旣撥滋蔓。難圖縱用。考試之法。亦何益乎。余故推闡粥叟之意。而備論之以答。遜叟且即以爲粥叟詩集之弁言。遜叟於今秋取艮止之義。易名敦艮。字曰兼三。他日見余此文。得毋譏其

有。出。位。之。思。近。於。躁。人。之。辭。費。乎。戊。辰。夏。正。仲。冬。之。月。常。熟。孫。雄。師。鄭。氏。序。

常熟徐君似逸墓誌銘

君諱審翔。字似逸。江蘇常熟人。世有隱德。潛名弗曜。王考心怡府君諱士芳。王妣楊太君。考逸騏府君諱家駒。妣周太君。本生考宇珍府君諱于溱。妣翁太君。君誕生之初。方有兵事。江左俶擾。民困鋒鏑。重闢流離。備嘗艱厄。年八齡。出爲逸騏府君後。時同治八年己巳也。趨庭受教。惟日孜孜。常以不逮事心怡府君爲憾。逸騏府君殫精經史。文學優長。又善越人術。熟於靈素。及肘後千金諸方書。治病應手輒愈。君盡傳家學。時於課徒餘暇。懸壺濟世。濟貧恤困。至老不疲。嘗云。良醫之功。等於良相。吾於醫學。不敢自詡。深造盡吾心力。以救衆生疾苦而已。光緒八年壬午。入邑庠。十三年丁亥。食廩餼。戊子辛卯。江南鄉試。薦而未售。君澹於進取。遂絕意名場。惟以樂育英才。啓迪後進爲事。循循善誘。成就宏多。天性友愛。女兄適沈氏。早世。君爲教養遺孤。學成名立。始釋仔肩。自光緒十年甲申。迄三十二年丙午。中間迭遭考妣及本生考妣大故。哀毀盡禮。誠信無悔。平居家祭。猶追思先澤。永慕銜悲。君憂心家國。洞明時勢。光緒季年。科舉未停。君長

子亮已入邑庠。君令廢舉業。游學東瀛。專攻法律。又命次子寶中求學於南洋公學電氣科。辛亥以後。民國初建。兩子均先後畢業。學成致用。亮歷任南通高淳揚中沅陽司法行政警察。及淮南鹽政緝私諸職務。循資保薦。任職留蘇任用。寶中歷任吳淞崇明無綫電局局長工程師。常州震華電汽廠工程師。南京電燈廠廠長。今在國民政府軍政部交通司供職。家孫宗堯。亦畢業於唐山大學土木工程學院。今任國都設計處技師之職。虞陽徐氏之門。駸駸光大矣。昔人云。爲善無不報。而遲速有時。不於其身。必於其子孫。如君之學。深行粹。迺不克大展於世。後起之隆。繇襲餘慶。可預決也。君生於同治元年壬戌五月初四日。卒於中華民國十有八年己巳夏正二月二十六日清明節。春秋六十有八。卒時年齡月日節令悉與逸騏府君相同。錯綜之數巧合如斯。殆純孝之感歟。配宗夫人。有賢德。子二。長亮。次寶中。女二。長葆貞。適同邑李渭。次葆淑。適簡任職存記。歷任蘇省地檢廳長縣知事等職。武昌瞿鴻賓。孫六。長即宗堯。次宗源。宗炎。均畢業上海交通大學。今游學美國。次宗鏗。宗華。宗楠。孫女五。培玉。佩箴。明華。縉雲。芙雲。均入學校肄業。君長余四齡弱冠以後。同爲廩膳生。歲科試時握手論文。親均同氣。今

別已三十八年矣。世變滄桑。舊都留滯。人天永隔。悲愴何窮。君子亮及寶中。將於某年月日。葬君於白茆新市西四十圖。長字號之祖塋穆穴。先期介徐君元綬。函乞銘君之墓。表揚潛德。後死責也。余何敢辭。銘曰。
有蓄於中。不一施。遜於儒術。隱於醫。厥子肯堂。振門楣。巋然秀出。桐孫枝新。邦佐輔鴻漸。達九京。莞爾吟髭。我銘君墓。無媿詞。

常熟王孝子子貞李義婢三妹合傳

王孝子子貞。以字行。常熟人。居城中草蕩街。家貧。傭書以養其父母。自食粗糲。而奉親以精饜。先意承志。二十餘年如一日。父母死。葬北門外李家山。離孝子所居十餘里。孝子每日清晨。必往省墓。至墓前。輒掩袂而泣。泣逾一小時。再拜而別。風雨寒暑。無間。路人咸笑爲癡。孝子不顧也。三妹亦常熟人。不知其姓。鄉人以癡三妹呼之。清水塘橋李氏婢也。李氏中落。所居易主。主婢同棲牛棚中。三妹日行乞以活其主。知其事者咸樂施之。三妹先其主死。病亟時。猶向乞友名。耿耿者諄諄。以女主見託。耿耿亦諾之。拳拳弗替。吾邑詩人楊君无恙。各爲一詩以傳之。其詠孝子也。有云。道路相看頻掩口。終身

孺慕是癡人。其詠義婢也。有云。牛衣數主德。眞性未嘗墮。張羅翟公門。負義斯作俑。三復名篇。寄慨深矣。余因二人之行事。足以媿士夫。勵末俗。尤爲桑梓之光。而如王孝子之省墓。飲泣寒暑。罔間。尤足使羈孤漂泊之餘生。十餘年未脩墓祭者。媿汗雨下。自歎世間何貴。有此人子也。爰詮次而爲之傳。

論曰。古來愚忠愚孝。大率近於癡騷者之所爲。然維持人紀。端賴斯人。今之人。惟聰明過甚。權利義務。辨析精嚴。而人道或幾乎息矣。昔鄭人飲狂泉。遂以不狂爲狂。今之目王孝子李義婢爲癡人。從而揶揄訕笑之者。其視飲狂泉之鄭人。何以異哉。

武進張季易之母湯太淑人墓表

此篇互見禹齋文存卷二內

余讀張阜文先生先妣事略。輒淚涔涔下掩卷而泣。蓋至情至性之文。感人至深。作者不自知其言之悲。讀者不自覺其涕之隕也。比年與張君季易交契。季易名惟驥。爲道光甲午科舉人。泰州學正。湘雲先生諱璇之孫。贈三品封典。武進縣學生員。壽名先生諱成煦之季子。有兄三人。曰惟一。惟廉。惟厚。均誠篤孝友。一日以湯太淑人行略示余。且乞爲表墓之文。余三復之。語語沈痛。從肺腑中流出。益歎毘陵張氏之多君子也。按

狀太淑人姓湯氏。執名先生次女也。幼讀四子書。兼習經史及詩古文。能通大義。咸豐庚申。常州郡城爲髮匪所陷。執名先生殉節。時太淑人年尙幼。先期侍母劉太孺人。暨伯兄敬甫先生。走避窮鄉。繼又相失。輾轉渡江。依春舫潤之兩兄僑居揚郡泰邑。偕嫂氏許淑人錢恭人料量家事。晝習針黹。夜誦詩書。無厭無倦。是時湘雲先生秉鐸泰州。壽名先生先娶於董。旋賦悼亡。太淑人於同治戊辰四月。來歸爲繼室。年二十有二。結褵時君舅已逝。君姑韓太淑人在堂。晨昏定省。執婦禮維謹。己巳韓太淑人棄養。太淑人椎心泣血。盡哀盡禮。壽名先生沈潛好學。少無宦情。服闋後。父執有當路者。友朋或勸以筮仕。太淑人從容言曰。吾家累世績學。不屈己以阿世。夫子乃爲五斗米折腰耶。先生笑曰。固吾志也。遂設帳授徒。成就甚衆。惟一昆季髻髻時。均從太淑人讀。每日授書十餘行。枕畔必令背誦。間或未熟。太淑人恆勸之曰。汝祖若父俱穎悟絕人。汝輩蠢蠢若是。得無愧死耶。吾不望汝輩。他日顯親揚名。但期讀書明理。無替先人舊業而已。迨諸子長成。咸能自立。太淑人之所以教者。惟以家人子婦之道。不以富貴利達爲心。平居恆詔之曰。與其歷顯宦而爲貪墨之吏。孰若潔已守身得完太璞之真也。貧賤何

忠焉。其高懷卓識。超越流俗。如此。壽名先生館穀不豐。太淑人食貧儉約。并曰躬操諸
郎衣履。自幼以至成人。咸手自裁製。往往夜半。篝鐙兀坐。縫紉。雖天寒漏盡。兩手龜裂。
不稍輟也。壽名先生久客維揚。爲江蓉舫都轉人鏡治官書十年。捐館時。仍在幕中。太
淑人聞電。一痛幾絕。不食者累日。迨惟一等迎喪歸。又撫棺大慟。且泣。且諭諸子曰。人
誰不死。以汝父之賢明仁厚。而不獲享高年。又客死他鄉。天道尙可論耶。吾悔不晝夜
兼程。親往訣別。沒身之痛。惟在此耳。自後每飯。不能下咽。日惟布衣蔬食。啜粥兩餐。十
數年如一日也。處境雖窮約。而性好施予。戚族里黨有告貸者。恆縮衣減食。以濟其急。
及其卒也。三黨親故。皆哭失聲。太淑人生於道光二十七年丁未十一月十一日。卒於
宣統二年庚戌七月二十一日。春秋六十有四。惟一等於次年辛亥三月二十六日。卜
兆於陽湖豐西鄉新阡主穴。啓壽名先生暨董太淑人幽宮而耐葬焉。太淑人生子四
人。長惟一。武進縣學生員。次惟廉。國學生。花翎知府銜。分省補用通判。次惟厚。國學生。
次惟驥。國學生。候選藩經歷。女一。適江都董玉書。孫若干人。某某。孫女若干人。季易。郎
潛著書溫溫屬型家。教子咸醇謹。有法度。平時追述慈訓。泫然悲涕。詩云。哀哀父母。

生我劬勞。又曰。欲報之德。昊天罔極。季易。蓋知劬勞之人。莫過於父母。爲人子者。縱竭畢生之力。終無從酬報於萬一也。近世風俗。鏗薄。漠視生我之親。禍亂洊至。其機甚微。如季易者。足以風矣。余故撮舉太淑人之徽音懿行。表之於阡。以式鄉邦。而告來者。

常熟楊孟龍之母龐太夫人墓志銘

辛酉 此篇亦互
見禹齋文存卷二

共和十年。歲在辛酉。冬十有二月。同邑楊孟龍法部。廩將奉其母龐夫人之靈櫬。與尊公實甫觀察。合葬於常熟西門外頂山之塋。泣述夫人。事略。徵銘於雄。雄讀其狀曰。先妣氏龐。諱某。先世自吳江徙常熟。祖諱大塋。父諱鍾璐。官刑部尙書。諡文恪。母氏周。文恪公生子女三。母居季。育於京邸。幼敏悟。周晬卽識字。朝夕侍親側。尤得祖母趙太夫人歡。八歲。母周夫人歿。哀毀擗踊。過於成人。與諸兄同從吳望雲夏菽軒兩先生讀。授孝經。女誡。及毛詩小戴禮。尤愛誦漢魏人詩。喜其樸雅。十三歲始出塾。女紅之暇。手不釋卷。文恪公纂文廟祠典考。命繪彝器諸圖。至爲精密。光緒丙子。文恪公薨。哀毀骨立。氣體大傷。與文恪公側室余節孝相處。居喪三年。未嘗見齒。二十三歲。來歸吾父。事舅姑。以孝聞。先王母龐太夫人。性嚴正。以與吾母有姑姪誼。待遇視他子婦。尤嚴。謂以示。

法則且不私所親也。吾母以多病之躬。昕夕侍奉。與傭媼共操作。不懈益虔。諸姑妯娌。輯睦無間。歲丙戌。吾父策任蜀中。吾母間關隨任。戊子仲冬。生廩於成都官舍。蜀無良醫。誤投補劑。遂卒。時廩生甫十三日耳。呱呱失恃。萬劫銜哀。吾母之懿行。熾德。吾父雖嘗垂涕告之。而禱味無知。萬不詳一長。而詢於外家昆季及吾家諸尊親之及見吾母者。始得稍諗崖略。外家昆季之言曰。吾輩幼從姑母讀。一燈環坐。書聲琅琅。出戶外日。間從師授課。有未省者。姑母爲之口講指畫。義蘊畢宣。又曰。姑母好讀詩。而不好作詩。偶有吟詠。輒毀棄不留稿。謂此非女子所尙也。吾母隨余節孝日久。節孝之言曰。姑體弱多病。然性喜習勤。籌鐙針黹。漏盡弗休。平居不苟言笑。而接物溫然。如春風之和煦。起居行動。悉循禮法。愛惜物力。無絲毫妄費。吾家諸尊親嘗語廩曰。汝母歸吾家。不數載。嘗患肝風。手足皆戰。病時輒強自支勵。不敢作呻吟聲。稍已。即命人扶起。整襟危坐。茶一甌。書一卷。若未病然。仍以時朝舅姑。無失禮。蓋恐舅姑聞己病而生憂慮也。廩十餘齡時。歲時家祭。先王母嘗顧吾母遺像而歎曰。賢淑之婦。天不祚之。洵吾家之不幸也。廩成童時。稍知人事。吾父一日嘗詔之曰。爾母幼而失恃。未嫁而喪父。嫁而得子遲。

既得子矣。又隕其身。歸余十年。日在貧病拮据中。迨稍得伸眉。已不及待。平日志行。悉以內則一篇爲法。余在蜀。推省釐簿書紛雜。爾母相助鉤稽。悉中窾要。余作家書。輒爲錄副。不遺一字。爾祖父母來諭。亦必什襲珍藏。終日黽勉。鉅細躬親。雖病猶劬勞。罔逸十年。中如一日也。嗚呼。吾父之言。平昔蓋不止此。至於今。所不敢忘。不能忘者。僅此而已。狀所具列。如是。雄再三讀而悲之。昔歐陽永叔自表其父崇公瀧岡之墓。稱其母太夫人所述其父遺言。後之讀者。輒爲感動流涕。今孟龍失母於文祿呱泣之中。乃能追述徽音。茹悲永慕。其與歐公所遇。雖異而純孝之心。則同。有子如此。可謂不死其親者矣。孟龍學行斐然。究心經世之務。今歲又被選爲國會議員。他日發名成業。光榮其親。詎遜歐公。迺不自爲阡表。而以雄之言爲不欺後世。乞爲夫人銘其墓。雄五六齡時。誦論語孝經。爾雅。悉先母吳太恭人口授。今亦長爲無母之人。執筆構思。悲何能已。故卽道孟龍之所悲者。以爲之文。使後世爲人子者。感念生我之劬勞。而寄無涯之銜恤。庶幾時流非孝之論。或不攻而自息乎。夫人生於咸豐丁巳閏五月十七日。卒於光緒戊子十一月二十七日。年三十有二。爲實甫觀察崇光元配。初封恭人。晉贈夫人。至楊氏。

之世。系子姓。雄爲觀察墓銘。已詳列矣。不復贅云。銘曰。

懿歟賢母。虞陽禮宗。季女有齋。王姬肅雝。敬恭相夫。恩勤育子。中道蘭摧。風淒蜀水。令子岐嶷。蓄德能文。最述淑善。雕琢貞珉。罔極之思。蟠天際地。銜恤終身。耿耿不寐。母無遺憾。子貽令名。伐石頌德。式此佳城。

曲靖孫氏保孤存祀圖記

此文互見壘窰酬唱集
在詩史閣叢刊卷六內

伯兄少元先生。忠孝正直人也。二十年來。滇中俊傑發名成業者。多出其門。辛亥以後。被選爲國會議員。遇事力持大體。時流多喜觝排孔教。攘斥經訓。以博流俗一閱之稱。譽先生獨侃侃持正論。竭盡維護之力。雄聞其事。心嚮往之。未相識也。歲在丙寅。皖中王君滌齋以書爲介。因得讀東齋文鈔。其第二卷首列平越公死事狀云。先世籍山東青州。唐末諱萬登者。以金吾上將軍征徽州。唐祚移。占籍休甯。名所居曰唐里。建李天王廟。歲時修祀事。子孫遂爲休甯人。雄不禁躍然起曰。是固與吾同爲新安伯之苗裔也。吾常熟孫氏亦世奉萬登公爲始祖。先承德公諱世柱。字公棟。於康熙初年買遷來吳。始占籍焉。雄於承德公爲八世孫。先高祖吉士公諱原湘。字子瀟。嘉慮乙丑通籍後。

曾至休寧。訪唐里及李天王廟故址。得見族人。多習農業。及爲茶商者。風氣樸厚。以游惰爲恥。又於鄉祠中。展拜金吾上將軍新安伯畫像。作跋記之。並摹繪一通。携歸奉祀。後經咸豐庚申。髮寇陷城。遺像散佚。雄生之初。已不及見矣。自新安伯至小子雄。但知爲三十五世。而舊藏譜牒喪失無徵。伯兄所爲平越公死事狀。亦云自金吾至公。世次已無可考。兄長余三齡。因以小弱弟禮進謁。壘簾嚶鳴。忻合無間。數萬里外之弟。昆同浮人海。無端萍聚棠棣之詩。云。凡今之人。莫如兄弟。杖杜之詩。云。豈無他人。不如我同姓。吾始祖新安伯之英靈。殆默相之矣。案狀公諱武成。明萬歷庚子。應天鄉試舉人。仕至貴州平越府知府。流寇陷平越。公死之。闔家殉焉。當公之任平越也。天下已大亂。後聞思宗殉國。朝夕哭不絕聲。有家人孫興者。少侍公。從之任所。性慕節義。公亦信倚之。及是。興乘間問故。公曰。吾家世受國恩。所以忍死須臾者。欲有所爲以報耳。今賊至。無日。僻左。絕援。而內無備。盡室與城存亡分也。言未畢。興曰。忠孝一也。興請負公子亡。命以存主家一綫之祀。何如。公曰。若能是乎。吾宗有賴矣。安順禍可緩。二尹王公國正。吾執友也。可挈思賢往依之。興拜泣。公揖之。起亦泣。興遂負思賢行。至安順。王公善視之。

無何。流賊孫可望等入貴州。破下游八府。王公呼興。告曰。平越陷矣。而主闔家死矣。吾與而主夙以忠義相切。礪吾豈讓而主。獨爲君子者。安順之危。今猶平越也。吾將亦爲而主之續耳。吾有女。與而幼主年相若。今妻之。以付汝。俟及年婚之。興挈之行。轉徙至曲靖家焉。蓋自思賢公占籍曲靖。九傳而至吾伯兄伯兄追念先人之成仁殉國及義僕孫興之保孤存祀言之輒爲嗚咽流涕。因與雄商推擬乞名畫師繪保孤存祀圖。而屬雄先爲之記。雄嘗讀易困卦象傳云。澤無水困。君子以致命遂志。程子易傳云。君子之遇困也。窮塞禍患不以動其心。行吾義而已。苟不知命。則恐懼於險難。隕穫於窮厄。而所守亡矣。古來之忠臣志士。際天地閉塞。宗社淪絕之時。每不惜捐軀報國。其家人婦子亦相從赴義。視死如歸。誠於致命遂志之義思之。爛熟而以偷生忍垢爲深恥也。如平越公者。庶可與顏常山文文山爭烈矣。困卦九四之象辭曰。來徐徐。志在下也。雖不當位。有與也。九五之象辭曰。乃徐有說。以中直也。利用祭祀。受福也。如義僕孫興之處下位而明大義。以保孤存祀爲天職。遂使我孫氏烝嘗縣延數百年而弗替而已。身亦壽臻。耄耋親見其子孫之才勇而熾昌。信可謂中直而受福矣。今日雄與伯兄所觀。

之時所處之境。亦可謂困塞矣。竊願以困而不失其亨。與吾伯兄共勉之。昆明有困叟者。陳小圃提學也。與雄爲詞館前輩。而吾伯兄之至契。且爲壬午舉孝廉之同歲生也。滇中又有呂子恒祠部。吾伯兄少年時。與陳呂二君。均以道義相砥礪。而子恒早死。困叟曾爲東齋文鈔弁言。有曰。論子恒者。皆惜其短命。然予今日正恨不爲子恒之短命死也。語絕沈痛。其以困叟自號也。殆於不失其亨之旨已深體驗。而有得伯兄。倘以此文爲我就正之知。困叟必有莫逆於心者。千里萬里。聲應氣求。可預決也。抑吾休寧孫氏。自承德公遷居虞山。迄今二百餘載。代有聞人。先太守公諱鎬。字西京。號訥夫。實爲雄之本生五世祖。乾隆己酉。從征巴勒布。聞母諱。請奔喪不許。以哀毀勞瘁。卒於第哩。嘔古軍營。先考孝子公諱寶書。字步青。光緒甲午。送試金陵。猝聞母病危篤。一慟而絕。宣統己酉。廷議以孝子旌門。是皆能致命遂志。無忝所生。足與平越公。後先輝映。他日。吾伯兄纂輯曲靖孫氏族譜。不可不附記於簡末。且爲吾兩家世世子孫。示世德之作。求期繩武。而無斁也。因不憚醜縷而詳述之。丁卯孟春。常熟孫雄師鄭氏記。

舊京文存卷五終

舊京文存卷六

常熟孫

雄原名同康師鄭

常熟蔣北野先生墓表

有清咸同以來吾邑耆林立負鄉望者十餘人而以孝友兼循吏足當經師人師而無媿者邦人士異口同聲曰惟蔣北野先生一人而已先生諱士驥字北野號石楓江蘇常熟縣人蔣氏系出宋魏國公之奇世居宜興元末始遷常熟六世祖莘田先生諱伊康熙癸丑進士官御史提學河南有子二人長諱陳錫康熙乙丑進士官至雲貴總督次即文肅公廷錫以舉人入直南齋官至文華殿大學士先生爲滇督公後傳五世家中落矣生甫周晬喪母育於祖母席事祖母維謹尋命爲大宗後先生天性至孝事嗣母徐太宜人先意承志愉色婉容太宜人治家嚴內外井井整肅罔越意有不懌輒加訶責先生長跪請罪事解然後起如是以爲常厥後居官臨民迎養太宜人縣署猶時時長跪承教也幼讀書目數行下默識勿忘及長爲詩文成誦在心援筆立就年二十補諸生同治庚午舉於鄉辛未成進士以知縣即用簽分直隸援親老告近例改安

徽補廬江縣知縣。廬近巢湖。民狡而悍。夙稱難治。先生至不匝月。清結積案三十餘事。發奸摘伏。多所平反。衆咸驚服。桀黠好訟之習。漸滌一新。民以誣告爲恥。政簡刑清。幾於無訟。舊俗縣試。率以一人占數名。翫法舞弊。無所忌憚。試畢則擇前列者應於府。故卷數恒溢出人數幾倍。先生設席邀廩保。剴切申誠。寄以約束之責。終事無敢犯者。又慮人文衰歇。因整理書院。嚴定課程。優給膏獎。按月扁試。手定甲乙。士風蔚然興起。在任五載。公誠廉明。循聲大著。以徐太宜人年耄。乞歸終養。歸五年而母歿。先生年逾五十。毀瘠躑躅。盡哀盡禮。服闋遂不復出。居家課徒。主講鹿苑書院。邑中奉爲大師。三吳俊乂咸來問業。先生於制舉文功。力深邃。時以湯潛庵韓慕廬方望溪百川諸先正所爲四書文爲生徒講解。且謂言爲心聲。因文可以見道。吾人旣代聖賢立言。貴乎身體力行。非徒以尋章摘句爲貴也。案頭課藝。高可隱人目。覽手批。日不暇給。循循善誘。後生小子一經造就。靡不發名成業。先生於四部九流。多所通貫。尤邃於醫學。治病應手輒驗。平居沈默寡言。呐呐如不出口。蘇光謙德溢於眉宇。邑宰有公事。如水利兵防賑災諸要政。必造廬請謁。奉教於先生。先生亦殫竭心力。任勞任怨。惟期有益於桑梓。卒

前數月。猶因東鄉偏災。募捐餼粟。拯救餓殍。徒步往來風日中。竟致鞠躬盡瘁。飢民聞先生病逝。多巷泣者。蓋仁心之感人深矣。先生卒於光緒二十四年戊戌五月十八日。春秋六十有八。以次年十月卜葬於虞山北麓山峰下新阡主穴。先生於生前預相之吉壤也。祖諱紹炳。父諱安增。本生父諱安圻。皆以先生貴。贈如其官。祖妣氏席。妣氏趙氏。徐氏。徐。本生妣氏蕭。皆贈宜人。配吳氏。側室姚氏。子一有源。孫一棟。孫女一家琇。適紹興屠開泰。曾孫三伯立。叔榮。季忻。曾孫女三。先生之卒也。余方客京師。應散館廷試。驚聞噩耗。爲位而哭。曾賦長歌以申哀挽。今已越三十有三年矣。有源年五十有五。業於今秋。謝世。棟已學成名。立述德抒哀乞爲有源銘墓。又以王明經伊所爲先生家傳。徐編修兆璋所撰墓誌。郵寄舊京。屬余追爲表墓之文。自維學植荒落。媿對師門。追憶執經問字之年。彌深木壞山頽之感。爰詮次事實。並補王徐二君文所未備者。以著於篇。昔歐陽永叔之爲胡先生墓表也。篇末有云。嗚呼。先生之德在於人。不待表而見於後。然非此。無以慰學者之心。乃揭於其墓之原。惟我北野先生之學。實足上希安定。小子無似。莫贊一詞。請誦永叔所言。以昭告後人。共和十有九年。歲在庚午。夏正孟冬之

月同邑門下士孫雄述。

常熟沈价藩先生墓表

同邑沈价藩先生。先考孝子公之摯友也。先生少於先公二齡。與吾家同巷而居。余方成童時。嘗從先公登堂。晉謁頻聞緒論。先公又與薛寶欽世丈培元莫逆。丈方授經沈氏爲先生令嗣。成伯課讀。余與成伯年相若也。宣統庚戌秋間。先生逝世。命君實世丈爲志。其墓俞丈與先生爲從母昆季。而與先公及薛丈亦有車笠縞紵之契。今先生逝已二十餘年。余與成伯亦均逾周甲。郵筒唱和旬月無間。一日以事略及俞丈所爲墓志寄示。并乞余爲表墓之文。余何敢辭。按略先生諱壽祺。字价藩。江蘇昭文人。昭文本爲常熟分縣。入民國後。仍歸併常熟。曾祖諱濟。縣學生。曾祖妣氏華氏。項祖諱作湘。候選縣丞。旌表義行。父諱國球。國學生。光祿寺署正銜。兩世均以先生官贈朝議大夫。祖妣氏駱氏馮氏。妣氏周氏。皆恭人。署正府君生子二。長壽昌。次印。印生。力。力生。印。印生。讀書通大義。於孔孟遺言。躬行實踐。不事藻飾。天性好施予。能急人之急。咸豐庚申。避亂南通州。兄客死。經營身後。完密無憾。弗貽二親憂。歸里。又疊遭親喪。搶地呼天。哀感

閭黨喪葬既畢。次第葺舊居。保族墓。修譜牒。建義莊於慎終。追遠敬宗睦族三致意焉。平生淡於榮利。筮仕得京秩。晉員外郎銜。賞花翎。獨不謁選。以長子煦孫官貤封通奉大夫。先生居家樸儉。持躬謙抑。賓接文士。延聘名師督率子弟。執經請業。嘗誦曾星岡封公所云。觀一門賓客之雅。正疏數可卜家之興敗。歎爲名言。博施濟衆。堯舜猶病。先生則謂立人達人利民濟物。迺儒者分內事。盡吾心力所能爲而已。童子瞿關元觀社於舊縣署荒圃。署有碑石仆折脛。藥不治。延軍醫立起之。烈婦李馬氏者。粵寇之亂。一家六口。貫繩同投水死。藁葬杜家山。守墓者有異議。先生解囊厚酬之。且曉以大義。俾安毅魄。旋乞有司旌如例。鄒金坤者。本饑人子。又少孤。無以爲活。先生憐而育之。稍長。給資令習一藝。金坤天并葬其父母。邑中舊有製楷濟貧善舉。寬其貸期。既不責償。復不居施棺名。號曰代賒。先生沿襲其例。別立義善局。推暨彌廣。道無遺骸。邑又有施藥局三。曰博濟。繼善。崇仁。先生歲助鉅資。無吝無倦。偶遇水旱偏災。輸金輸粟以恤。嗷鴻卒前數月。尙因賑荒。平糶扶病。奔走嚴風烈日中。竟致不起。洵可謂以死勤事者矣。先生生於道光二十二年壬寅十二月初三日。卒於宣統二年庚戌七月二十五日。春秋

六十有九。越一年十月朔日。與德配龐夫人合窆虞山北麓豐三場陳家塢新阡。龐夫人賢明恭儉。事母事舅姑有摯行。卒於光緒十二年丙戌某月某日子。二長即成伯。名煦孫。附貢生。度支部員外郎。襲雲騎尉世職。出爲壽昌後次養孫。縣學生女一。副室趙氏出。適江陰季氏。先生逝世時。余方供職銓曹。並監督京師文科大學。次年辛亥初夏。俞君實丈自粵臬擢豫藩。入都展觀。余屢陪清讌。丈猶時時稱述先生行誼。感舊傷逝。低徊久之。今則滄桑屢更。世變方亟。俞丈逝亦十餘年矣。不佞嘗讀陶先生貞一虞邑先民傳。略有志庸。續欲爲虞陽耆舊傳。一書庶幾百餘年來鄉邦人物嘉言懿行。藉不律以流傳。作後生之軌範。客中多病。久未成書。今執筆表先生之墓。愴懷身世。蓋不勝無窮之感。唱已。共和十有九年歲在庚午孟冬之月。姍世愚姪同邑孫雄謹表。

休寧程韵琴華封兩先生墓表

休寧率溪程氏雲初。繁衍世稱望族。宋時有諱敦臨者。由歙之篁墩遷於休邑新屯。充山再遷於率溪。明成化間。有處士諱希隆者。創建率溪書院。延名師主講席。令其子文杰曾杰偕族之俊秀肄業其中。並成通儒。汪彞民曾作書院記。刊入志乘。清初有用。寔

先生。士。光。孚。夏。先。生。瑞。禴。均。年。登。大。臺。望。重。人。師。爲。鄉。邦。所。矜。式。厥。後。代。有。清。德。著。籍。學。官。四。世。鄉。賢。流。馨。梓。里。至。道。光。咸。豐。間。則。有。韵。琴。華。封。兩。先。生。能。繩。祖。武。並。播。賢。聲。惜。逢。喪。亂。賣。志。以。終。當。世。咸。深。惜。之。韵。琴。先。生。諱。崧。辰。號。震。舒。休。邑。廩。膳。生。華。封。先。生。諱。崧。祝。徽。郡。增。廣。生。均。爲。問。之。先。生。諱。延。聘。之。子。韵。琴。先。生。居。長。出。爲。世。父。日。莊。先。生。諱。廷。敬。之。後。日。莊。先。生。以。讀。書。勤。苦。早。逝。配。戴。孺。人。爲。屯。溪。望。族。曙。光。先。生。之。女。青。年。茹。苦。白。首。完。貞。守。節。四。十。六。年。而。歿。道。光。朝。旌。表。節。孝。韵。琴。先。生。與。華。封。先。生。讓。棗。推。梨。怡。怡。友。愛。事。親。至。孝。人。無。間。言。自。爲。學。官。弟。子。皆。以。博。雅。能。文。名。噪。一。時。師。友。均。目。爲。遠。大。之。器。秋。闈。屢。薦。並。因。額。溢。見。遺。家。居。佐。理。宗。祠。事。務。並。襄。辦。地。方。善。舉。任。勞。任。怨。必。信。必。誠。咸。豐。十。年。庚。申。因。避。兵。禍。赴。吳。陵。經。營。商。業。猝。撓。疾。疢。歿。於。客。館。華。封。先。生。馳。往。經。紀。其。喪。干。戈。道。阻。流。離。不。得。歸。因。自。吳。陵。繞。道。至。浙。之。遂。安。途。遇。家。人。攜。以。入。杭。次。年。辛。酉。仲。冬。杭。城。陷。眷。屬。投。水。殉。焉。先。生。於。城。陷。時。已。抱。危。疾。憂。憤。摧。心。遂。致。不。起。又。明。年。韵。琴。先。生。之。子。龍。標。字。雲。生。者。至。浙。訪。求。晤。舊。交。業。鹽。之。林。叟。始。得。死。事。狀。迺。間。關。扶。櫬。歸。又。赴。吳。陵。迎。韵。琴。先。生。遺。櫬。同。卜。葬。於。休。邑。城。南。閔。溪。壬。山。丙。向。以。

安幽靈。韵琴先生有五子。長錦標。次元標。次龍標。鳳標。崇標。均德配戴孺人出。華封先生有二子。長得標。次漢標。戴孺人與元標聘室黃氏。錦標妻汪氏。均於咸豐庚申仲冬殉難於大阜瀛村。華封先生側室江氏。與得標妻孫氏。龍標元配李氏。均於辛酉殉杭城之難。世稱爲率溪程氏六烈婦。名載安徽通志者也。余別爲文表其墓。韵琴先生之孫錫祥。字曰雄甫。孝友誠篤。君子人也。與余爲道義之交。今亦年逾周甲矣。追懷先德。泣述事略。屬爲兩先生作表墓之文。發潛闡幽。章志貞教。吾儒之天職也。如兩先生之修身型家。砥名礪德。能使家人婦子於危難之際。從容就義。視死如歸。是豈虛車矯飾之僞儒所能及者。今也春秋據亂。世變方殷。古聖賢傳授之彝倫名教。世人幾以土苴視之。誠得如兩先生者作之師。庶幾江河日下之頽波。得以挽救於萬一乎。吾故樂爲表揚之。以盡後死之責。云。庚午孟冬之月。後學常熟孫雄撰表。

休寧率溪程氏六烈婦墓表

孔子言志士仁人。無求生以害仁。有殺身以成仁。孟子言死亦吾所惡。所惡有甚於死者。故患有所不避也。古聖賢之教人於臨難。苟免辱身失節之輩。蓋深恥之。尼山刪詩。

取柏舟。修春秋書。宋伯姬卒。所以勵閨堅貞之節。意至深遠。誠以天地之正氣。不以冠裳巾幘而有所區別。要貴乎臨大節而不可奪耳。程伊川先生言。餓死事小。失節事大。椒山楊氏之論烈婦也。亦言當死而死。重於泰山。有旨哉。休甯率溪程氏與伊川程氏同宗。其先皆居徽屬之篁墩。至有宋後宣議府君諱敦臨。始遷新屯兗山。又遷率溪。遂定家焉。詩禮之門。爲東南冠。名儒輩出。咸世守其學而成教於家。故雖婦人女子。咸知以禮義自守。咸豐癸丑。迄於庚申。江左被兵。徽屬郡邑。幾無完宇。程氏前後六烈婦死難。尤慘。今日追紀懿行。猶懍懍乎有生氣焉。前三烈婦曰程戴氏。程汪氏。程黃氏。戴氏爲休東望族。東原先生族孫愛竹先生之女。適程韵琴先生崧辰。先生與弟華封先生崧祝同爲名諸生。生有五子。長曰錦標。次曰元標。並少年勵學。有聲膠庠。錦標娶城南汪氏。元標聘同邑黃氏。未婚而元標歿。黃氏完貞守志。庚申歲。徽屬郡邑。旣悉陷於賊。韵琴先生以事客吳陵。歿於行館。華封先生往視其喪。道梗留浙。家惟戴氏維持。寇氛旣逼。因挈家避亂南山中大阜瀛村。守村鄉兵爲賊所挫。錦標與弟得標。漢標俱陷賊中。戴氏手挽汪氏含淚而行。賊舉刃躡之。曰不釋婦。卽殺爾。戴氏憤然曰。死則死耳。

婦不可奪也。姑婦遂同時遇害。時汪氏所生稚子甫兩月耳。傭婦某氏抱之而竄。先是黃氏聞賊將至。泣別姑與姒。遽投身塘水中死。隣媼欲救之。其姒汪氏云。娣爲夫弟守貞久。懷死志。萬勿救之。救非所以愛之也。後三烈婦曰程江氏。程孫氏。程李氏。江氏華封先生側室也。孫氏先生子得標妻也。李氏韻琴先生子龍標元配也。庚申冬月。華封先生自吳陵繞道至浙之遂安。途遇江氏。暨子得標與從子龍標。鳳標崇標。遂攜眷屬同至浙之義橋。次年冬。賊逼義橋。乃攜入杭城。賊驟至。城陷。先生與龍標。鳳標崇標。均陷賊中。江氏孫氏李氏三人以繩聯屬相偕投城河死。前仆後繼。視死如歸。貞孝節烈萃於一門。斯固極人世之至悲。而以閨媛能持大節力守尼山之彜訓。無墜伊川之祖芬。播詩書明德之馨。愧簪笏儉生之輩。又可謂極古今之至榮者矣。程氏子姓。惟韻琴先生子龍標陷賊得脫。龍標字雲生。能繼父業。雲生子錫祥字雄甫。追懷先烈。廣求題詠。裒然成集。余旣爲撰弁言。雄甫又乞爲韻琴華封兩先生暨六烈婦各撰墓表一篇。余何敢辭。因詮次朱子雋楊鈞贊兩先生所爲前後兩傳。及馮夢華前輩所爲六烈合傳。以著於篇前。三烈婦遺骸亂時藁葬。大阜瀛賊甫退。由其戚汪鐵卿吳晉笙爲之遷。

葬於休邑南鄉閔溪壬山丙向。龍標後。又負土葺而新之。後三烈婦遺骸已爲浙省義局所總瘞。不可復得。僅具衣冠。祔葬於長亭祖塋。雄甫述之。猶有餘痛焉。共和十有九年。歲在庚午。夏正孟冬之月。常熟孫雄撰表。

前程韵琴華封兩先生墓表。文中有漏叙數語。業經付印。不及補入。茲特附記於六烈婦墓表之後。

華封先生有二子。

以下加入數語如左

長得標。次漢標。爲德配胡孺人出。以早卒。祔葬於本

里長亭祖塋。戴孺人與元標聘室黃氏。錦標妻汪氏。及華封先生幼女金全姑。均於咸豐庚申仲冬。殉難於大阜瀛村。

下接華封先生側室江氏云

唐纘伯拯災百事序

無錫唐生纘伯。爲孝惠先生之文孫。及門慕汾參事之長子也。肄業唐山交通大學。稱高才生。今歲以微疾。暫行輟學修養。從余研究經史詞章。偶有所作。斐然可觀。一日以所輯拯災百事。乞余作序。纘伯於兩年前。曾輯有敦孝百事。戒殺百事。二書風行一時。受其感化者。不可枚數。此書體例。與前二書略同。大抵雜采經史及近人筆記。纘伯之

意專主勸戒。非以炫著述弋名譽也。書中引陳子莊庸閒齋筆記所言貪墨之吏。未有不敗。而果報之烈。無逾於侵賑者。光宣之交。江北有賑欸。厥數頗鉅。爲江甯各屬墨吏舞文侵蝕。其後六七年間。在事者多不得其死。亦有幸死於牖下者。則其肥己之數較少。且非主謀者也。端祠齋尙書時方開府江左。尙書清風兩袖。怡情翰墨。於茲事初無所染。然爲屬吏所朦蔽。亦有不得辭其咎者。辛亥慘死蜀中。其忠義固可敬悼。而修短生死之命運。蓋亦有莫之爲而爲者。余有摯友湘鄉某大令。久宦吳中。深知其蘊。嘗以語余。謂蒼蒼者。天覽觀不爽。甚可畏也。因閱續伯書追憶及之。爰著於篇。用垂鑑戒。且以補史乘所未備。今之當軸。方以廉潔政府相標榜。而夷考其行。則口伯夷而心盜跖者。比比皆是。兵災所及。赤地千里。道殣相望。豫陝賑災會馳電告急。有民皆溝壑。地盡邱墟二語。讀之輒爲淚涔涔下。天災人禍迭起。環生民生之困苦。蓋十倍於辛亥以前矣。續伯是書。義雖淺近。果能廣爲傳播。俾貪墨之吏。時時披覽。或將媿汗雨下。反躬自省。惻然動其如傷之念乎。則雖區區小冊而造福於林林總總之氓。寧有涯涘哉。孝惠先生著有辦賑要言。慕汾與續伯秉承彛訓。書紳不忘。因於付印時冠此編之簡端。又

有孝惠學社義賑委員會查放局留養所積穀倉諸通則。均附錄於此編之後。以備參考。云。庚午孟冬之月。常熟孫雄師鄭氏序。

休甯黃節母汪太孺人墓表

休甯黃節母汪太孺人。席珍先生諱某某之德配。菊芳先生諱興衍之母也。菊芳先生有賢子隆裳。字曰伯美。痛太孺人之經歷百險。苦節鞠育之恩。及其歿也。又以格於舊例。不得邀旌門之典。意欲藉當世立言君子。撰詞表德。以示無窮。爰以吳君光沐所爲事狀。介其同邑程君雄甫。請於舊史氏孫雄曰。吾祖母之歿。墓碑未立。而其節行。有不可磨滅者。敢請補撰墓表。以闡幽光。余何敢辭。按狀。太孺人爲休邑東鄉溪陽村名家女。年二十來嬪於席珍先生。汪氏自明中葉。以商業起家。至有清道咸間。而極盛。黃亦鉅族。門閥相埒。太孺人雖生長華宗。而素崇儉樸。力戒侈靡。于歸時。席珍先生之先人早卒。王父在堂。嗣母與生母在室。太孺人淑慎孝謹。能得親歡。咸豐庚申秋。粵匪竄徽郡。邑皆陷。太孺人時年三十餘。已育子女八人。隨席珍先生避地南鄉雲坑山中。暴寇踵至。先生及長次二子。俱陷賊中。太孺人携幼子弱女。奉兩君姑。匿於叢莽。未與賊遇。

賊縱火焚山。烈燄莫遏。闔門悉燼。惟太孺人及保母蘇氏。擁四歲幼子興衍。投壑谷中。幸免。太孺人憤不欲生。乃舉興衍。付蘇氏。曰。黃門一線。僅此孩提。敢乞吾媼善保持之。吾將從先人於地下矣。趨赴危崖。聳身欲躍。蘇亟挽而止之。曰。從姑死難。義誠善矣。然藐孤縱幸得生。教養之責。非棉力所能任。矧死者遺骸。寧忍終委草莽。曷留此身。以撫孤母。徒以一死塞責也。太孺人感其意。忍痛負興衍宵行。賊衆方搜索山林。烽火燭天心。驚膽裂。復遇大雪。冰堅沒脛。覆藉俱無。輒數日不得食。匍匐二三里。拾山間遺粟。滯穗。雜冰雪生嚼之。迨寇氛漸息。迺覓山徑。求村舍託足焉。然雪深嶺峻。道澗難行。則擁子於懷。墜而下澗。水湍激不容足。則仆而復起。強涉以渡。既至村。村人稍集。泣求助殮。兩君姑無所得。櫬而覆之以土。顧仍窮無復之。竊念有田在商山近村。主租者在焉。因往貸銀。市櫬改殮。適舊傭王姓者。自城中逃歸。言席珍先生憤激憂傷。已以身殉。會躬瘞而紀其處。太孺人聞而大慟。偕詣危城殮而暫殯。自時厥後。日在兵戈風鶴中。其艱辛困厄。有非人所能堪者。又經數歲亂事粗定。始獲寧居。城南故宅已爲兵火所毀。卜居於商山賃廬。安貧教子。屢空晏如。迨菊芳先生學成名立家。況漸裕。太孺人仍食。

無兼味。衣必布。褐。每語家人云。今日衣食粗足。是吾雲坑避難時。夢想不到者也。願吾世世子孫勿忘艱苦。惜福培仁。則吾心慰矣。太孺人長子興嗣。幼聘同邑汪氏。客居於鄂。休城寇退始歸。知興嗣已逝。誓不他適。衰經入門。從姑守志。是爲伯美之嗣母。旌表貞節。汪孺人余別爲文表其墓。菊芳先生幼受母教。折夔畫荻。媲美前人。七歲入塾。勤於誦讀。夜分就寢。太孺人輒令背誦。所授經史。因此奮勉。異於常童。年十七補博士弟子員。秋闈屢薦不售。文章道德藝林推重。事太孺人至孝。馨羞承志。報答劬勞。著有菊隱居詩文稿。藏家待刊。太夫人生於某年月日。卒於某年月日。年八十。葬休邑正源烏竹塢山中。甲山庚向。與席珍先生合祔。子二人。興嗣興衍。孫一人。隆裳。曾孫四人。伯與叔俱幼殤。仲曰維賢。季曰維新。維賢中學畢業。以攻讀過勤。得咯血疾。卒。今僅存維新一人。幼讀近世三綱潰裂。大易健順亨貞之精義。世人目爲迂腐之談。閑家無人門祚淪替。邪說誠行。猶燎方揚。如太孺人之躬歷千艱。於風饕雪虐之餘。極足闢手瘁之困。卒能食蓼回甘。使黃氏宗祧綿延數百年。而勿替此與忠臣之盡瘁事國。旋乾轉坤者。何以異哉。是豈僅黃氏家室之成毀繫於太孺人一身而古今來世變隆替之故亦從

可識矣。共和紀元十有九年。歲在庚午。夏正孟冬之月。常熟孫雄撰表。

旌表貞節休甯黃母汪孺人墓表

旌表貞節休甯黃母汪孺人。爲咸豐庚申殉難黃君興嗣之聘室。興嗣之尊人曰席珍先生。母曰汪太孺人。余旣表太孺人之墓。隆裳又以嗣母汪孺人爲請。孺人事狀爲休邑徐君謨所撰。爰詮次之如左。節母系出鳳湖汪氏。家本素封。有鸞和先生者。博學工文。斐聲疊序。生五子一女。女卽節母也。年及笄。許字興嗣。吉期將屆。而粵寇竄徽。郡邑連陷。民遭塗炭。遷徙一空。汪氏素經商鄂省。因携眷移居漢口。得免焚掠之禍。亂定。回里。始知黃氏慘遭家難。談者咸爲酸鼻。蓋當寇氛危迫之時。興嗣隨侍席珍先生。避地南鄉雲坑山中。紅巾徧野。深澗絕壑。搜索靡遺。席珍先生方思遠引而病。莫能興。遂與賊遇。興嗣憂惶無措。背負病父而行。爲賊追及。逼令棄父。從賊興嗣寧死抱持不肯捨。遽攫賊怒。遂爲所戕。節母驟聞凶耗。哀慟欲絕。爰請命於嚴親。矢志來歸黃門。奉姑守義。其時家業蕩然。廬墟室毀。從汪太孺人賃屋而居。茹藿餐糲。三旬九食。太孺人身經百劫。鬱怒傷肝。疾疢時作。復病風眩。節母量水稱藥。調護扶持。至忘寢食。雖際盛暑嚴

寒侍奉。母倦如是者十餘年。蓋太孺人視節母如女。節母之事太孺人亦如母也。厥後夫弟興衍娶婦吳氏。生子隆裳。太孺人命後大宗。俾節婦撫育之。隆裳誕未彌月。本生母吳氏即病逝。孩抱提携。恩勤拊畜。悉惟節母是賴。飲食教誨。勞神苦思。十數年如一日。因此得略血疾。迨隆裳娶婦。生孫節母寸心稍慰。家事亦少息肩。然每遇汪太孺人疾病。仍必躬親扶護。太孺人意有所需。節母默揣神會。必能曲體意之所至。病劇時家人更番守夜。節母亦假寐牀前。或勸安寢。以節勞。節母瞿然曰。侍姑疾。是吾職也。老病已媿不能盡職。敢偷安乎。及卒。哀毀擗踊盡禮。無愆綜其生平貞節孝慈四德咸備。洵可謂巾幗之完人矣。孺人生於有清道光二十四年甲辰九月初十日。卒於民國五年丙辰三月初十日。年七十有三。葬於休邑長安豹坑山中。癸山丁向。隆裳追念劬勞中宵隕涕。雖膺遜國旌揚之典。彌觸鮮民銜恤之悲。爰請於舊史氏孫雄紀述。徵音揭於墓道。俾後之操彤管者有所取則焉。休邑黃汪程三氏均明德之後世。爲婚姻。率溪程氏六烈婦中有程黃氏者。爲韵琴先生次子元標聘室。亦以未婚守志。聞賊將至。泣別姑與娣。投身塘水中死。當節母之衰經入黃門。誓死奉姑守志也。太孺人嘗云。是有先

例。吾何忍拒之。蓋即指此。今隆裳次子維賢。以讀書攻苦。得咯血疾卒。其婦程氏。青年守志。節義貞孝。萃於通德之門。先賢遺澤。所從來遠矣。余故樂得而紀之。又余家始祖忠貞公。於晚唐時。自青州遷居徽州之唐里。元明兩代。先世均居休甯屯溪鎮。至清初始遷常熟。蓋與伯美。雄甫。有桑梓敬恭之誼焉。而四舍弟叔翔茂才。績學早世。其聘室楊氏。未婚守志。今已逾三十年。則又與節母之貞心勁節。若符契之相合。易云。同明相照。同類相求。孟子云。故家遺俗。流風善政。猶有存者。值此。人綱墜地。風雨如晦之時。吾儕結契。良非偶然。爰附著於篇。用示同食舊德。永葆歲寒之意。云。共和紀元十有九年夏正仲冬之月。常熟孫雄撰表。

上篇黃節母汪太孺人墓表。漏敘生卒年月日。今補正如左。

太孺人生於道光五年丙戌十月初四日。卒於光緒三十三年丁未四月初三日。年

八十有二。上篇太孺人誤排作太夫人
年八十有三誤作年八十

又前率溪程氏六烈婦墓表云。途遇江氏。暨從子龍標。鳳標崇標。迨付印時。爲手民誤於暨字下。加子得標與四字。以致事實不符。合行更正於此。敘目後附有刊誤
亦將此節列入

徐編脩少達之繼室張恭人墓志銘

庚午仲秋。同邑徐少達前輩兆瑋。馳書舊京。以繼室張恭人事略見示。竝乞爲銘墓之文。前輩之言曰。恭人張氏。外舅紫蘊先生次女。光緒丙申來歸。奉匭視膳。躬自操作。深得二老歡心。撫前室子曾植如己出。余性儒緩。不習瑣事。而恭人綜甄細密。措置裕如。自庚子移居何市。壬寅癸卯。連遭先妣龔太恭人先考芾堂府君之喪。苦塊餘生。幾不能自存立。賴恭人匡助扶翼。始得成禮。甲辰服闋。入都供職。丁未遊學東瀛。歲無寧居。凡享祀祖先。誨育兒女。鈎稽錢穀。料量米鹽。恭人以一身任之。俾余無內顧憂。辛亥易朔。復應鄉里推選。列席議會。仍以家政勞恭人。甲子戰作。萑苻不靖。恭人挈眷屬避兵滬濱。余從津門航海省視。賃廡聚居。烽煙稍熄。陸行猶梗。紆道海門。渡江而歸。風塵勞瘁。精力漸衰。會外姑歸太淑人臥病。恭人入城侍奉。歲杪春初。齊部潰兵。醫集索餉。家人倉皇奔避。懼旦夕變作。恭人坦然如常。曰。生死命也。我知侍我母而已。其遇事鎮定如此。乙丑七月。外姑之疾卒不起。恭人哀慟逾恒。又應仲弟隱南叔弟美叔之請。主持內事。神疲力瘁。終七乃已。從子葛民幼失母。絕愛憐之。丁卯八月。以微疾歿。戊辰四月。

叔弟美叔又以中風猝逝。益增傷感。四年中旣痛護堂之見背。又哀弟姪之淪亡。刺骨椎心。沈憂剝蝕。病根遂潛伏矣。恭人生長素封。而敝衣蔬食。習爲故常。勤儉溫惠。蘊於天性。門庭整潔。不容纖塵。秉性狷介。不妄取與。獨遇慈善事。助金不吝。晚歲皈依淨土。茹素誦經。然靜室清修。未嘗燒香禮佛。觀其素懷澹泊。宜可怡養。天年孰意微疾偶攪。遽厭人世。悲哉。悲哉。中閨庸行。原無足奇。惟念恭人一生志事恬退。狷潔不慕虛榮。足以匡予之偏失。而其孝友至性。老而彌篤。又爲余所中心誠服者。不有紀述。恐隨日月而俱湮。平生知己莫逾吾子。子其勿辭。嗚呼。恭人懿美之行。固足播芳中壘。而前輩伉儷之篤生死不渝如此。其可無銘。恭人諱愼。箴常熟人。有清同治十三年甲戌九月十二日生。共和紀元十有九年九月九日卒。於夏正爲七月十七日。年五十有七。子曾植。前室唐恭人出女。二。曾桂。曾榕。均恭人出。孫二。任佑。孫女三。蒔薇。蕙。曾植將於某年月日。扶恭人靈櫬。葬於何家墅某某原之祖塋。余嘗讀廬陵集。南陽縣君謝氏墓志銘。述梅宛陵之言曰。使吾不以富貴賤累其心者。皆吾妻之助也。又曰。生迫吾之貧。沒又無以厚。惟文字足以著其不朽。庶幾慰其魂而塞余悲。其言沈痛不忍卒讀。輒生薄植。

何足以望廬陵。而前輩與余相契之深。方之歐梅。正亦未遑多讓。傷今思古。感不絕於余心矣。然謝縣君享年三十有七。其歸宛陵也。十有七年而卒。今張恭人齒近六旬。固視謝縣君二十年以長。而結褵已三十有四年。且視謝縣君而倍之。宛陵有知當羨後賢之福。慧突過前人前輩。其亦可以無憾矣。迺爲銘曰。

枯菟升沈。心無滓兮。繙書賭茗。忘日晷兮。金石摧傷。折連理兮。獨旦酸辛。寄哀誄兮。世難方殷。生不如死兮。骨歸於土。魂安汝止兮。我銘幽宮。有煒彤史兮。

追紀先室楊恭人遺言數則丁卯七月下旬作

恭人晚年持齋誦佛。時時以殺生爲戒。事事存惜福之心。布衣蔬食。甘之不厭。平居嘗語所親云。今日九州鼎沸。殺機已開。禍變之來。有出人意料之外者。一言以蔽之曰。皆起於爭奪相殺之一念耳。吾家雖貧。而燕吳兩地門戶。猶能勉強撐持。值此禁擾之時。猶得平安作息。不可謂非天幸。前人有句云。欲知世上刀兵劫。先聽屠門夜半聲。三復斯言。至爲慘痛。世人迺因口腹之慾而恣殺生禽。不亦悞乎。

余於光緒戊寅遊邑庠。年甫十三。己卯即從先府君赴金陵應秋試。壬午乙酉戊子己

丑辛卯六踏省門均遭勒帛。恭人於乙酉季春來歸。自乙酉迄辛卯每遇秋風。鑼羽佗
係無聊。恭人多方勸慰。謂科名遲速不妨聽之於命運。惟砥行懋學力追古人。則非命
運所能限。所謂爭千秋不爭一日也。

余於戊戌散館。改官銓曹。時有新例。可以知縣註冊謁選。得缺甚速。俗稱曰豹班。

散館知縣

得缺最速俗稱老虎班豹班則降一等矣

如仇。徠枝前輩繼恒。選陝西城固屠敬山前輩寄選浙江淳安。皆

援新例。由散館部曹註冊者也。余於癸卯甲辰間已決計改外。恭人聞之作函力阻。謂
夫子秉性孤傲。恐於折腰吏非宜。且南面折獄。桁楊鞭笞。勢不能免。吾夫婦存心過於
仁慈。蟲蟻之微。且不忍傷彼囚徒。呼號之慘。豈忍聞乎。願夫子三思之。余因恭人之言
遂罷改外之議。

恭人來歸後四年間。連生長男桂林。仲男樹榮。性均聰慧。惜未及十齡而天。時先繼祖
妣楊太恭人猶在堂。先府君先妣望孫甚切。恭人亦以嗣續爲重。亟爲余覓妾媵。甲午
孟春。副室章孺人來歸。恭人以女弟待之。又因城東舊宅湫隘。苦無餘屋。因令賃廡以
居。恭人間日輒一臨視。庚子仲夏。章孺人以療疾卒。恭人哭之慟。謂如失左右手也。恭

人。不。妬。之。德。根。於。天。性。戚。屬。中。頗。有。諷。其。馭。下。過。寬。者。恭。人。輒。笑。謝。之。曰。吾。推。夫。子。之。愛。以。爲。愛。也。

恭人幼奉母教。來歸後。率循先妣。吳太恭人。繇訓。克勤克儉。事必躬親。不假手於婢僕。一絲一粟。不容浪費。余平生不治家人。生產黃金。揮手輒盡。媿負恭人多矣。恭人三十以後。縮衣節食。購置吳市鄉木棉田數十畝。歲收租息。以供饘粥之資。余宦遊燕冀。萍飄匏繫。阮囊羞澁。視爲固然。遇窘乏時。或終歲不寄分文。家用恭人不以爲忤。嘗語其同懷弟元楨。及適鄭氏之同懷妹云。吾一旦溘逝。卽爲我鬻此薄田。以爲喪葬之費。勿使三千里外老人。因我身後之事。而增胸中煩鬱也。恭人逝後。內弟楊君元楨。及鄭氏姨甥壽棠。始函述前語。以相告。痛可言耶。

恭人前年秋間。一病幾不起。病中預爲遺言。令其同懷弟書以寄余。大略謂。今已年逾六十。得以考終。命於里門。且長侍先姑於地下。復何所憾。惟盼愛女。炳。鏞。稚子。炳。黃。早日成立耳。夫子羈身人海。亦望達觀善遣。勿過傷神。則地下之心安矣。又謂。吾夫婦花甲一周時。均不稱慶。蓋以戒殺生。且以惜福也。每見近世風尚。或於喪中多作佛事。焚

化冥器。虛耗金錢。固屬無謂。或廣。計。親。朋。招。邀。弔。祭。紳。黻。笄。珈。聯。袂。偕。集。鞠躬。稽。首。誇。爲。逾。分。之。榮。哀。其。實。亦。非。惜。福。之。道。望。勿。尤。而。效。之。今。者。恭。人。眞。棄。我。而。長。逝。矣。展。閱。篋。中。遺。賻。曷。勝。惻。愴。余。嘗。讀。西。堂。雜。組。展。成。先。生。於。康。熙。十。七。年。戊。午。年。六。十。一。其。配。曹。孺。人。淑。眞。年。五。十。八。於。是。年。九。月。十。九。日。卒。於。吳。門。先。生。所。爲。七。終。再。祭。亡。室。文。云。今。日。都。門。諸。老。先。生。百。餘。人。同。舉。諸。公。不。下。百。人。同。鄉。親。友。數。十。人。皆。來。赴。弔。爲。文。祭。汝。吾。旣。德。薄。汝。又。命。蹇。何。以。堪。此。亦。藉。爲。九。泉。光。寵。而。已。又。考。陳。迦。陵。之。配。儲。孺。人。亦。以。康。熙。十。九。年。庚。申。十。二。月。六。日。卒。於。宜。興。展。成。先。生。爲。作。誄。以。哀。之。其。序。云。明。年。正。月。計。至。京。師。迦。陵。太。史。爲。位。邸。次。哭。之。慟。凡。同。人。之。在。長。安。者。無。弗。弔。也。余。行。能。無。似。何。足。以。望。尤。陳。兩。先。生。而。作。客。長。安。暮。年。炊。臼。情。事。正。復。相。同。惟。念。恭。人。於。兩。年。以。前。病。中。已。有。遺。言。以。身。後。惜。福。爲。心。不。敢。冀。都。門。諸。老。先。生。及。同。年。同。官。同。鄉。親。友。諸。公。枉。駕。弔。祭。以。爲。九。泉。之。光。寵。用。是。流。涕。嗚。咽。追。述。遺。言。數。則。以。告。於。同。人。閱。者。倘。亦。憫。其。傷。逝。之。過。情。弗。譏。其。臨。文。之。詞。費。乎。

舊京文存卷七

常熟孫 雄原名鄭

常熟蔣君孟谷墓誌銘

余與蔣君孟谷別三十年矣。南北睽隔。音問稀疏。而中心藏寫。未嘗或忘。每憶光緒己丑庚寅辛卯三載間。翦燭論文。橫經請業。依依情狀。如在目前。昨得君令子益生書。知君已溘逝。余長於君十齡。不意君乃先我而去。痛可言耶。君諱岷。字孟谷。常熟蔣氏。明崇禎間有諱棻者。以進士官禮部。禮部有子諱伊。是曰莘田先生。清康熙初。由翰林御史提學河南。其官臺諫時。三吳洊飢。嘗繪十二圖。疏論難民上於朝。發粟振荒。活人無算。提學有二子。長諱陳錫。由進士累官雲貴總督。次即文肅公廷錫。仍世賢相。與西漢韋平媲美。滇督公季子諱淳。官主事。是爲君五世祖。高祖諱桂。曾祖諱紹炳。祖諱安堵。本生祖諱安圻。父諱士鈞。均潛德弗耀。本生父諱士驥。世稱北野先生。同治辛未進士。安徽廬江縣知縣。本生母氏吳。封恭人。生母氏姚。北野先生以孝友循吏經師人師爲鄉邦矜式。江左俊彥多出其門。君生而岐嶷。氣概不凡。自幼濡染家學。博聞強識。成章

舞象之年。已嶄然見頭角。曾從姚補籬金潤卿諸耆宿問業。評騭經史。發前人所未發。握筆爲文。議論縱橫。不拘拘於繩尺。試於有司。輒不得志。光緒戊戌。仲夏。北野先生捐館。舍君哀毀。擗踊作孺子泣。由是絕意科名。嗣爲捧檄娛親。計嘗試吏。浙右未幾。以吳太恭人年高毅然歸養。及太恭人與姚太宜人先後逝世。君遂杜門讀書。不求聞達矣。北野先生邃於醫。治病應手輒效。君幼聞緒論。長益鑽研羣籍。寢饋探討。參以西醫新說。互相發明。有疑疾急病求治者。輒能回生起死。然絕不受酬金。他如振飢恤匱。除道成梁。事必躬親。邑中有紅十字分會及保衛團。咸推君擘畫。君蘊足勞心。始終罔懈。尤憫忠孝節烈之泯沒也。偕邵息齋編修俞君實方伯設局采訪。呈請褒揚。冀維風教。更編輯事實。刊行問世。以垂久遠。宗明經伯皋爲撰弁言。君之先世有舊宅一區。在城北鎮江門內。咸豐庚申之役。燼於兵火。君力任恢復。化荆棘爲堂宇。設位奉祀。滇督公以下諸先人。命名曰虞山。蔣氏支祠。君少負磊落不羈之志。奮然思欲有所建樹。以光門祚。而嗣先芬。遭逢世變。抑鬱家居。未竟其用。然觀君所行事。皆以利民濟物扶世翼教爲心。與莘田先生暨北野先生出處雖異。而用心則同。亦可謂無忝所生矣。君生於光

緒二年丙子。閏五月初四日。卒於共和紀元十有九年。陽歷十月二十日。於夏歷爲庚午年八月二十八日。春秋五十有五。元配屈宜人。爲同邑吉人先生諱炳銓之第四女。恭謹淑慎。善事舅姑。生子女各一。先君二十八年卒。屈宜人秉承母教。族黨稱賢。其母侯太君有懿德。宜人之昆季樹培及蟠。曾乞余銘太君之墓。繼配溫宜人。精明強幹。勤儉持家。君得以著述自娛。米鹽凌雜。概置不問。溫宜人力也。子一棟。即益生。國立同濟大學醫科畢業。現充海濱公醫院主任。及交通部商船學校校醫。女一家琇。啓明女校畢業。適紹興屠開泰。孫四伯玄。肄業孝友中學初級。仲熙。幼殤。叔榮。肄業報本小學。季所幼讀。孫女三。梅麗。肖梅。肖瑄。益生將於某年月日。奉君靈柩。卜葬於虞山北麓北野。先生主塋之昭穴。先期泣述事略。介狄君小巽。郵書舊京。乞銘君墓。又乞爲北野先生墓表。余弱冠時。以文字受知於先生。載酒從遊。春風久坐。先生因命爲君課讀。其時小巽之祖考仁甫先生。與北野先生爲中表昆季。時時過祝河書齋談藝。講德焉。三世交情。追思如夢。所幸益生學成名立。能世其家。君雖壯志未伸。溘然長逝。其亦可以無憾矣。迺爲銘曰。

忠孝之門。德行科白圭。無玷劬。磨有蓄不施。隱琴河。精越人術。驂華陀。功同活國。療沈疴。秋風摧折珣。琪柯肯堂有子冠。峩峩能紹先德。師秦和幽宮。永奠山之阿。九京莞爾從摩訶。

邱澥山先生暨德配何夫人五十雙壽序 丙寅六月作

上杭邱君澥山。承其贈公爾羹先生之家學。以通儒而出爲循吏。余聞其賢名十有餘年。未相識也。歲在壬戌。余爲漫社詩集序。有云世變之亟。至今日而極。誠未能測其所至。然干戈軍旅。猛鷺暴戾之氣。必以詩書俎豆之澤化之。此固古今中外一定不易之理。可操左券以俟之也。又謂孔子言興觀羣怨。事父事君。實爲詩中約法。澥山讀吾言而善之。謂與其昔年論詩之旨相合。因馳書張君半園。備述嚶鳴求友之意。且以詩爲介。有壽世功名詩第一好。恢文教。掃機槍之句。是爲兩人訂交之始。自壬戌迄今丙寅。凡五易寒暑矣。賤牘之往來。文字之商榷。縞紵之贈答。旬月靡閒。歡若昆季。易云同心之言。其臭如蘭。詩云投桃報瓊。永以爲好。吾兩人其有合於古義矣。今歲五月五日。爲君五十攬揆之辰。先數日。適長孫昌姚週歲。提戈取印。光大門閭。祖庭爲之色喜。德配

何夫人。長君一歲。今已五十有一。何夫人適自閩中重來姚江。置酒延賓。以志家慶。君有賢子四人。伯曰恂。仲曰愷。均已學成名立。有志顯揚。叔曰怡。季曰懷。亦勤勉篤謹。循循率教。諸公子合詞述君言行。郵達都門。乞余爲文以壽其親。以余與君之交誼。即無諸公子之請。亦將效魯奚斯作閼宮之篇。以祝純嘏而頌難老。況諸公子所敘述。均能見其大。能探其本。異於世俗循例。觀縷之詞。益歎君之立身行己。無愧古人。而後起多材。今已嶄然。能露頭角。他日光前裕後。邱氏之興。未有艾也。余雖不文。其可無言。君當幼學之時。贈公爾羹先生築望如別業。設館延師。撰楹帖云。讀聖賢書。儲將相業。以相詔勉。期望遠大。迥越尋常。君於十三齡失怙。委曲周旋於生母嫡母之間。怡色柔聲。先意承志。有爲人所難能者。嗣從同族名諸生峻生先生問業。篤志於身心性命之學。十九補博士弟子員。肄業鼇峰鳳池兩書院。侯官陳慰蒼太史許爲遠到之材。旋往湘中。肄業嶽麓書院。師友漸摩。山川覽勝。胸襟展拓。學識大進。平生服膺湘鄉曾文正公。營集曾語爲聯。慨然以百鍊艱危。挽回劫運自任。君由光緒癸卯優貢。應宣統紀元恩詔。徵選孝廉方正。召試一等。以知縣分浙任用。初蒞武林。即謁中丞某公。條陳時事。有預

防魚爛。收拾人心之計畫。某公未及采行。而武昌事起。國體變更。佐台州軍政分府雷
聲谷統領。多所贊畫。事畢旋閩。張公珍午方長民政。委任平和縣知事。縣境風俗蠻悍。
向多械鬥。君實心爲政。民無冤獄。抽薪釜底。化梗爲良。在任一年。政平訟理。治績爲閩
西南兩路冠。旋應第三屆部試。考列甲等。仍分浙省。丙辰失恃。哀毀骨立。喪葬盡禮。里
居數載。深衣蔬食。抱甕灌園。與田夫野老往還。人忘其曾爲宰官身也。戊午至浙。聽鼓
吏申以文字。受知於杜梅叔廳長。委司青田權務。自定攷核四條。一力顧比較。二曲體
商情。三勤造表冊。四速解公欸。上官嘉其廉潔。旋調長餘姚。雙林海昌諸統捐局。率初
無改。君蓋本平日講學身體力行。實事求是之旨。以爲寸絲粒粟。無非民膏民脂。設有
一介濫取。必受鬼神呵責。常引昌黎食焉而怠其事。必有天殃。及薄功厚饗之戒。以自
警惕。今浙財廳長蔡公儉卿考核成績。尤加倚重。初令留任海昌。嗣委重權。餘姚君受
事以後。綜核嚴密。涓滴歸公。每年溢收之額。較之最近八年。增九萬餘金。而君自視。歛
然以爲應盡職務。雖在宦途。仍守書生本色。嘗書二語以自勵。云聚精會神治事。苦心
孤詣做人。同僚多傳誦之。君以髫年孤露。備嘗艱苦。立志篤學。矯然自拔於流俗。平日

喜爲自箴聯語。如云提振朝氣。驅除暮氣。推廣道心。克治欲心。又云。後樂先憂。當以天下爲任。神清氣定。常如平旦之時。又集會湘鄉及朱文公成語爲聯云。儼恪齋明。以凝汝命。卑遜篤實。不求人知。又訂家規十條。均從縝厚精密處著手。居恒訓育子姪。以敦品勵學爲先。嘗云。道德者。無形之財產。末世風教。凌夷破家喪身。禍起眉睫。惟禮義以爲干櫓。忠信以爲甲冑。則可立於不敗之地。孟子所謂周於德者。邪世不能亂也。在浙多年。於桑梓關心極切。每引王船山言。見之功業者。雖廣而短存之人心風俗者。雖隘而長默以自策。於隱微常若有大譴隨其後。君之嚴於自訟如此。進德之猛。雖古大儒蔑以加焉。德配何秉玉夫人。爲上杭耆碩杏田先生之女。勤儉耐勞。力戒奢侈。同心黽勉。遠近稱賢。梁孟高風。去今未遠。齊眉受福。亦固其宜。夫麥邱華封之祝。不免近於諛媚。今以諸公子所紀述。刪繁撮要。存十之三。言取質樸。事無虛假。庶幾合於切人不媚之義。而足以信今傳後乎。潘次耕之壽亭林先生六十也。謂陰陽之數。剝不極則不復。而剝既盡則疑於無陽。是故剝復之際。消長絕續之交。天心所由見也。其在序卦也。不受剝以坤。而受剝以復。其在人也。當天地閉塞之時。而有特立不懼。遯世無悶之君子。

霰雪集而不凋者。松柏之所以待春也。風雨晦而不熄者。膏火之所以待晨也。曾湘鄉之壽。陳仲鸞同年之父母七十也。謂仲鸞之激烈不阿。由於稟之庭闈者。歲漸月染。涵濡之久而不自知。人固視乎所習。朝有媿嬰之老。則羣下相習於詭隨。家有骨鯁之長。則子弟相習於矩矱。倡而爲風。效而成俗。匪一身之爲利害也。君平日固深挈易學者也。上年和我落葉詩。有羣陰剝果。欲無陽之句。又嘗以不貳不息名其齋。是有得於大行健。自強不息之旨。際此天地閉塞之時。而能進德修業。確乎不拔。是即待春之松柏。待晨之膏火也。君又服膺湘鄉之學。而欲挽回劫運者也。今者世運之混。勢較湘鄉時爲尤甚。兵氛不戢。浩劫方殷。然不佞嘗謂干戈軍旅。猛鷲暴戾之氣。必以詩書俎豆之澤化之。實爲一定不易之理。誠得如君之忠信廉潔。至誠無妄。型於鄉黨宗族。矜式於諸大夫國人。更越數十年。而樹之坊表。彼時君之眉壽固已。由杖鄉杖國而上。晉期頤。吾知人心風俗。亦必革薄從忠。偃武修文。銷兵耀德。定可操左券而俟之也。仲夏初旬。余方爲重腿之疾所困。不能操筆爲文。季夏之朔。霍然病已。始成此蕪雜之文。以踐宿話。君與何夫人見之。倘欣然而進一觴乎。是爲序。

清故戶部主事孫君筱川墓表

丁卯 此文互見禹齋文存

君諱國楨。字筱川。一字木彊。江蘇常熟人。先世亦從徽州遷吳中。父某。早世。本生父過庭。命爲兄後。幼聰慧。劬學嗜古。爲諸生時。考證經史。述作斐然。中光緒辛卯科舉人。甲午恩科進士。授戶部主事。趨曹勤勩。爲翁文恭師所器。庚子拳禍起。君問道省親南歸。終日憂憤。次年五月。感疾卒。年三十九。君與余爲總角交。甲午又同捷南宮。二十餘年。切磋砥礪。靡間晦明。君有撰述。無不攜稿商榷。論及時事得失。亦無不心心相印也。君有二子。長者曰景賢。字希孟。讀書有夙慧。未弱冠。詩文咸有法度。兼工小說。曾赴日本習法政學。歸後在鄂爲法官。數年因病辭職。共和九年庚申三月卒。年亦三十九。有龍尾集若干卷。君卒後二年。希孟稽顙乞余表其墓。因循卅載。未踐夙諾。今去希孟之逝又八年矣。泚筆爲此。以付君弟國祥補勒於石。且以志余重負死友之過。

西磚校經圖記

甲子仲秋作

余於辛亥季冬。讀孝定景皇后讓政之詔。因橐載京寓圖籍。移居津門。六易寒暑。值丁巳仲秋。津沽洪水爲災。余所居日本租界紫陽里。庭院積水。深逾三尺。衣裳書籍。漂流

毀損。不可以數計。不得已。收拾殘餘。仍移歸都門。賃廡於宣武城南西甄胡同。與法源寺及謝登山先生祠爲鄰。寓舍湫隘。余所關讀書之室。才能容膝。左圖右史。堆案連牀。余每日清晨。輒校讀毛詩三禮十餘頁。以爲常課。鄭康成氏詩箋禮注博大精深。紬繹之餘。時或引伸其旨。條列於冊。徐爲疏通。而證明之。而於毛詩之變風變雅諸篇。尤三致意焉。蓋黍離行邁之感。谷風離之悲。魚魚歛怨之情。形蜩螗沸羹之禍。患均目覩。而身受之。益歎經文及箋疏之言。何其親切。而有味。且於數千年後之流弊。真不啻燭照數計。而龜卜也。校經之暇。又以餘力研究詩古文辭。閱時既久。積稿遂多。迄於今歲甲子仲秋。蓋又七易寒暑矣。此七年中。共和國首都之政府迭更迭。仆九州鼎沸。羣盜如毛。而余蟄居窮巷之中。彈琴詠風。丹黃几席。怡然有自得之樂焉。昔曾文正爲季文敏作槐陰書屋圖記云。古昔多聞之君子。從事文學。多不在朝班。而在仕宦遠州之時。即蘇黃之於詩。論者謂其汴京之作少遜。不敵其在外者之殊絕。蓋屏居外郡。則其志專。而其神能孤往橫絕於無人之域。若處京師浩攘之中。視聽旁午。甚囂而已矣。尙何精詣之有哉。余於辛亥以前。供職銓曹。又奉命監督京師文科大學。職雖清簡。而晨起

趨曹。午詣蠻舍。城南城北。往返三十餘里。輪蹄僕僕。神志形茹。復以其間賓接友朋。削答簡牘。校閱生徒日記。焚膏繼晷。孜孜不休。縱或柔史剛經。強自督課。而心不專。一幾如廢井迨遘國變。萬念皆灰。所未能忘情者。惟此歷刼不磨之聖經。賢傳耳。七年以來。圭竇華門。筆耕墨耨。雖處京師。浩攘之中。魚鼈蛟龍。萬怪惶惑。視聽之旁。午囂維殆。數倍於承平之時。而余冥心無覩。如坐深山。但以讀書味道爲樂。宣尼有言。發憤忘食。樂以忘憂。不知老之將至。小子無似。雖不能至。心嚮往之矣。讀經救國論六卷。亦成於此數年中。董子云。天下愈亂。春秋愈治。設非值此泯棼之世。竊恐驚駘伏櫪。亦有雄心。未必甘埋首書叢。逐蠹蟬以終老也。然則元黃反復。天地易位。固爲斯世之不幸。而余躬逢其變。轉得鑽摩故紙。與古爲徒。竊歎蒼蒼之相待。不可謂不厚矣。社友中如蒲圻賀履之良樸。涿縣胡冷庵佩衡。畢節路金坡朝鑾。皆工繪事。不驚時名。擬乞各爲西轅校經圖。以徵題詠。並略述緣起而爲之記。

西轅校經圖後記
己巳季夏作

西轅校經圖記。作於甲子七月。然圖迄未繪就。僅寫定此文。錄入禹齋文存而已。南通

族叔祖松濤老人有印行宗譜圖詠之舉。馳函燕京。謂斯圖宜與詩史閣圖並列。庶有聯珠合璧之美。可爲宗譜圖詠增光。又乞葛君竹溪繪圖。竹溪有道君子也。在前清爲宣統庚戌歲貢。世居南通城東韓湘壩。久任城北高等小學校校長。誨人不倦。門多俊傑。弱冠以前。與松濤老人暨老人之弟惠春翁同遊。朱孝誠先生之門。研精經史。行粹而性和。四十年間。從未與人有鼠牙雀角之爭。蓋深有得於大易懲忿之學者。宜其畫筆之靖俗塵而饒古意也。余爲詩二章謝之。首章有盟懷和藹無城府。落筆清超絕點塵之句。蓋紀實也。次章又有圖書東壁嗟飄散。門巷西轅入畫圖之句。蓋痛心於都會南移。舊日內府之鐘彝。故宮之書畫。多爲典守所攘竊也。余於辛亥之冬。自京師移居津門。迄共和紀元之六載。夏正丁巳季秋。由津返京。始卜居於西轅胡同。前紀已詳述之矣。是年津沽大水。余所居庭院水深三尺。蕩析離居。損耗不貲。不得已。橐載漂餘圖籍。重客宣南。今歲爲夏歷己巳。蓋寒暑已十三易矣。繼室清河君於丁巳三月來歸。今年正月逝世。人事顛沛。天災流行。自上年冬十月。至今年夏五月。不雨。民困已深。不意六月中霪雨兼旬。山洪暴發。永定。大清。滹沱。子牙。諸河同時潰決。而永定尤烈。河中積

水高至二丈六尺。宣南地本卑下。西甌胡同去永定門不及十里。去彰儀門僅三里許耳。永定彰儀二門外及蘆溝橋左側。濁浪滔天。飢民載道。泛濫不已。吾其魚矣。他無足惜。惟此朝稽夕考。數萬卷之經史子集耳。辰巳之年。龍蛇起陸。雖曰天命。亦由人事。水利之不興。河僚之耗蠹。有以致之。我生不辰。適丁其厄。此後恐欲繼續校讐點勘之役。亦爲蒼天之所不許。恫乎悲哉。余故展閱竹溪所繪之圖。不禁俯仰蒼茫百端交集也。嗟乎。今日人心中之洪水猛獸。已深固而不可拔。即使禹周孔孟復生。恐亦難以息邪拒諛。收經正民興之效。窮儒伏處。手無斧柯。爲世詬病。亦固其宜。迺蒼蒼者天。尙欲以懷山襄陵重苦吾民。是亦不仁之甚矣。豈眞浩劫之來。九穹亦失其主宰耶。吾不敢知也。爰述所見。以爲後記。質之松濤惠春二老人與竹溪翁。得毋哂其怨人尤人有悖義經洵雷修省之義乎。己巳季夏之月晦日。孫雄自記。脫稿時。猶大雨如注。簷溜錚鏦不已。滴吾心而欲碎也。

徐壬保葬銘 己巳仲秋作

徐壬保。常熟何市鄉人。少達前輩兆璋之長孫。樹人世講曾植之長子。體弱而嗜學。以

共和紀元十有八載五月十九日。猝膺肝風疾。不及施藥石而卒。生於共和元年五月。年甫十有八。前輩哭之慟。馳書舊都。乞余爲傳誌。或哀辭以傳之。前輩之言曰。長孫王保。生於壬子。故名曰壬。年十五。畢業鄉立高級小學校。因病輟學。其在校也。余叔翰青爲校長。謂孫行動舉止。均酷似余。然少年而無飛揚之氣。陰鬱亦足以損壽也。又曰。去歲延師家塾。溫習故業。孫取姚惜抱王葵園所選古文辭。晨夕披覽。又喜觀諸家書目。余以其性之所近。思詔以古文義法。讀書門徑。孰意竟不及待耶。又曰。孫習字之暇。鈔書不倦。蠅頭細字。絕鮮訛奪。平時靜坐一室。不聞聲息。對人無疾言遽色。玩好之物。悉不措意。一編在手。他非所問。童烏不祿。老懷其何以堪。余與前輩年齒相若。文章道義相師。友交契垂四十年。今俱頽然老矣。己巳改歲之初。山荆清河君溘逝。余懷悽愴已甚。嘗念人生上壽。不過百年。其間不幸短命者。輒爲人所惋歎。至年逾耄艾。則又以胡考壽考相頌禱。其實長年之人。其親屬子姪。多不及待。吳南屏祭姊氏文。謂長者所贏之歲月。皆爲短者哀傷之歲月也。然則短者不幸而長者可爲幸耶。其言至爲沈痛。況值此世運湮淪。勞心賊目。生其間者。苦趣多而樂趣少。如壬保之一暝不視。與世長辭。

未必非幸福也。壬保喜讀王葵園祭酒師所選古文辭。其中有張阜文江安甫葬銘。不知曾肄業及之否。今其卒年與安甫同而幼。書嗜古。手寫口誦。心領神會。胝沫鑽研而不知倦。亦頗與安甫相似。豈其聰慧固生有自來而脩短之數冥漠中信有主宰之者耶。嗚呼奇矣。某年月日。壬保之櫬將祔葬於陳涇徐氏之祖塋。因爲葬銘以安其藏。且以塞前輩父子之悲。銘曰。

誕於壬子。逝於己巳。逝值易幟之時。誕逢建國之始。來去匆匆。無生無死。菌蟪胡悲。毫臺胡喜。請誦蒙莊彭殤一軌。

狄味霞先生懿行記

味霞先生諱念祖。與仁甫先生爲從昆弟。配曰陸太君。余曾爲表其墓。已刊入舊京文存卷一矣。味霞先生胸襟曠達。操行清介。爲宗族鄉黨所矜式。年六十有九。無子。因預爲遺囑。自定四事。一不立嗣子。二以住屋立爲祠堂。三四均關於輪收祭田及輪祭事宜。位置井井。親書十紙。交於兩弟八姪存之。又以舍嗣耐食。祭產歸公。具文呈請蘇州府署立案。文中大意謂。嘗讀禮經。殤與無後者。有耐食於祖之文。心竊倣之。旋閱汪輝

祖所著雙節堂庸訓及佐治藥言諸書均載明有依禮耐食秀水陶氏烏程馮氏各案酌古準今始毅然於無後者之不立後而有取於耐食於祖之義先生此文探源則遠溯禮經取法則近符成案而又預定夏禴秋嘗之耐饗隱杜涎財奪嗣之紛爭意至善也先生篤於伉儷與陸太君梁孟同心老而彌摯先生逝世親族仍有議爲立後者太君謀守遺言力持不可拙撰墓表已紀其事小巽爲先生從姪孫嘗語余云先生病中曾作聯自輓云歲月愧虛延已深負天地生成父母鞠育形骸期速化勿久佔一抔黃土半角青山讀之可以知其懷抱蓋古之獨行傳中人也又有生輓河內君聯云只道有緣以致累君同我苦早知無後何庸令我悼君亡其實河內君之逝後於先生十有六年故拙撰墓表標題稱陸太君云

味霞先生生於清道光十五年乙未十月初七日卒於光緒二十九年癸卯十月二十三日陸太君生於清道光二十五年乙巳二月十五日卒於民國七年夏正戊午正月初三日余前爲太君作墓表未將生卒年月日詳列爰附記於此庚午仲冬師鄭記

楊无恙拏雲精舍詩稿序

丙寅季冬。同邑楊君无恙。以校印陳司業詩集貽余。簡末有无恙所題長歌。於有清一代詩人。少所許可。惟於見復先生。備極推崇。有屠門厭過。胃脰臭太羹。元酒非貢諛之句。余讀而佩之。戊辰孟秋。都會南移。舊京蕭索。余臥病蟄居。復因傾跌傷足。无恙貽書饋藥。殷殷存問。且謂近年刪定所爲詩。凡若干首。已有散原吏部仁先侍御諸老題跋。惟缺一序。洵非龍門無以點額。敢乞吾丈一言。又謂拙詩五言竊喜魏晉。近體雅慕義山。鄉先生徐編修虹隱。曾稱拙詩逼樊榭。或因其尖豔。偶學昌谷故耳。无恙於詩致力至深。寸心得失甘苦。自知。又經散原諸公之評。驚縲朽瓠。落知下走者。所言何足以增重我无恙哉。惟思无恙之所景行嚮往者。爲鄉賢見復先生。王次山先生。爲陳門高弟。不啻孔顏之契。次山先生之跋司業集也。謂從冲養中流出真腴。允爲陶韋嫡派。又謂就里中作者論。千百年後。初學有學諸編。或如春華凋謝。此乃冬青一樹矣。司業晚年亦爲次山作序。謂次山爲人。疏亮鯁直。骯髒多感。不能委曲順時。塞默取容。故其詩亦疏朗勁特。不肯以含糊爲溫厚。佻薄爲風雅。視夫雕飾工緻。功力深而氣骨不足者。雖

時所愛尙不喜也。兩先生人品之高固爲吾儕後生所當師事。即其論詩精粹之語亦宜圭臬奉之。蓋人惟不欲以詩自見。斯不爲外物所役。而性靈才識每流露於楮墨之間。固無需雕飾爲也。无恙盛年勗學。力追古人。其爲人也醇和。則似見復疏亮。又似次山進德修業。鏤而不舍。誠未可量。惟陳玉兩先生生於重熙累洽之世。難進易退。樂育英才。大夫國人皆有矜式。余與无恙則運丁陽九。羣龍無首。元黃道窮。觸緒拈毫。輒有無窮之感。愴无恙樂志衡門。雖居城市而町疇村樹。有山野之趣。猶得優游嘯傲。追步前賢而雄以垂暮之年。際泯棼之世。故都留滯。舉目淒涼。淚洒冬青。魂傷杜宇。蓋所遭正與東澗相同。而名位才望且遠遜之。求如初學諸集之春華凋謝而不可得。更何敢望陳玉兩先生之項背乎。急景凋年。寒風栗冽。足疾未愈。偃息在床。追念弁言之諾。已逾兩月。恐无恙疑其疏嬾而食言也。因以方寸所鬱結者。拉雜書之。即以爲序。共和十有七載。戊辰夏正九月下旬。先立冬三日。同邑孫雄師鄭氏序。

菰里瞿氏四世畫卷題詞序

今日東南藏書家首推吾邑菰里瞿氏。蓋自蔭棠先生迄於良士爲時已百有餘年。而

弓冶相承。保守勿墜。歷傳亦已四世矣。共和十有一年。歲在壬戌季夏之月。良士應國會之徵。三至京師。携其曾大父蔭棠先生之檢書圖。大父子雍先生之柴門臨水圖。尊公濬之先生之虹月歸來圖。徵題於雄。雄旣賦詩。書於卷末。又爲介紹於漫社詩友。若吉林成君澹堪。奉節張君半園。蒲圻賀君簣公。漢陽周君退舟。畢節路君瓠齋。此五六君子者。各爲題詠以張之。簣公工詩又善畫。因爲良士繪檢書圖。圖中水鄉風景。略仿蔣子延先生柴門臨水。吳灌英先生虹月歸來二圖筆意。其名則與張荔門先生爲蔭棠學博所繪相同。以示繩其祖武之旨。迨季冬之月。良士返里門度歲。至癸亥孟春上元節後。重蒞都門。復携蔭棠子雍兩先生遺像各一卷。至社徵題。迄暮春之初。良士又因事遄歸。詩社中諸友。尙有未及傳觀者。雄因請於良士。將蔭棠子雍濬之三先生圖卷中諸家題詞。代爲依次寫錄成冊。用聚珍版印行。以廣流傳。而以簣公爲良士所繪檢書圖附焉。名之曰菰里瞿氏四世畫卷題詞。俾世之覽者。共知瞿氏世澤之縣長。且增虞邑藝林之故實焉。夫士食舊德。家承賜書。漢晉以來。即已播爲美談。往者桐城張氏。有講筵四世詩鈔之刻。然不過人爵之榮耳。如蔭棠子雍兩先生之仍世載德。閉戶

潛修邵塵世之榮華。視典籍爲性命。溶之先生。昆季之愛護。先澤發於仁孝之誠。流轉縱極艱辛。卒使散而復聚。今良士又能世濟其美。不隕其名。承休垂裕。修於身而教於家。昨歲挈長公子北來。則又文質彬彬。恂恂然執子弟之禮。宗君子岱跋虹月歸來圖。所謂登其堂。花竹竊然。子弟肅然。臧獲粥粥然。垂髻稚子。抱書而出入。其於甲乙部居。執簿呼名。應聲而赴。良由瑤環瑜珥。皆寢饋於羽陵蠹簡之間。竊歎菰里流澤之長。未有艾也。此豈尋常人爵之榮。所得而比擬乎。抑雄更有進者。近世時流鄙薄經義。棄如弁髦。學校久騰廢經之議。以致邪說誠行。紛然並起。本實先撥。枝葉隨之。義軒周孔之教。掃地盡矣。即有一二嗜古之士。講求版本。亦僅以孤本罕見之野史別集。及說部詞曲。轉相裨販炫鬻。陽沽博雅之名。陰投世俗之好。國學日就淪亡。國本遂日形杌隉。非細故也。夫經訓蓄畬。顛撲不破。其中微言大義。不啻江河之行。地日月之經。天卽下至一物一名。單詞片義。苟援据古今疏通而證明之。亦可藉以窺見先聖制作之精意。吾觀鐵琴銅劍樓藏書目錄。所列宋元刊本及鈔校本。更僕難終。而以經部書居三分之一。即如宋刊本周易注疏。禹貢集解。及南宋巾箱本毛詩。宋刊本纂圖互注周禮。與夫

宋刊殘本周禮注及禮記。並爲希世之珍。苟窮旬日之力。詳細讎校。必有爲阮擘經。盧抱經。諸公所未及見者。良士苟能擇尤刊布。嘉惠士林。以佐息邪。放淫。拒諛。之宏功。而紹贊易刪詩訂禮之絕業。他日子孫繩繩。食報之隆。必有什伯倍蓰於今時者。可以雄言爲左券也。良士其有意乎。爰備述寫錄四世畫卷題詞之緣起。并貢其芻蕘之見。如此。癸亥孟夏之月。同邑孫雄師鄭氏謹序。

邱志軒先生六十壽序

元儒許魯齋先生嘗言治生爲學者先務。苟生理不足。則於爲學之道有所妨。彼旁求妄進。及作官嗜利者。殆窘於生理所致。諸葛孔明身都將相。史稱其廩無餘粟。庫無餘財。其廉如此。以成都桑土子孫衣食。自有餘饒耳。治生者果處之不失禮義。即商賈亦無不可。後儒有疑其說爲非者。蓋因孔子曾云。謀道不謀食。又譏子貢之貨殖。爲不能受命也不佞。則謂魯齋之言與孔子未嘗異趣。蓋魯齋生於元代。彼時以十等制民。定爲九儒十丐。爲儒者無所恃以爲生。故魯齋講學以治生爲亟。近世湘鄉王平養氏。根據陸桴亭先生之說。亦謂孔子之時。雖非盛世。然先王之道法猶在。使有百畝之田。則

亦足以卒歲。此時而猶貨殖。故夫子抑之。魯齋之時。士無恒產。八口無所養。雖欲不治。生而不可得。蓋衣食又急於禮義矣。言非一端。義各有當也。上杭邱志軒先生。以治生起家。而被服儒者。從容中道。其教督子弟。仍以孔孟之道爲依歸。吾友潯山徵君。與先生同宗。竝爲中都開基萬七郎公之遺胄。庚午臘月。值先生周甲慶辰。以公子志勝。昆季所述先生行誼。郵寄舊京。乞余爲文。以壽余篝鐙三復。竊歎先生行誼。蓋深有合於魯齋遺書。而能見諸實用。非尋常經營什一之商賈。與佔畢詩書之陋儒。所得望其肩背也。嗟乎。今之世。何世乎。羣雄之放恣。處士之橫議。視戰國時。殆十倍之。舉國以儒術爲賤。過於元代。服膺孔孟之學者。苟不知治生。惟有窮餓而居陋巷。槁項黃馘。以終其身而已。吾觀志軒先生。雖憑藉商業。振起門庭。而孝友篤厚。根於天性。幼事太翁瑞玉先生。至孝。先意承志。色養無違。晚與堂叔瑞恒先生。合資建屋。落成共居。待同族諸昆弟。怡怡親愛。老而彌篤。又復深維曾子慎終追遠之義。時誦歐公祭豐養薄之言。春露秋霜。愾聞慊見。采蘩薦藻。矢敬矢誠。更葺治近支先墓。創修本鄉宗祠。靡不慨捐鉅款。樂觀厥成。祠有學校。庭宇湫隘。規制簡陋。先生旣解囊築室。美奐美輪。又輸助田穀。儲

爲常年經費。定校名爲尙志。取孟子居仁由義之訓。以督勉青年。十餘年來。成就棊衆。復創萬濟莊。以恤貧族。立同仁社。以惠窮黎。仁心仁聞。民被其澤。不可枚舉。周官之言。六德。六行也。曰智。仁。聖。義。中。和。孝。友。睦。婣。任。恤。先生殆兼備之矣。先生平居無事時。時詔吉勝。昆季而勉之。曰勤儉爲起家之本。忠實爲傳家之本。慈善事業爲保家之本。宜書紳弗忘。力行毋懈。聞者咸歎爲千古名言。余與澥山爲道義之交。同方合志。契洽已逾十年。澥山嘗作精神談話訓其諸子。引許魯齋先生詩家無擔石儲。心有天地春。及但期磊落忠信存。莫圖苟且功名新數語。以爲韋弦之佩。又嘗謂道德者無形之財產。末世風教凌夷。破家喪身。禍起眉睫。惟禮義以爲干櫓。忠信以爲甲冑。則可立於不敗之地。孟子所謂周於德者。邪世不能亂也。蓋與先生之貽謀。啓後若符節之相契。余於十年前。著有讀經救國論。凡六卷。先生閱而善之。嘗馳函舊都。購置五十部分。貽鄉里後進。共相挈討。萬里神交。託諸文字。氣求聲應。異地同情。非偶然也。邇來世風澆薄。道德淪斁。共產謬論。如燎方揚。使居鄉之士。君子咸如先生之仁慈愷惻。以立人達人博施濟衆爲心。則不均不安之弊。無自而生。三代時和親康樂之治。何難復見於今日哉。

余故揭魯齋先生論學之說。而又推本於周官之六德六行。以頌先生之好德。洪範五福。以壽居首。而繼之以富。又繼之以康寧攸好德。周易言體仁長人。是爲元德。孔子言仁者壽。合諸說以推衍之。先生平格之壽將邁。召爽而紹彭簪。今日周甲之慶。不過初哉。首基而已。先生聞吾言。盍莞爾而晉一觴乎。是爲序。

舊京文存卷八

常熟孫

雄

原名師鄭同康

銅山王惺三先生墓表

銅山王君惺三爲余平生兄事之友。歲則五年以長也。弱冠後同肄業南菁書院。同受知於黃漱蘭王葵園楊蓉浦三師。光緒辛卯同考江南優行。君入選而余以額溢得副焉。癸巳同捷順天秋闈。又同爲翁文恭師所賞拔。壬辰癸巳甲午三歲與君同客宣南。所居密邇。晨夕過從。摩訶學術。沆瀣相契。甲午孟秋余以居憂南還。蹤跡稍疏。至戊戌季春入都。猶與君一握手道故。自戊戌迄戊辰三十年間。家國滄桑。良朋闊別。中間僅與君嗣子永豫相晤。詳詢起居。戊辰夏秋之交。都會南移。余以臥病淹滯舊京。而君已於七月七日無疾卒於彭城里第。車笠之盟。人天永隔。悲哉。悲哉。君諱學淵。字惺三。一字雷溪。姓王氏。世爲銅山舊族。曾祖心領。祖尙藹。父振清。本生父立廷。並有潛德。君幼嗜學。卽爲硯銘以自警。光緒辛巳年二十一補學官弟子。辛卯以優行貢成均。朝考二等。以教職用。旋考取八族官學教習。遂留學都門。癸巳舉順天鄉試。乙未主講沛縣歌。

風書院。勤於造士。君工書法。幼臨初唐碑刻。得其神似。嘗俯就繩墨。作院體書。所爲大卷。白摺特工。宿遷黃君以霖嘗云。惺三之書。可以問鼎。而竟不得進士。其得者。視惺三書。遜色多矣。然其秉性寧靜。澹於仕進。甲午乙未。戊戌。癸卯。甲辰。十餘年間。雖五試春官。不第。而君澹然視之。初不以得失介意。孝友慈讓。根於天性。幼出爲叔父後事。親先意承志。聽於無聲。丙子壬午。癸未。歷遭父母及本生父喪。哀毀骨立。致誠勿悔。其事本生母李太君也。晨羞夕膳。依戀庭闈。萊衣舞綵。作孺子慕。戊戌季冬。太君棄養。君泣踊過哀。幾以身殉。自是絕意進取。與長兄學。彝怡怡友愛。終身無間。丙午。考取郵傳部職。亦終辭不就。每云。古人捧檄而喜。爲親在耳。今吾親既逝。寧忍以微祿奪吾手足之愛乎。君於詩文不多作。作亦不盡留稿。惟於金石碑板。若有夙嗜。考證精確。四十以後。書法益精。遍取前人書論。觀其會通。品題古墨刻。分別次第。萬下。悉中窾要。張君伯英謂君所論著。均極精密。與時賢書品。以意爲進退者。未可同日語也。君喜蓄鄉先哲遺墨。詳稽故事。張君謂宜作徐州書人徵略。或以人存書。或以書存人。各具梗概。以免湮廢。君諾之。而未就也。君生於咸豐十一年辛未正月。卒於共和紀元十七年夏歷七月。年

六十有八。聚馬氏。繼娶崔氏。寢室尹氏。子永豫。考取優等文官。分發交通部任用。少孺幼讀。君之歿也。祁君世倬銘其墓。張君伯英又爲別傳。永豫以余與君交契四十餘年。具函乞爲墓表。後死之責。義無可辭。惟思昔年與君共硯澄江。並轡日下。意氣方盛。視天下事。無不可爲。今則世變泯。芬洞心。賊目君已一瞑。不視。余亦頽然成一衰翁。但思以著述終老。然如君之粹然儒者。於漢宋兩家之學。深造有得。故其學行能力。追古人。即出其餘技。以研究八法。亦復卓爾成家。足與其鄉賢萬年少相頡頏。則君雖潛聲隱曜。而千秋不朽。要自有在。豈若余之一事無成。與草木同腐乎。爰叙君言行之聲。聲大者。以著於篇。俾後之學者。知所矜式焉。己巳夏正孟夏之月。旬有三日。如年愚弟孫雄拜撰。

常熟翁母周太夫人墓誌銘

古來名將之興。多由母教。若漢之金日磾。宋之岳忠武。其尤著也。同邑翁振伯中將之麟。研精軍學。有聲於時。飲水思源。實稟賢母。周太夫人之教。共和紀元十有六載。周太夫人疾終。藩陽振伯撰事狀。爲書抵京師。乞銘於雄曰。之麟將以某年月日。奉先妣靈

輒南下。啓先府君宿張公之兆。而合窆焉。先府君表墓之文。旣幸得吾丈大筆。先妣之純德懿行。不可以無傳於後。敢復請志其藏。以卒吾父母終始之賜。之麟兄弟感且不朽。雄再拜敬諾。按狀。太夫人姓周氏。同邑吉甫先生長女。幼嫺閨範。兼通經史。年二十五。來嬪於宿張府君。時君舅士復府君早卒。君姑陶太夫人病篤。廟見禮成。入廚三日。卽偕宿張府君奉侍湯藥。先意承志。昕夕弗離。戚族均歎爲難能。次年春。陶太夫人棄養。經營殯葬。盡哀盡禮。宿張府君就學於從叔祖文恭公京邸。家事悉委之太夫人。克儉克勤。自奉至菲。晝則從事針黹。夜則篝鐙紡績。課諸兒誦讀。機聲書聲。賡和達旦。光緒甲午。府君宦遊浙水。歷任釐金優差。廉潔自守。涓滴歸公。不以絲粟自肥。太夫人亦以貧爲樂。謂取非其有。適以自殃。其子孫必不爲也。宿張府君素性慈善。遇親友以窮乏告貸者。雖家無宿儲。不忍拒絕。太夫人或私典釵珥以助其成。庚子以後。詔廢科舉。太夫人令之麟之穀。先後赴日留學。戚黨有尼之者。堅持定見。不爲浮議所撼。壬寅冬。府君因迴避改官閩省。感受瘴氣。遽辭人世。太夫人茹痛撫孤。銜哀盡瘁。鞠育教誨。以慈母而兼父師之責。戊申夏。之麟之穀學成返國。考授軍職。之麟留部任用。歷充保定

陸軍速成學堂兵學教官。軍諮府一等科員。廣東督練公所參謀處幫辦。之穀派赴南京。歷充陸軍第九鎮正參謀官。砲兵第九標管帶教練官。太夫人就養白門。慈懷稍慰。辛亥夏。之穀因積勞病逝。是年冬。國體變更。至壬子春。臨時政府自南遷北。之麟奉親入都。任陸軍部軍械司司長。在職九年。晝趨部署。夕侍慈闈。婦孺環坐。歡笑一堂。太夫人願而樂之。歐戰事起。中樞合肥段公力主參戰。不揚國威。之麟贊畫宣勞。因兼任督辦參戰處及督辦邊防處軍備處處長。維時黨派林立。政見紛歧。太夫人怒焉。憂之。謂值此國紀凌替之時。求榮適足以招禍。因勗之麟。以守諸葛公澹泊寧靜之訓。勿墜清白家聲。故皖直之役。之麟雖以嫌疑去官。仍能保全身家。皆由太夫人灼見先幾。綢繆未雨垂訓。誠而示之準的也。近數年間。之麟供職瀋陽。任東三省兵工廠會辦。受今大元帥張公特達之知。晉階勛五位。同列誇爲榮遇。而太夫人仍勗以矢慎矢勤。束身自愛。勿自滿假。以答殊知。而養後福。卓識名言。殆與古之陶母歐母如驂之斬。此豈尋常巾幗所能企及哉。太夫人。生咸豐十年庚申閏三月初七日。卒民國十六年夏歷丁卯六月初三日。年六十有八。子五人。長即之麟。次之穀。次之龍。次之鳳。次之駿。之穀之鳳。

均先卒。之麟等歷官服務。已詳雄所爲宿張府君墓表中。不復具列。女二人。長慧媛。適同邑趙士卿。先卒。次靜媛。亦適士卿。爲繼室。孫六人。元慶。朝慶。連慶。兆慶。惠慶。集慶。孫女三人。太夫人。生平惡聞人過家人間。有議論。必中止之。力行善事。凡賑荒。饘粟。及施衣。施櫬。求無不應。平居悲憫。爲懷關心。民瘼。又鑒於吾國衛生。不講疫癘。流行貧民之喪失。生命者。數以萬計。因令叔子之龍屏。絕宦途。懸壺濟世。在京設療養病院。又擬傾囊集款。於西山香山高爽空曠之處。各設專科分院。以救萬衆。病中猶諄諄爲之。麟昆季言之。其他微行嘉言。覲縷難盡。茲述其犖犖大者。以煒彤管而式後世。爰爲銘曰。賢母之德。彤史光教。子奮武輝。旂常蒲穀。圭璧五世。昌心存愷悌。甦羸。悲天憫世。祇不祥。新阡葱鬱。蟠高岡。千秋萬祀。無毀傷。翁宿張府君墓表拙稿檢尋未得開張伯巳南旋異日當函索付印 師鄭記

高密鄭叔問先生別傳

鄭君文焯。字俊臣。號小坡。又號叔問。晚年自署大鶴山人。先世居漢北海郡高密縣通德里。爲鄭康成之裔。九世祖國安。於清初鎮守關東海島。從龍有功。編入正黃旗漢軍籍。至君應光緒丙子會試。請冠本姓。遂姓鄭氏。曾祖鶴年。祖普安。本生祖普明。考瑛啓。

官至河南巡撫。兼署河南山東河道總督。世稱蘭坡先生。先生久宦秦晉豫數省。惠政及民。以餘事爲詩書畫。神趣天然。均極筆墨之妙。有鄭虔三絕之稱。君濡染家學。天資卓絕。幼卽倜儻見志節。爲文有奇氣。課餘喜作繪事。蘭坡先生富收藏。君於六歲時見壁懸畫軸。卽知臨摹。舞勺之年。輒以指作畫。凡花鳥山水人物。著手立就。光緒乙亥。應順天鄉試。中式舉人。出崇文。貞毛文達諸公之門。房考則今太傅陳弢庵先生也。會試屢薦不售。遂絕意進取。愛吳中山水幽勝。客居三十餘年。歷爲撫吳使者。上客事必諮而後行。光宣之交。陳伯平中丞啓泰尤相推重。每有酬唱。傾倒彌日。嘗與張次珊侍御仲忻言曰。叔問所爲詞。雄厚之氣直逼清真。時流無與抗手。此由詣力心思都高人一等也。中丞在蘇。創建存古學堂。按月校藝。延君爲都講大師。第其高下。碩彥通材咸來捧手受業。君亦循循善誘。樂與有成。辛亥國變。君年五十有六。愴懷身世。自比淵明。孤憤滿腔。悉於詞發之。因以茗雅名其集。藉寓不如無生之感。朱古微侍郎孝臧嘗爲刊茗雅餘集。且作弁言。語極沈痛。足以傳君矣。其辭曰。君以獨行之志。胥疏江湖。固墨墨以詞自晦者。至是而僅僅以詞顯歟。惟其名益高。其志益苦。其詣益進。而其遇益窮。豈

詞果不祥之音。而於窮者尤驗耶。抑昔人所謂昌其身不若昌其文耶。夫士生晚近。負閎識絕學。久孤於世。無所放其意。則託諸微言。懼然事物之所感觸。於是繼綣惻怛以喻其致。幽噎淒戾以形於聲。橫歌哭而變風謠。作者誠不自知其何心。至乃天宇崩析。彝教淪胥。竄羸行之。軀被佯狂之髮。茫茫慘黯。哀斷無生。向所爲長言嗟歎之不足者。曾不得一詠搖焉。然則斯文之將墜於天。其以詞爲人籟。而天者動於幾之先歟。君生於咸豐六年丙辰。七月二十八日。卒於共和七年戊午。夏正二月二十六日。年六十有三。夫人張氏字眉君。熱河正總管毓泰長女。才茂德懿。工繪事。善鼓琴。靜好相莊。終身無間。先君一月卒。子一。復培。女一。茂韶。適江北戴正誠。孫二。汝銘。汝鑑。君於國變後。以越人術及鬻畫自給。清史館聘爲纂修。北京大學校校長某君聘爲金石學教授。主任君均忍飢不就。辭謝賤啓。傳誦藝林。有云。故國野遺蒿。目世變久甘頽。放何意舉比業。醫賣畫老而食貧。固其素也。所著書甚富。自寫定書目凡三十九種。生前已刊者有大鶴山房全集。凡九種。曰楊雄說故一卷。曰高麗永樂好太王碑釋文纂考一卷。曰醫故二卷。曰詞原校律二卷。曰冷紅詞四卷。曰樵風樂府九卷。曰比竹餘音四卷。曰茗雅餘

集一卷。曰絕妙好詞校釋一卷。至詩稿若干卷。則君易簣後。戴君正誠檢其遺篋。校定付刊者也。戴君尙欲蒐輯軼稿。盡刻之。又爲君編次年譜若干卷。

舊史氏孫雄曰。光緒庚寅辛卯間。余往吳門。謁俞曲園陸雲孫兩師。嘗於琴歌酒賦間。親君言論丰采。甲午初夏。余與張子馥同年祥齡。同入詞館。子馥君之摯友也。憶於宣南旅舍。篝鐙話雨。三復君與子馥酬唱詩詞。輒爲神往。自時厥後。余以南人而久羈燕趙。君以北人而久客勾吳。蹤跡遂不得合併。信乎友朋離合聚散之緣。亦有數焉。今俞陸兩師與子馥同年墓草均久宿矣。比歲浮沈人海。與君之女夫戴君正誠字亮集者。聯吟結社。因得讀大鶴山房全集。及題冷紅移填詞圖卷。亮集輯君年譜。旣脫稿。又屬余點定。且乞弁言。悵觸前塵。感愴身世。不覺百端之交集矣。君於晚歲。嚮畫行醫。時時往還於蘇滬間。勞勞於淵明所謂傾身營一飽者。後卒憔悴以死。良可憫歎。然君文章風誼卓然。獨有千秋黍離萋楚之淚。時時流溢於楮墨間。固已合於古人立言不朽之旨。蓋其囊括經典。刪裁繁蕪。允足步武康成。而井中心史。俟知己於百世。亦堪媲美所南。而無媿也。君多才多藝。凡訓故攷據。詞章之學。以及音呂醫經氣緯諸秘籍。與夫金

石書畫鑒賞。無一不精。茲均不論。論其志行及忠憤。之寄於文詞者。次爲別傳。以答亮集之雅命。且卽以爲年譜之序云。

農商部清理前清舊案分類目錄序

記曰。官先事。又曰。前事之不忘。後事之師也。民國肇興。各部成立。舊邦新命。經緯萬端。淺見者流。咸謂前清舊案。已成廢紙。多束之高閣。而不觀。甚者如司法部。初建。竟由長官下令。將光緒庚子以前舊案。拉雜擿燒。悉付一炬。以致修清史者。於歷朝數大獄。供証事實。蔑由蒐討。識者恫焉。農商部之沿革。於前清光緒二十九年癸卯七月。設立商部。分保惠平均通藝會計四司。又別設司務廳。嗣於三十二年丙午。特派大臣釐訂官制。奏裁工部。改立農工商部。分農務工務商務庶務四司。裁司務廳。歸庶務司辦理。外務部又將關於商務製造。並戶工兩部之度量權衡事項。皆歸農工商部管轄。在前清爲新設專部。舊案視各部爲少。然自光緒癸卯。迄於宣統辛亥九年之間。如創辦京師勸業場。商品陳列所。工業品試驗所。農事試驗場。及籌備巴拿馬赴賽。舉行南洋勸業會等。百廢具興。案牘纍纍。亦復疊牀連屋。入民國後。度置別室。久未清理。今總長楊公

文愷次長王公湘蒞任經年。精心擘畫。曹無廢事。更有餘閒。爰設立清理前清舊案委員會。頒布章程。選派委員二十餘人。而以黃君祿貞爲委員長。並以雄爲首席委員。爰議定規章。分股治事。矢慎矢勤。日稽月考。將舊案中雜存田房契據四十餘束。巴拿馬赴賽殘餘物品。及其他不屬於舊案各件。均細心檢核。剖析部居。呈明總次長。分別點交各處所保管。所有從前商部及農工商部各案。分門別類。編製目錄。都凡若干冊。繕成清本。以備稽核。當委員會成立之日。次長王公親臨訓示。勗勉諸同人。慎重將事。期底於成。同人見舊案。棼如山積。繭絲牛毛。頭緒紛繁。不易整理。慮非三月之期。所能竣事。迺自分股治事。各專責成。同人孜孜矻矻。不懈益虔。手沫口胝。露鈔雪纂。向之如繭絲牛毛。紛繁待理者。甫及旬月。已能條分縷析。朗若列眉。是會也。諸同人以最短期間。和衷籌畫。努力將事。如期告成。不可無所記述。爰書其顛末於簡端。以告來者。若云弁言。則吾豈敢。民國十有五年。歲在丙寅。陽歷十二月。孫雄謹序。

朱右文先生滄海集序

朱右文先生爲有明南通州宿儒。秉性純孝。持躬嚴謹。人有非義干者。怒目叱之。讀書

過目不忘。六經三史。九流百家。靡不通曉。編纂攷訂。孜孜不倦。著有滄海敝帚等集。具載州志。先生卒後。鄉人私謚曰介毅。迄今已四百餘年。而仰止高風。猶能使頑廉懦立。蓋君子之澤遠矣。裔孫憲章字則周。奉其尊人孝誠先生遺命。修輯譜牒。又因右文先生遺集。雕版久燬。蒐求得之。重付梓人。顧君未杭已爲作序。則周謬采虛聲。不遠數千里。乞余同族大父行松濤惠春兩先生作書爲介。屬爲弁言。余惟今日道喪文敝。國粹淪亡。主持教育之當軸。方竭其材力。以提倡所謂新文化者。欲舉舊日之聖經賢傳。攷據詞章。一切日爲腐化而付之一炬。則周獨能食舊德之名氏。誦先世之清芬。校刊遺集。口沫手胝。又以鄙人著述爲不欺後世。不阿時好。再三督促。必欲得一言以爲重。莊周云。逃空虛者。聞人足音。跣然而喜。如則周之繩武。追遠賢而且勤。豈可於今世求之哉。至右文先生之詩。體格與香山劍南爲近。顧君未杭已言之。不復贅論。惟滄海集中。有效謫仙樂府數首。題曰感時。詩中有民膏吸到骨。民愁空疾首。二語。余讀之而重有慨焉。先生此詩。即是太白日爲蒼生憂。少陵窮年憂黎元之意。蓋古之詩人。未有不以經國濟民爲念者也。夫六經四子所言。天視民視。天聽民聽。民溺已溺。民飢已飢。自古

聖君賢相咸於民事三致意焉。今日政體改革。方以民治爲標幟。宜乎能使吾民出水而登衽席矣。而環顧九州。敲骨吸髓之慘。呼號飲泣之聲。有目不忍覩耳不忍聞者。嗚呼。民膏竭矣。民困深矣。彼擁重兵而據高位者。迭興迭仆。方競爲權利之爭。迺均於吾民疾苦熟視之。若無覩焉。甚者或謂破壞時期。例應受此痛苦。不必少所見多所怪者。吾不知右文先生生於今日。其感慨又將何如也。共和十有八載。歲在己巳仲春之月。常熟孫雄師鄭氏序。

劉敬輿總長五十壽序

共和紀元之二十載。一月二十九日。於夏歷爲庚午年季冬之月。旬有一日。實爲東北政務委員前教育總長劉公敬輿五十覽揆之辰。路君壬甫史君承棗集舊日賓僚賦詩介壽。而屬雄爲之序。雄病廢舊京。兩載有餘。酬應之作。久謝弗爲。惟念我公之出處於人才消長國運興衰。實有重大關係。誼不可以無言。公於丁卯戊辰之歲蒞教育總長之任。兼領京師大學校校長事宜。令出惟行。本身作則。首善學風。布新滌舊。十餘年來。覺舍青衿囂凌。佻達之積習。幾於摧陷廊清。承學之彥。人知自奮稂莠去而嘉禾生。

數疾除而地寶湧。百年樹人之業已培植。其始基孟子以教育天下英才爲三樂。易繁辭傳云富有之謂大業日新之謂盛德。我公信當之而無媿矣。歸安錢念劬公使恂嘗云世之論者僅知學校爲培養知識之地而我獨以爲學校爲培養心術之地。心術者盡忠於所事致愛於我國之謂。今則忠於金錢而不忠於學術愛他人之物質而不愛本國之文明縱使學術果深亦安所用之。況所得者僅爲他人之皮毛乎。雄嘗歎爲洞見癥結之論。舊京莘莘學子自共和五載以後多爲名流政客所利用。廣田自荒糾紛滋蔓教育當軸隱爲操縱以植黨利己爲事其賢者亦僅以鄉愿態度處之自安於壘曠而已。林畏廬徵君紓辛亥以前與雄共事京師文科大學循循善誘弟子著錄者咸樂坐春風迨共和五載以後徵君固辭大學講席曾與雄言今日大學教職員其生活與喂鷹飼虎等非吾輩所能任。徵君集中有致唐蔚芝侍郎書云天下未有不得良師而可幾於道者。今之忝爲人師恒曲徇其弟子之意謂少匡掖之即拂其自由日爲詭御自固其立足之地此喂鷹飼虎之厮僕耳。寧人師哉其言絕痛比年國都南遷而校風之橫恣變本加厲其詭幻情形又較錢念劬林畏廬所言更軼出乎軌轍之外有爲

雄所不忍言者。嘗與壬甫承。桑諸君私憂竊歎。謂戊辰春夏之交。使我公得久於其任。其收穫之效。十世百世猶將食其利而惜乎。爲時會所不許。遂使賢者卷懷而去。論世者固不僅爲公惜也。興賢育材。納民軌物。爲古今求治者不易之涂徑。未有學府荒蕪。士風囂競。而國運能蒸蒸日上者。然則我公一身之進退。所繫顧不重哉。公於辛亥以前。肄業京師經科大學。壬子易朔。經科併入文科。公遂畢業文科大學。嗣應選國會議員。復任中東路理事。均力持正論。錚錚有聲。而公耿然不自滿。假謂僅竭吾心力而已。深媿於時局之艱危。未能補救其虛懷謙德如此。戊辰春間。公銳意整理京師大學校務。曾以文科大學史學文學二系主任相屬。雄因年衰多病。未能應命。惟嘗進言於公。謂宜恢復經科舊制。公頗然其說。旋與承桑議於文科內。增設經學系講座。先立毛詩三禮諸門。厥後政局變更。未及施行。雄嘗怪今世競言保存古物。又或發掘古城遺蹟。以相矜炫。謂可宣揚文化。而獨於先聖先賢所傳之經訓。足以爲立國之本者。則土苴視之。豈物質當重而學術轉輕乎。抑江都平津世無其人乎。孔子爲千秋至聖。而其學實在刪訂六經。孟子言經正則庶民興。庶民興斯無邪慝矣。使孔孟之言果非欺我。

雄敢斷言。經訓必有昌明之日。人倫必有再造之時。孔子云。五十學易。可無大過。易繫辭傳云。大衍之數五十。又云。天數五。地數五。五位相得而各有合。我公康寧富壽。將與六經同其悠久。今茲五十。特雅訓所謂權輿俶落而已。雄雖老矣。猶冀我公旋乾轉坤。壽身壽世。俾薄海內外一覩經正民興之效也。公聞吾言。倘欣然進一觴乎。是爲序。

崇文節公庚子殉國紀實

崇文山上公綺。孝哲毅皇后父也。公已致仕十餘年。光緒庚子。孝欽后有立儲之舉。特詔起公爲禮部尙書。與徐相國桐同傳大阿哥。不數月而禍作。公適際其難。捐軀殉國。公夫人拴呢瓜爾佳氏。公世子葆初。率舉家子婦闔戶同死大隧中。天下悲之。公殉國於保定。世有議其非死所者。不知公乃心王室。實出於不得已也。當時兩宮出幸。取道居庸關。徑大同以達太原。公竊竊憂之。恐外兵譎詐。將以輕騎襲乘輿也。乃僞爲乘輿狀。由良鄉行。抵保定。意謂設有變。可以身當之。故輦轂居民異口同聲。咸謂車駕自南路行。南路者保定也。西路者大同也。及聞兩宮已駐蹕大同。公遂以八月朔晨。縊於蓮花池。自書絕命詞云。聖駕西幸。未敢即死。恢復無力。以身殉之。三復遺言。意可知矣。余

嘗聞繆東麟前輩潤紱。王澤寔同年龍文言。爾時由保君穀田。善棺斂忠骸。穿壙成墳。及辛丑冬。始具衣冠歸殯京師。當外兵之入保定也。上公薄櫟。漂停蕭寺。兵匪糾。勢重受剖。暴徒以顏貌如生。驚爲異人。卒得無恙。忠義之氣。上薄雲霄矣。公死後。奏至太原。行在子諡文節。

余出商城。張巽之師。孝謙之門。於上公爲再傳弟子。上公於同治乙丑。大魁天下。今日追述孤忠。與宋代文信國媲美。足爲巍科生色。辛亥國變。天澤易位。冠冕毀裂。竟有名列巍科。而通電要求遜位。甚或以大臣子弟。詞曹冠冕。而反顏相抗。自命元勛。萬怪千奇。溫犀難燭。吾不忍言之矣。庚午仲冬。味辛老人附記。

清故翰林院編脩章君琴若墓表

甲子

自定海黃元同先生主講南菁書院。江左俊彥。親炙門牆。達材成德。不乏其人。而以婁縣張聞遠孝廉錫恭。丹徒陳善餘明經慶年。太倉唐蔚芝侍郎文治。江陰章琴若太史際治。四君尤爲高第弟子。若七十子之有顏閔焉。元同先生之學。覃精三禮。兼苞漢宋。門弟子學焉。而各得其性之所近。聞遠善餘。於漢學致力至深。蔚芝琴若。初亦治漢學。而踐履篤實。希聖希賢。尤與宋五子爲近。四人者。皆余四十年前舊同學也。張陳唐三君。齒皆與余相若。章君則十年以長。當時同學諸子。悉以兄事之。共和十二年癸亥七月。章君逝世。其長子霖偕其弟懋彬。楚旣乞蔚芝爲銘墓之文。又復遠道馳函。乞余爲

墓表。適冀遼構兵。避地轉徙。淹遲半載。未遑命筆。霖等以安窆有期。復貽書督促。余雖不文。其何敢辭。按狀君諱際治。字琴若。系出南唐太傅仲舉公。公夫人練氏。即世稱有全城功者也。後八世祖立之公。在南宋時。扈蹕南渡。始遷江陰。歷二十一傳。至灤波公諱衛南。邑庠生。創建義莊。以子午橋公貴。贈武顯將軍。曾祖士傑。祖圻。均附貢生。考鳳銜。國學生。君生於邑城大巷。思永堂祖宅。六歲就外傳。值髮賊肆擾。郡邑連陷。君從堂上往來南北。流離顛沛。逾數年。始返故里。時大難初平。艱苦萬狀。尊公麗生先生。與陳太淑人。食貧節用。延師課讀。君感悚刻勵。私念父母望子如此。他日縱不能爲通儒。要當讀書明理。有所建樹。以答親恩。同治壬申。補縣學生員。光緒壬午。舉於鄉。是科典試江左者。爲許星叔。譚叔裕兩先生。注重經策實學。不僅以帖括爲取去。故壬午南榜得士。稱盛。瑞安黃漱蘭侍郎。時方督學三吳。創設南菁書院。延聘當代碩儒。主持講席。君入院肄業。發憤治經史。考據之學。以實事求是爲宗。而於宋儒性理諸書。亦復潛心探討。蔚芝與君爲壬午同年。所志所學。若合符節。每當夏弦春誦。攤書圍坐。討論疑義。瀾翻不窮。復以餘暇。兼治詞章。時或痛飲讀騷。互相背誦。班馬韓杜諸集。視其誤否。以角。

勝負。余亦隅坐。從遊極少年豪放之樂。蔚芝嘗校刊陸桴亭陳確庵兩先生遺書。君助之讐勘。因深有得於桴亭之學。益信惟學足以愈愚。而非禮不足以持己。己丑考取內閣中書。留京供職。辛卯正月。麗生先生棄養。君聞耗痛絕。航海旋里。居廬守制。不與外事。服闋入都。館於李新吾太史經畬邸中。君與新吾亦壬午同榜。縞紵之誼。歡逾僑札。甲午中東戰起。李氏移家滬上。君與偕行。獲交西士傅蘭雅。傳達於算術。久主格致書院。君與晨夕商榷。擬合譯泰西算數諸新箬論者。比之有明徐文定之於利瑪竇。近代李壬叔之於偉力亞烈焉。君於算學本有心得。至是融貫中西。蔚然成一家言。所演細草蠅頭精楷。積數鉅冊。其劬學不厭如此。戊戌成進士。改庶吉士。座主壽州相國孫文正公特薦於朝。派充京師大學堂分教習。君感激恩遇。奮志報國。乃不久卽遭政變。大獄遽興。新政停廢。君婉謝舉主。挈眷南歸。壬寅三月。母氏陳太淑人病逝。君雖得遂終養之志。而深抱鮮民之悲。充充皇皇哀毀。骨立蓋純孝根於天性。非由矯飾也。太淑人身後諸事。料檢周至。戚族有謂宜作某某佛事者。君俯首聽從。長子霖進言曰。人子事親。禮有常經。吾父何必任人指揮。君曰。不然。世俗相沿。未必盡戾於古。吾何必與尊行。

抗耶。其曲體人情。委婉求全。不立異。以沽名。又如。此癸卯。詔改書院爲學堂。邑人推君爲禮延校長。君手訂章程。聘知名之士爲分科教習。來學甚衆。齋舍不給。因令諸郎創設小學。命名輔延。以爲私立各學倡。又設師範傳習所。以造師資。丁未四月。督學使者唐春卿先生。奏派君爲南菁學堂監督。是冬入都。引覲。授職編修。仍歸主持校務。江邑士紳。以君聞望交孚。推爲教育會會長。宣統庚戌。更被舉爲諮議局議員。共和元年壬子。城區有市公所之設。君又被舉爲市議會議長。滬江組織南菁校董會。仍推君爲駐校校董。君於地方公益事宜。必躬必親。任勞任怨。平生論學論治。不尙空談。惟求實踐。衾影之地。廣衆之前。無不內外一致。而終歸於刻苦自勵。其親親仁民愛物。則儒家之術也。孔子所謂中行之士也。其刻苦勤儉。不畏難。以謝責。不憚勞。而苟安。惟知竭精力以赴事。則又略參墨家之學說。孔子所謂狂者進取狷者有所不爲。君殆兼有其善。此豈近世飾僞弋譽之徒所能及歟。君之生年月日。及夫人子女名氏世系。均詳蔚芝所撰墓誌。及霖等所爲行述中。茲不復贅陳。惟思余自光緒壬辰春間。應翁文恭公之召。入都襄理筆札。今已三十有三年。未至澄江矣。猶憶上巳之辰。辭別元同先生。及南菁

諸同學情話依依。尙如昨日。此三十餘年中。高陵深谷。華屋山邱。家國滄桑之感。如何可言。吳季子之墓碑。張睢陽之廟貌。往時鼓歌諷誦之餘。所徘徊而瞻眺者。猶縈繞於夢寐之間。今乃執筆爲故人表墓。其能無感慨於心乎。余故舉君生平行誼之犖犖大者。揭之於阡。以抒余悲。且使鄉邦後進。知所景企焉。

翰林院侍讀嘉興錢公新甫行狀

五世祖諱陳羣。康熙辛丑進士。以刑部侍郎予告歸。特加太子太傅。刑部尙書。晉贈太傅。入祀賢良祠。賜諡文端。誥授光祿大夫。

高祖諱汝懋。早世。本生高祖諱汝恭。乾隆丁卯舉人。官至安徽安慶府同知。均誥贈光祿大夫。

曾祖諱復。順天大興縣知縣。誥贈光祿大夫。妣氏陳氏沈。誥贈一品夫人。祖諱泰吉。邑廩生。海甯州學訓導。誥贈光祿大夫。妣氏胡。誥贈一品夫人。

考諱應溥。道光己酉科拔貢。官至工部尙書。軍機大臣。賜諡恭勤。誥授光祿大夫。妣氏許。繼妣氏陳。誥贈一品夫人。

本貫浙江嘉興府嘉興縣。年八十三歲。

公諱駿祥。字新甫。別號耐庵。晚年又自號贗叟。先世本海鹽何氏。明初貴四公因賦役事。戍黔之都勻府。以次子諱裕。留育於同里錢富一翁。遂承錢姓。四傳至海石公諱薇。是爲公十世祖。嘉靖壬辰進士。官禮部給事中。以論宮寮削職。隆慶初贈太常卿。事具明史列傳。九世祖魯南公諱與映。嘉靖甲子舉人。八世祖紫芝公諱陞。萬歷戊午舉人。七世祖鶴庵公諱瑞徵。康熙癸卯舉人。西安縣學教諭。六世祖廉江公諱綸光。太學生。自紫芝公以下。皆以文端公貴。誥贈光祿大夫。文端公與恭勤公先後爲有清一代名臣。行誼式於鄉閭。勛業著於國史。公爲文端公之五世孫。恭勤公之仲子。長兄萬成。幼殤。有弟三人。麟祥字壽甫。熊祥字冲甫。敬來字敏甫。怡怡友愛。終身無間。道光戊申。恭勤公隨侍警石先生海甯。公誕生於儒學署中。幼而穎異。爲祖庭鍾愛。親自授讀。未十歲而畢羣經。成童後隨侍恭勤公於曾文正公戎幕。當代賢士大夫。見即推許。樂與之遊。學業日進。同治己丑補郡庠生。食廩餼。庚午舉優行。貢成均。五試浙闈。皆以額滿見遺。光緒壬午。改試京兆。又中副車。泊乙酉始獲登賢書。己丑成進士。改翰林院庶吉士。

明年散館授檢討。丁未擢翰林院撰文。向例詞曹出有坊缺。以資格較深之編檢二十員具題請旨。此次公名列第四。越次擢用。亦異數也。旋升侍講。轉侍讀。歷充會典館纂修。國史館協修纂修。編書處總校。文淵閣校理。山西學政教習。庶吉士日講起居注官。實錄館總纂等職。以編書告成。叙勞加二品銜。又以實錄全書告成。得孔雀翎。晉頭品頂戴。當未通籍以前。在金陵則肄業鍾山惜陰二書院。在京則肄業成均及金臺書院。勵志劬學。文譽斐然。爲李小湖薛慰農王益吾潘嶧琴諸先生所契賞。光緒己卯至己丑十年間。觀政戎曹。精勤慎密。爲歷任長官倚重。故事入賞爲郎。非補官不畀以稽遇。有特差。始獲稍資廩餼。公硜硜自守。從未嘗以私干。同郡徐忠愍公用儀時爲少司馬。適承辦陵工。有同官世交某君。乞爲紹介於徐公。公以分限堂屬。婉詞却之。迨徐公委監修三人。而公名與焉。公以某君有前言。不爲人謀而已。獲之其何以自明。卒辭不就。亦不明言其故。甲午奉命視學三晉。蒞任以後。以晉省地僻民僊。思有以振興實事。使通時務以儲世用。乃捐廉購置新舊圖籍。庋書院以餉諸生。復於省垣設會英文社。課以經史策論。取列前茅者。厚給膏火。按試諸郡。日坐堂皇監察。至日晡收卷始退。待遇

考生力從寬厚。而校閱文字。務極詳審。唯恐屈抑真才。時值丁酉科選拔。衡校之時。必覘其學。詣察其年資。而折衷於文藝。所得皆經明行修之士。是年秋闈揭曉。榜首即所取選拔生。其優拔兩生之獲雋者。多至二十餘人。前任王梅岑先生。夙以清介著稱。常語人曰。錢公所拔者。皆吾意中欲拔之人。其公允可知。乙未春。按試絳州。遘疾甚劇。調治一二日。即力疾開考。幕友均以休沐請。公曰。諸生多來自他縣。不可以吾病勞彼。久待耗旅費也。晉省口外之歸化。薩拉齊。和林格爾。托克托。清水河。豐鎮。寧遠。七廳學。每學童試規定僅二十名。取進一名。至多不得過二名。而應試人數。歸化五廳。往往不及二十人。豐寧二廳。人數較多。又限於額。以是濫竽投考。或冒籍跨考。均所不免。公於按試時。加意體察。參以衆論。議將歸化等五廳併爲一學。豐寧二廳爲一學。每學置進額八名。並酌廣歲貢廩增各額。奏上報可。由是邊徼之士。登進驟寬。咸鼓舞嚮學矣。辛丑奉諱里居。浙撫任筱沅中丞。禮聘爲敷文書院山長。力倡實學。士風丕振。壬寅癸卯兩科。獲雋者多爲院中高材生。乙巳年。詔廢科舉。令各省以書院改建學堂。禾郡本有鴛湖書院。都人士公議就院址。改立中學堂。推舉公爲監督。受事後。凡規定章制。籌畫基

金。以及訪延教員。選購圖籍。咸躬任其難。而例給之夫馬費。悉以捐購書籍。嘉惠藝林。至次年規模粗具。遂薦賢自代。回京供職。公迴翔詞館二十餘年。性甘淡泊。從不作非分想。充編書處總校。及實錄館總纂時。懷鉛握槊。日有常程。寒暑靡間。攷訂體例。精嚴確當。同館咸相引重。辛亥。遜國以後。解職退隱。以先朝實錄。尙未告成。仍恭事纂修。網羅甄采。一如平時。閱三年。全書告成。此後遂不問世事。婆娑風月。慕陶靖節之爲人。往來京津。與二三故舊。市樓品茗。歡詠自娛。暇則仍事作述。公之伯祖衍石先生。曾編輯錢氏世譜。自明代起至嘉慶三年止。而乾隆十七年後。又缺佚四十餘年。公乃重爲搜補。仿斷代爲史例。至宣統三年辛亥止。分年纂輯。備極精詳。平日晨起。必熏沐。錄寫佛經。及先人遺集。計寫成金剛經一百部。妙法蓮華經一部。香樹齋詩集精華錄八卷。生平所著詩文。自辛亥後。始有存稿。從前著作。僅在晉學使任內。略有鈔存。餘均散佚。現存有晉帑集。子影集。微塵集。餘光集。若干卷。藏家待梓。公天性孝友。咸豐丁巳。許太夫人謝世時。年僅十齡。哀毀如成人。數十年來。恒以不逮祿養爲疚。歲時祭祀。淚輒泫泫。下事恭勤。公曲意承歡。定省罔闕。遇事請命而行。畢生如一日。每逢家祭。必誠必敬。至

暮年拜跪維艱。家人以節勞爲請。卒不許。弟壽甫辛亥後家居。食貧。公歲時協濟。復以祖遺田產二百畝相贈。迨壽甫逝世。復爲從子靜孫籌畫職業。俾無匱乏。世父芝舫先生中年謝世。子五人。年皆幼。咸賴恭勤公教養成立。公與諸從昆季自幼相處。友愛無異同胞。中年以還。宦轍分馳。書問不絕。嗣後從弟晉甫鼎甫。暮年均家境衰落。公盡力扶助。歲以爲常。存歿靡間。親族待公舉火者。指不勝屈。歲時分贈。絕不以疏遠異視。其有失所者。尤昕夕縈懷。必令溫飽而後已。平居自奉甚約。而待人極豐。常謂嗇於己。爲儉。嗇於人。爲吝。凡有求助者。無論交誼厚薄。必使滿意而去。具以事就商。亦必爲之熟權利害。策畫萬全。謀人之周。勝於自謀。有一失墮。引爲己憂。尤復仗義疏財。急人之急。縱或被給。亦處之泰然。謂君子固可欺。以其方也。癸巳京師大雨連旬。河流潰決。蘆溝橋附近盡成澤國。公與同鄉諸君共商賑濟。親赴各村莊分途調查。散放錢米。災黎存活無算。壬寅禾郡大旱。米價翔貴。公倡募賑款。並請截留漕糧若干石於郡城四隅。設局平糶。至米價平落。始行撤局。饑而不擾。郡人感頌。至今弗衰。辛壬以後。僑寓津門。間歲猶必回里展謁先墓。癸亥春南歸祭掃。留浙兼旬。親故相逢。情話歡洽。泊北行道出。

臨城突遇刦車之變。時常深夜。匪徒強曳下車。推挽以行。力不能支。顧仆者再。匪乃拾之中途。跣足露宿。褻衣僅存。次晨始遇路警護送登車。安抵津沽。危難之際。若有神佑。人咸謂爲盛德之報。公配周夫人。爲吳興兵部主事詠華先生諱學洙之次女。端淑賢明。孝恭誠篤。如賓之敬老而彌摯。庚戌夏日。公偶患濕溫症。呃逆七晝夜。勢甚危急。醫者投以溫通之劑。周夫人並割臂和藥以進。疾遂告痊。丁卯四月。公與夫人八旬雙壽。又值六十年花燭重諧之期。公賦詩誌喜。諸郎承命。開筵慶祝。又蒙清室頒賜耆英雅望匾額。京外諸親友並以詩文圖畫相貽。白頭梁孟壽考康強見者咸誇爲人瑞。庚午二月。周夫人病逝。公傷感特甚。撰述行略篇末有云。結迴腸寸寸欲斷之語。又作悼亡詩三十二首。悲愴填膺。莫能稍釋。嗣又感受風邪。濕熱痰滯。凝結中宮。上下阻隔。呃忒不止。臥病兼旬。遂棄人世。去周夫人之逝。蓋僅五十餘日耳。公所爲悼亡詩三十二首。末句云。地下相逢會有期。又丁卯四月賦重諧花燭詩十二首。末二句云。他日瓊香携手去。也應仙眷比劉樊。今日讀之。竟成詩讖。生有自來。死無遺憾。共牢同穴。靡間幽明。洵足表人倫而勵薄俗矣。公生於道光戊申年四月二十六日寅時。卒於共和紀元十

有九年。歲在庚午。舊歷四月初十日巳時。享壽八十有三。誥授光祿大夫。賞戴花翎。頭品頂戴。日講起居注官。翰林院侍讀。飾終典禮。清室頒賞世臣耆學匾額一方。公原聘許氏。未婚卒。迎櫬歸葬。誥贈一品夫人。配周氏。生於道光己酉年四月初一日子時。卒於庚午年舊歷二月十四日未時。誥封一品夫人。子三。長錦孫。光緒癸卯恩科舉人。前度支部員外郎。歷任鹽務署廳長。財政部總務廳長。署財政次長。全國菸酒事務署署長。次者孫。增貢生。前郵傳部主事。財政部薦任職任用。次瀛孫。增貢生。分省知州。先卒。女四。長適涇縣潘肇翰。次未字卒。三適海甯陳方鏞。四適海鹽沈文孫。孫六人。慎曾慎詒。念傳。均早卒。鑫淦。均肄業中學。鑒。肄業高等小學。孫女六人。長適淮陰王毓霖。次字杭縣許寶駢。三適武進巢尙文。四字盱眙汪毓鏢。五六未字。雄與公交契。垂四十年。幸附詞館。後進之列。摠衣請業。獲益良多。比年同客京津。時相酬唱。己巳之歲。公入秩。晉二誕辰。雄用黃萸圖贈詩三首。以祝難老。公次韵如數。和我篇末有云。天末正懷人。遙望江雲暮。又云。垂老作遺民。寒松葆歲暮。契合之深。期許之摯。流露於楮墨間。公又和我六十有四。初度自述詩有云。養心學邃常知止。紀事文多不送窮。大集編成書甲。

子。此。身。長。在。義。熙。中。獎。飾。之。語。非。所。敢。承。而。相。期。歲。寒。邱。隅。知。止。之。義。雄。固。當。終。身。誦。之。也。老。成。不。作。後。生。小。子。失。所。依。歸。能。無。慟。耶。往。者。杭。革。浦。爲。王。公。蘭。生。作。行。狀。沈。歸。愚。爲。張。公。鵬。翀。作。行。狀。皆。以。報。知。己。於。地。下。今。公。子。錦。孫。耆。孫。以。行。狀。相。屬。固。所。願。也。爰。詮。次。事。略。如。左。以。告。後。之。修。史。者。館。晚。生。常。熟。孫。雄。謹。狀。

鑄翁字說

余。年。六。十。五。以。後。自。號。曰。鑄。翁。辛。未。夏。正。元。日。賦。詩。云。鑄。成。大。錯。餘。頑。鐵。自。負。猶。誇。百。鍊。金。自。維。生。平。落。落。寡。合。而。所。遭。遇。之。奇。變。又。爲。前。古。所。未。有。硜。硜。自。守。之。見。幾。爲。舉。世。所。非。而。不。顧。眞。不。啻。聚。六。洲。之。鐵。以。鑄。此。大。錯。也。頻。歲。臥。病。舊。都。時。於。孤。鐙。風。雨。誦。屈。子。離。騷。經。以。自。遣。每。至。經。所。云。余。固。知。謇。謇。之。爲。患。兮。忍。而。不。能。舍。也。又。云。亦。余。心。之。所。善。兮。雖。九。死。其。猶。未。悔。曼。聲。長。吟。之。餘。若。有。山。鬼。靈。脩。遙。相。應。和。以。慰。旅。懷。之。岑。寂。且。感。人。事。之。蕭。條。司。馬。子。長。云。勞。苦。倦。極。則。呼。天。又。云。浮。游。塵。埃。之。外。嶢。然。泥。而。不。滓。殆。眞。知。屈。子。之。心。矣。事。固。有。曠。百。世。而。相。感。者。余。亦。不。自。知。其。何。心。也。自。辛。未。後。所。爲。詩。文。均。曰。鑄。翁。類。稿。每。有。撰。述。輒。令。兒。子。炳。黃。錄。副。墨。藏。之。辛。未。元。日。余。謂。炳。黃。曰。

鑄字之義。所包涵者甚廣。蓋就所見爲吾說之。炳黃曰。是有四義。揚子法言云。或問揚子曰。人可鑄乎。曰。仲尼鑄顏淵矣。此千古之善言。鑄者。吾父二十年前。監督京師文科大學。誨人不倦。英俊多出門牆。今雖灰心時事。猶以陶鑄人材爲念。此一義也。孔子與及門農山言志。顏淵曾云。鑄劍戟爲農器。放牛馬於原野。許叔重說文解字釋鑄字之義云。銷兵成器也。今天下苦兵久矣。號曰鑄翁。有驅域中盡歸力穡。示天下不復用兵之意。此又一義也。左氏宣公三年傳云。昔夏之方有德也。鑄鼎象物。百物而爲之備。使民入川澤山林。不逢不若。吾父往年有禹齋文存之刻。二十餘年以來。所爲詩文。頗有鑄鼎象物之意。能使魑魅罔兩。莫能遁形。此又一義也。鑄字從金從壽。金爲八音之首。壽爲五福之冠。吾父雖不合時宜。常作厭世之想。而炳黃之所晨夕禱祝者。惟冀吾父之壽考康寧。堅若金石。此又一義也。余聞之莞爾而笑曰。兒可謂善頌善禱矣。遂書之以爲鑄翁字說。

清故直隸補用道靈川周公虎如墓志銘

公姓周氏。諱炳蔚。字升華。號虎如。廣西靈川人也。先世居湖南道州。爲濂溪後裔。明季

有諱祥榮者。宦遊粵西。因家桂林之上塘。高祖林瑞。工越人術。以慈惠著稱。曾祖鐘銘。祖明廉。仍世孝弟。潛德弗耀。父相輔。歷宰江左劇邑。有召父杜母之譽。今日吳中父老。數同光。以來循吏。必首推弼臣先生。公少承家學。讀書目十行下。又受業於從叔鼎卿。檢討冠。所爲詩古文詞。下筆輒驚老宿。弼臣先生宦轍所至。公必隨侍。因徧討山川之名勝。且友其邦之賢士大夫。故所學益邃。同治癸酉。以第三人舉於鄉。九試春官。屢薦不售。而志氣益發舒。研究經史小學益力。嘗曰。科名予奪操之於人。文章得失信之於己。吾以勵吾學耳。甯以遇不遇爲欣戚哉。旋就大挑。用教職。選橫州學訓導。仿胡安定教士之法。勸諸生爲明體達用之學。州故有秦少游祠遺祉。公與州牧合謀重建。不足以己貲益之。迄今爲州勝地。兼攝南甯府學。教授諸生。一如橫州。光緒甲申。越南之役。中法失和。事定。駐重兵於龍州。桂撫李公秉衡。與弼臣先生爲石交。夙知公才。檄充文案。軍書幕畫。動中窺要。丙戌。桂林大水。居民蕩析離居。公創議捐賑。災而不害。嗣改官直隸。由知縣積階至花翎二品銜補用道。長吏遇疑難事。輒以見委。解糾理紛。事無不舉。津榆鐵路初建。胡督辦燭荼以公任總文案。事無大小。悉以諮商。項城袁公督直時。

檄公總辦張登保甲。張登市集繁盛。五方雜處。良莠不齊。復值拳亂甫平。民教動生齟齬。公苦心調和。周巡四境。閭閻安堵。譌言頓熄。官天津河捕同知時。講求宣防之術。至周且備。公生平仕履。雖在直隸。而多從事於路政。在京漢鐵路南段。則爲總收支。在津浦鐵路總局北段。則爲總核算。中間復總辦津榆鐵路報銷。剔抉爬羅。條分縷析。鉅至累千百萬。纖至毫釐絲忽。不差累黍。又迭經商部派充查辦京漢正太汴洛滬甯萍株諸鐵路。及漢冶萍礦務委員。復爲督辦電政大臣行轅總文案。南洋公學提調。吳督辦重憲調撫江右。仍以文案相委。十年之中。南北馳驅。備極。况瘁。淡於名利。衆論翕然。其爲兩廣電報話局總辦也。薪俸而外。涓滴悉歸公家。處脂不潤。人以爲難。雷瓊海線中斷。修復費且不貲。公建議於周制軍馥。創設無綫電臺以通報。又立無綫電學堂以儲材。郵傳部初立。張尙書百熙器公才。調派丞參廳行走。尋改郎中。充電政司副司長。辛亥國變。公謝病歸。卜居天津。無心問世。楊左丞士琦舊與公同官。力勸出山。遂拜漢粵川會辦之命。公與詹督辦天佑。精思和衷。籌畫綱要。卒以欸紉。不克一一見諸施行。爰辭職旋津。絕意仕進。公雖息影閒居。而仍憂心國事。以內訌外患之迭生。民窮財盡之

可慮也。輒繞室。徬徨寢食。俱廢。從弟瑞琦志士也。同居津門。日相過從。語及時事。唏噓。喟憤。形於色。己未夏。瑞琦因五四運動。甘爲國殤。竟蹈沽水而死。公感憤時艱。愴懷。同氣。彌覺摧傷。而諷諭之意。怨誹之詞。一以寓之於詩。今所傳川明書屋詩錄是也。公夙精星命之學。自推年造。謂庚辛兩年均不吉。又謂中元甲子以後。政治或有清明之望。惜吾不及見矣。公生於咸豐三年癸丑九月初三日。卒於民國十年辛酉夏歷二月十五日。享年六十有九。娶何夫人。賢孝淑慎。前卒。繼室趙夫人。子二。春元。傳唐女。一適徐德駿。均何夫人出。春元早卒。聘室唐氏。未婚守志。孫繼生。寶生。均傳唐出。繼生爲春元後。寶生幼學致疾。卒於己未秋七月。公痛惜之。語及輒流涕。弼臣先生作宰虞山。雄曾以書院課藝見賞。有文字知己之感。光宣之交。雄與公同官郵曹。衡宇相望。唱和無間。辛亥仲冬。雄賦憂吁二律。公十疊韵和之。又與公從弟霖叔評事紹昌同年至契。傳唐因卜葬有期。介霖叔來乞銘。雄雖不文。義不敢辭。爰爲銘曰。循吏之後。天所褒。諸艱歷試。賢且勞。置郵通道。功魁曹。滄桑鉅變。掀洪濤。愀乎深憂。誦楚騷。遺詩廿卷。追蘇陶。靈巖山中。松磐高岡。爾幽宅。屬神皋。

裴建誠同年汝欽詹詹言序

余與裴建誠同年別三十八年矣。去夏晤程聽鬯觀察。述其往日守福州時與建誠同官之契洽及其操行之清廉與國變後屢卻徵聘堅臥不出之高節。輒爲心儀。神往。嗣又得社友楊君屏衡詩函。以建誠手寫詩冊徵題。余既賦七律三章。又以己巳七月六十有五初度詩索和。旋得建誠和章。有云朝士貞元驚共老。琳瑯天祿憶同窺。又云三十七年如夢過。京華北望有餘思。三復之餘。益令余生無窮之感。喟己巳歲杪。建誠以所著筆記名曰詹詹言者。寫錄十餘則郵示。並乞爲弁言。其卷一第一則爲福州雙忠。著紀松鶴齡制府樸仁山將軍辛亥殉國事也。余曾爲辛亥殉難三總督二巡撫傳略。刊入禹齋文存。以松忠節冠首。又爲褒忠篇五古四章。詳記樸忠肅死事。刊入舊京詩存。與建誠所紀雖略有異。同而足資互證。第十則紀饒太守士端清史立傳事。系以論云。自古鼎革之際。臣下各爲其主。相殺相仇。當時視爲敵人。迨事定後。且訪勝國之抗命者。褒其忠義。予諡而廟祀之。所以重其節而爲後世勸也。蓋其人旣死。恩怨兩忘。奇節可稱。宜彰公道。綱常名教所繫。何可存畛域之見哉。建誠斯論實獲我心。明太祖之

詔修元史也。論宋濂王禕云。元君臣言行多可稱者。爾等務直陳其事。無溢無隱。洪武三年。平定朔漠。羣臣稱賀。中書省草詔以進。語涉誇大。太祖因責省臣曰。元主中國百年。朕與卿等父母。皆賴其生養。元之興亡。自是氣運。於朕何預。而以此張之。四方有識之士。口雖不言。心未必以爲是也。可更草以進。余嘗謂太祖所言。真有君人之度。夫鼎革爲古今不能避免之事。而國於天地。必有興立。彼食焉不遷。其難臨大節而不可奪之人。乃天地之正氣所繫。建新國者。苟欲祈國祚之縣長。正賴此輩以維持之。若僅恃數十與時俯仰。隨波逐流之徒。恐不免其興也。勃其亡也。忽之歎。今乃因各爲其主。而快一時之意。不惜肆意詆毀。之以戕賊天地之正氣。庸有當乎。建誠此編。雖謙云。詹小言。余謂即此二則。而推衍之所。關於綱常。名教。人心。國運者。至大。即謂爲大言炎炎。可也。余與建誠同厠甲午館選。長白志文貞師實爲廷試讀卷大臣。師於宣統三年辛亥三月。由杭州將軍調任伊犁。入都陛見。甲午同館門下士。觴於城西粉子胡同邸第。師以手書告親友函見示云。此次奉命出關。值此危急。斷非承平可比。鄙人旣以身許國。卽不作生入玉門之想。凡從吾遊者。必須各具身手。不愛頭顱。富有心肝。能耐勞苦。

四者缺一不可。自揣不合者。所有書函請託。免施教誨。余讀畢私語鄭叔進同年云。此文山正氣歌也。蓋師見時艱。孔棘早決。以身許國之志。迨變起倉皇。見危授命。迺適行吾心之所安。與福州雙忠允稱鼎峙。而較松忠節爲尤慘烈。余曾擬爲師作傳。因遺事有待蒐討。尙遲脫稿。後死之責。不敢負也。建誠聞之。倘亦有同感乎。余又聞楊子勤前輩鍾義言。光緒甲午年。景廟欲以北門鎖鑰付之文貞。倚治兵事。東朝弗善也。出之烏里雅蘇台。後遂以付託非人。爲易代張本。前輩題文貞遺墨詩。有引虎期相衛。屠鯨志未舒。及北門虛鎖鑰。西域送氈車之句。國之興衰。雖曰天命。亦由人事。追懷往轍。能無痛哭流涕長太息哉。辛未孟春之月。年愚弟常熟孫雄師鄭氏序。

志文貞師在杭州將軍任時。巡撫增子固中丞韞。銳意行新政。允杭人之請。開放西湖行宮爲農事試驗場。文貞意不謂然。因已決議。弗能阻也。嘗爲微詞以諷中丞云。此事實行。真有故宮禾黍之感。中丞不省也。辛亥季春。同人公讌文貞師。師於席間備述茲事。太息不置。余於戊午作鄭齋感逝詩。有云。西征萬里整戎裝。頭白門生餞一觴。舉盞消愁愁更甚。故宮禾黍語淒涼。即指此事。此詩印入壬癸詩存卷一。惟未

加注語。閱者不知其詳。因附記於此。師鄭又記。

錢南鐵荔園樓集序

同邑錢君南鐵。三十六年以前。與舍弟叔翔同入邑庠。君時年僅十四耳。余久客燕冀。熟聞君之才名。未相識也。比歲君主持虞社。時通函札。今年君已五十。有自壽詩徵和。並以荔園樓駢文郵示。余盥薇誦之。蓋皆十餘年前所作。其才氣橫溢。興會淋漓。則與胡稚威。王仲瞿。相頡頏。其清麗芊緜。藻思綺合。則又與劉芙初。樂蓮裳。相伯仲。近世作者。殆罕其匹。集中如東晉偏安得失論。沈編修北山傳。言皆有物。洵爲必傳之作。又有他篇。余率臆貢愚。謂宜刪除。因題既近俗。文自不能入古。君作答函。虛懷受之。並言拙集近已付印。分駢文。古近體詩。聯語。同姓名錄。稀姓攷。都凡五種。乞吾丈爲作弁言。務祈不吝指示。錫以方針。俾資循守。又謂以前所印駢文。已刪去十分之三。不僅吾丈所指摘之某某篇也。君之勇猛精進。而又謙退服善。若此。他日所造。詎可意測。朽鈍如余。何足以益君哉。平生所作詩文。無非自道所得。不知有宗派門戶之說。嘗謂作文之要。不外有物。有序。四字。作詩之要。不外詩中有事。詩外有我。二語而已。不佞童時。嘗遊海

上龍門書院。及見興化劉融齋先生。先生所著藝槩。指示詩文軌範。頗多精理名言。如云。歐陽公五代史諸論。深得畏天憫人之旨。蓋其事不足言。而又不忍不言。言之怫於己。不言。無以懲於世情見乎。詞亦可悲矣。今吾與南鐵生丁泯。桼之世所見所聞。有較五代爲尤奇幻慘酷者。烏能不有所紀述。以附於言者無罪。聞者足戒之義。頃於虞社月刊中。見君所撰率溪程氏六烈婦合傳跋語。長心重思。遠憂深。有如吾意中所欲言者。竊謂君散文工力之深。不亞於駢文。笙磬同音。相說以解。惟有贊歎而已。融齋先生論文又云。志者文之總持。文不同而志則一。猶鼓琴者。聲雖改而操不變也。善夫淵明之言曰。嘗著文章自娛。頗示己志。又云。文所不能言之意。詩或能言之。大抵文善醒。詩善醉。醉中語亦有醒時道不到者。蓋其天機之發。不可思議也。詩曰。惟此聖人。瞻言百里。論文之旨也。又曰。百爾所思。不如我所之。論詩之旨也。先生又謂詩不可有我而無古。又不可有古而無我。典雅精神。兼之斯善。以上所言。竊願與南鐵共勉之。南鐵爲湘岡先生令嗣。又爲繆西京先生快婿。兩先生均耆年碩望。且並稱詩文老斲輪手。爲不佞所宜兄事而兼師事者。南鐵其以吾言還質之兩先生。當必有相說以解者矣。是爲

序。共和紀元十有八載。夏正己巳季夏之月。孫雄師鄭。

詩史閣叢刊自序

詩史閣叢刊六卷。於丁卯仲夏印行。略參前代叢書。及近世雜誌之體例。而小變之。擬每歲刊行若干卷。賡續爲編。十年以後。可成裒然巨帙。此次所錄。爲叢刊之第一編。凡書五種。曰丁卯元旦詩。曰乙丑介眉集。曰禹齋文存。曰禹齋駢文。曰壘簾酬唱集。惟禹齋文存二卷。餘皆一卷。辛亥國變以後。倏忽已十有六年。余因灰心時事。思垂空文以自見。遂致力於詩文。日征月邁。積稿逾尺。其已刊行者。有鄭學齋文存二卷。壬癸詩存六卷。此外零星纂述。如讀經救國論。名賢生日詩。鄭齋感逝詩。蠅塵憂吁落葉諸集。凡十餘種。友人索觀者。病其散漫零雜。謂宜仿王氏帶經堂。沈氏竹嘯軒。阮氏擘經室。俞氏春在堂之例。釐正版式。彙刻叢書。以便後學之購閱。及門諸子。亦有以爲請者。余應之曰。阮亭歸愚芸臺諸公。生逢全盛。黼黻升平。潤色鴻業。名氏勒於國史。著述炳乎藝林。固非榘材末學所敢望。曲園師之際遇。較之王沈阮諸公。已稍蹇矣。然猶值穀廟中興。重光鐘虞九州奠乂。七鬯無驚。得以躋耄耋之大年。享林泉之清福。亦不可謂非儒。

生之榮遇也。今則海內困窮人間。何世吾儕。苟且偷活。尙欲以此雕蟲篆刻。斷簡殘編。娛垂暮無聊之歲月。恐已爲蒼蒼所不許。追念舊時朋好。如江都王義門。存湘鄉陳翼。牟士廉。杭縣吳伯宛。昌綬。番禺沈太侔。宗畸。諸君均以貧病侘傺。折其天年。近聞長沙葉卽園德輝。更隕命於巖牆之下。文人之厄。絕後空前。此固屈靈均。司馬子長所夢想不到之境。而吾生乃親見之。生人之趣。幾乎窮矣。吾嘗獨居深念。發憤悲歎。幾欲盡焚篋中之叢稿。使吾世子孫長爲不識字之耕田夫。以沒世當世與吾有同感者。當諒吾言之非病狂也。數年以前。傭書所入。尙有餘貲。以佐剗劂之費。今則捉襟見肘。幾於饗殮不給。又何暇釐正版式。彙刻叢書。冀步王沈阮俞諸公之後塵乎。而況遭時之盛衰。造詣之深淺。本如駑駘之與騏驎。望塵而弗及乎。雖然。遭時之盛衰。天爲之也。不可得而強也。造詣之深淺。人爲之也。雖在顓愚。不敢不自勉也。禹齋文存二卷。均近年所作。序跋圖記。及碑傳表誌之文。文雖不足存。而紀事必求其核實。陳義必本於忠孝。竊於春秋勸善懲惡之旨。史記述往思來之意。有志而願學焉。往者張考夫之輯經正錄也。謂綱常者。經世之本。父子君臣之道。得而國治。猶恒星不愆。而五氣順布。四時序行。

也。邪慝生於心。則禍亂中於世。殆非朝夕之故矣。極陰生。陽無往不復。有開必先。非學術不爲功。吾嘗三復斯言。歎爲百世不易之定論。因有讀經救國論之作。徐果亭之撰。明末忠烈紀實也。凡自崇禎二年以後死事者。廣搜記錄。一無避忌。其中有一事而彼此互異者。或有僅存其名。而年月未詳。本末不載者。則徧詢海內親知。灼見之士。識其言之足可深信者。據實以書。猶恐不核也。乃仿編年之體。書某年因某事某死。其死之情事。歷歷有聞於世者。則爲小傳以紀之。如列傳焉。至有傳聞異辭。事涉可疑者。亦附諸傳後。以俟後之人。有如昌黎之聞之張籍。與于嵩者。更出其說以相訂。其肆力之勤。用心之厚。如此。余竊慕焉。禹齋文存卷二中。如翁文端文恭父子別傳。及辛亥殉難諸臣傳略。均守徐氏著書之遺意。不敢逾越焉。其有考訂未審者。則稍緩付刊。以俟異日區區私意所在。惟冀少藉文字之力。扶持正氣。挽回劫運。以盡後死之責而已。凡書不可無序目。編次目錄。旣竟。因記答及門諸子之言。以爲自序。思古傷今。不覺詞費大雅閎達。倘有以鍼砭而淪導之。則幸甚幸甚。共和十有六年。歲在丁卯。夏歷仲夏之月。常熟孫雄師鄭氏自序。

黟縣胡節母孫太孺人贊敬庵大令元吉之母

黃山靈秀。孕瑰育奇。母氏聖善。節義仁慈。呱呱一息。保此子遺。教成令子。道氣充頤。淵源濂洛。仰止孔姬。化雨周被。經師入師。觥觥定國。清德冠時。庚子撫汴。統率熊羆。六龍西幸。夾輔攸資。主賓魚水。書飛檄馳。白雲在天。悠悠我思。兒歸省母。母怒答兒。揮涕趣行。賢勞勿辭。燭石待補。漆室憂危。義薄雲霄。公爾忘私。純儒循吏。一身兼之。滄桑無改。行邁黍離。天墜地裂。道義肩堵。無違母訓。長盼堯曦。苦節甘節。易理潛窺。獨善兼善。孟學自怡。母邁陶歐。顛沛能持。兒希曾閔。孝弟爲基。有煒彤史。永奠坤維。

郟城鄉賢孫德興先生贊

德興年丈諱錫輅咸豐辛酉拔貢同治壬戌舉人官聊城縣教諭

孝友傳家。彬彬儒素。鄰有閭牆。聞風媿懼。學如不及。希聖希賢。英才陶鑄。木鐸宏宣。馬頭之村。菁華所聚。守望相助。聊固吾圉。狡寇環攻。岌乎殆哉。衆志成城。無堅不摧。沂河橫決。塞隄卅丈。民溺已溺。迴瀾則壤。興養立教。一貫傳薪。道承宗聖。三省吾身。行表言坊。夫惟大雅古鄉。先生宜祭於社。

郟城鄉賢孫幼青先生贊

幼青同年諱友運同治庚午舉人光緒甲午進士戶部廣西司主事告歸侍母母歿哀毀竟以身殉

幼遭寇亂。扶母携弟。榛莽竄伏。百衲衣敝。純孝格天。神陰相之。家人尋至。無歎。此離長侍父疾。衣不解帶。生事死葬。誠信勿悔。繼志述事。善誘循循。泰山明復。嗣響有人。乙亥制科。徵車勉赴。仕宦無心。歸盡孺慕。甲午慶榜。觀政農曹。蘭陔潔養。萊綵宮袍。母病失眠。晨昏省視。湯藥躬嘗。不假傭婢。庚子母逝。閔厄黃楊。終天抱憾。泣血霑裳。與母同歸。依依地下。四十九日。在陰鶴化。我慙後死。附驥齊年。鮮民茹痛。永廢莪篇。

郟城循吏孫華樓先生贊

華樓先生諱友蓀同治癸酉舉人江蘇金壇縣知縣

翼翼宗老。江左循良。被澤者十一州。縣部民耳熟而能詳。治盜則懲魁。恕脅。振災則傾囊購糧。弭潦患於慧麓。蠲苛稅於丹陽。恤哀鳴之嗷。雁憫如燬之賴。魴來暮同感。去思不忘。擬漢京之賢牧。儕召杜與龔。黃歎廉吏之難爲。值世變之滄桑。清風兩袖。言旋故鄉。湖山嘯傲。風月平章。歌也有思。舍之則藏。喜明德之有後。卜五世之寔昌。

南通顧麗生先生贊

先生諱繼雲鄉諡貞靜庸公文學迺德之父徐益修先生昂爲作家傳

佐軍幕而齟齬。執吟卷而喁于樹蕙。百畝醯醢。糟餽癖蘭。如命與古爲徒。以儒教子。以學愈愚。振金絲於孔壁。誦南陔而怡愉。潔晨羞與夕膳。味經腴與道腴。風雪則擁衾蛰。

舊京文存
臥春陽。則扶杖嬉娛。極天倫之至樂。樹鄉黨之楷模。靜能悟道。貞不納汙。柳下私諡。名實相符。式高山而仰止。德有鄰而不孤。

黑龍江新建圖書館碑記 代萬壽山主席福麟

古無所謂圖書館也。藏室而已。史記稱老聃爲周守藏室之史。解者謂爲圖籍典章儲藏之所。西漢儒者稱天祿石渠爲典籍之府。又稱東觀爲老氏藏室。道家蓬萊山是皆圖書館之權輿。惟地近宮禁。非散布於各行省耳。昔魯叔孫豹言立德立功立言。雖久不廢。是爲三不朽。然古來立德立功之彥。苟無立言者爲之著於竹帛。安在其能歷久而不朽也。是故圖籍典章之流傳。其餉遺甚宏。其關係甚重。雖以生知之聖。猶必徧觀七十二國之寶書。始能奮筆而脩魯史。其自道生平得力之處。曰述而不作。好古敏求。苟無此流傳之典章。圖籍何所資以述。何從寄吾好乎。黑龍江省城舊有藏書樓。規模狹隘。未臻美備。福麟任事以來。與邦人士集議別營新館。爰相地於倉西公園望江樓之南。館址縱橫皆二十丈。建築之費。凡用銀幣十萬餘元。繪圖督工之役。由軍政兩署參議銅山張仰韓任之。仰韓治事精密。久任省垣各學校視察。能舉其職。共和紀元十

有九年七月。新圖書館落成。邦人士聯袂偕來。披覽載籍。孜孜罔倦。其驩欣鼓舞之情。蓋不啻東漢黃香奉詔入東觀得讀生平未見書也。而福麟有不能已於言者。龍江本以武略著聲。有清順康雍乾之世。名將林立。咸同間索倫勁旅。猶轉戰數十行省。其以忠勳建節。如都興阿。多隆阿。穆圖善。善慶諸公。尤彪炳史冊。而論道經邦之碩儒。則罕覩焉。非天之生才有所限。歷史沿革風俗習慣。漸摩激盪。不期然而有所偏重也。然文事武備。可合而不可分。矧今日世變彌亟。內憂外患之紛乘。均爲前代所未有。一物不知。儒者之恥。開卷有益。誦以終身。世局之變幻。縱極糾棼。而古聖賢撥亂反正。繼往開來之盛業。其微言精義。悉寓於載籍之中。惟在讀者能自得師潛心體驗耳。又况館中所儲。不僅中文圖籍。凡東西各國名著。靡不甄采羅列。以供學者之探討。左氏傳云。天子失官。學在四夷。王仲任論衡云。知古不知今。謂之陸沈。知今不知古。謂之聾瞽。繼自今英傑挺生。食古能化。經文緯武。富有日新。旣免陸沈聾瞽之譏。更成撥亂反正之業。他日飲水思源。追溯初哉。俶落之功。實由圖書館爲之樞輪大輅。是則福麟之所私幸也夫。庚午八月記。

無錫唐君慕潮墓志銘

無錫唐君慕潮。承其尊人桐卿先生遺教。以仁民濟物爲心。己巳仲秋。感疾不起。病中作聯自挽。有云。精靈果在。仍難忘刀兵水火之災。易簣時。以遺言授其弟慕汾。拳拳於仁莊之建設。余旣爲作唐氏仁莊記。刊入舊京文存矣。庚午仲冬。慕汾踵門請曰。先兄之歿。已一年餘。宗郭追憶生平言之大者。輯爲年譜。來歲辛未某月某日。從子振紀振績。將扶櫬南旋。安窆於無錫孔山南麓。皇考桐卿府君塋兆之昭穴。吾師與先兄交契至篤。乞爲銘幽之文。竝祈刊入文存。則爲幸多矣。余憶丁卯孟秋之月。慕潮嘗枉過敝齋。論及世變之亟。殺機之啓。惟不忍人之心。與不忍人之政。可以已之。不忍者。仁也。儒家言四德。以仁居首。佛家言慈悲。言戒殺放生。亦卽儒家所云惻隱之心也。宋趙與時賓退錄。載濱州高士杜子民先生卞功。徽宗屢徵不起。嘗言。世人以嗜欲殺身。以金錢殺子孫。以政事殺人民。以學術文章殺天下後世。每誦斯語。令人不寒而慄。吾輩當以仁心仁術喚起而挽救之。促膝之談。猶如昨日。人天遠隔。悲感靡涯。況君懿行實應銘法。余何敢以不文辭。按狀。君姓唐氏。諱宗愈。字慕潮。晚號思園。江蘇無錫人。先世有

諱華甫者。宋時官翰林院檢討。始由高郵徙居武進之白鶴溪。五傳而至襄文公。官至鳳陽等處巡撫。都察院右僉都御史。爲明名臣。世稱荆川先生。又四傳至玉裕公。諱獻赤。始遷無錫。又六傳至問苑先生諱文源。仍世市隱。潛德弗曜。桐卿先生諱錫晉。爲問苑先生長子。咸豐庚申。錫城陷。闔家被難。惟桐卿先生奉親命出亡。以存宗祀。越五年寇平。歸拾忠骨於故居。胥井。瀝血取證。窆於慧麓。桐卿先生盡瘁賑災。事業惠澤。周於中華。賢名炳於清史。歿祀漣水名宦本邑。及施賑各省。均建專祠。鄉人私謚曰孝惠。配孫太君亦以巾幗具痾瘵之心。爲桐卿先生賢助。君幼承家學。孝友仁慈。出於性成。事二親能得懽心。隨侍漣水任所。劬學勵行。澹於進取。光緒戊戌。淮徐海大飢。君承父命。馳告南中族黨戚友。募欸賑漣水。順道回籍。應縣試。冠軍。旋因桐卿先生電召。查賑。未應。府院試而行。至次年始入邑庠。己亥庚子辛丑三載。桐卿先生賑魯秦諸省。君或隨侍查戶。或奉命募金。養志分勞。高堂色喜。壬寅入都。以主事籤分戶部。考入京師大學堂。仕學館。長沙張文達公許爲偉器。旋佐趙次山尙書創辦戶部計學館。任教習。趙公出督盛京。奏調赴奉。君以母孫太君有疾。屢徵不就。迨護親棄養。仍赴仕學館卒。

業始往瀋陽。創辦東三省法政學堂。及旗員仕學館。歷充奉天大清銀行會辦。長春大清銀行總辦。長春城鄉巡警總局總辦。旋以桐卿先生高年多病。乞歸侍養。當軸不允。所請而曲體孝思。調任江甯。大清銀行總辦。自壬寅迄辛亥十年間。興學教士。成就數千人。多負時望。辛亥改革之際。江甯當戰事之衝。君保存行款鉅萬。未損毫末。設立股東聯合會於滬上。維持商股。改組中行。不避艱險。卒告成功。在長春辦警任內。緝獲奸宄。親自鞫訊。得情弗喜。未嘗輕殺一人。偶遇逮捕黨人。尤必竭力營救。民國成立。復應趙公之請。充奉天都督府參事。以桐卿先生病辭歸。迨終養事畢。入都執行律師職務。旋拜黑龍江財政廳長之命。兼督辦廣信公司。暨東三省官銀號。龍江頻歲浚飢。又值財政積虧之後。君在任未及一年。而彌補舊欠。整飭稅釐。推廣官業。籌畫荒政。成績斐然。爲各省冠。會遭洪憲之變。與將軍朱公子橋同時下野。罷官之日。兩袖清風。纖塵不染。自是絕意政治。專心實業。君以國內農工業之不振。爰籌辦中國農工銀行。以期實業之發展。又以族中義塾之缺。如爰創立唐氏小學校。唐祠民衆學校。以期教育之普及。而畢生精力。尤盡瘁於賑務。改革以後。被任爲中國義賑會會長。自民國三年甲寅。

迄十八年己巳。施賑區域爲省凡十有一。爲縣凡百餘。所全活以百萬計。又以賑災非根本要圖。亟以防災爲務。倡議大濬沂沭。爲導淮發軔。規畫疏治。漣灌海沭境內十河。已竣工者。爲民便。龍尾張家車軸四河。易濬爲稔。民食其利。仁施闢澤。縷指難窮。疾革諄囑。慕汾創建仁莊。盡舉先人遺產。暨昆季二人節縮所餘。爲基金。由親及疏。由近及遠。務使教養兼該。人皆自立。嗚呼。仁矣。易云。天地之大德曰生。又云。體仁足以長人。孟子曰。仁言不如仁聲之入人深也。朱子謂仁言發於己而未必其然。仁聲傳於人而實有所試。仁言僅出於一時。仁聲則著於平素。自近世政治家競尙宣傳口惠而實不至者多矣。惟君推孝友之誠。擴慈仁之抱。一夫不獲其所。若己納之溝中。假令乘時得位。大展經綸。弭殘殺之機。而宏胞與之量。其所成就。寧止於是。論世者固不僅爲君惜也。君生於有清光緒四年戊寅六月二十三日。卒於共和紀元十有八年己巳九月十日。實爲夏歷八月初八日。年五十有二。配同邑過氏。前卒。繼室侯氏。賢明淑慎。助成君德。子二。振紀。振維。均幼讀女四。寬梁。宛江。均未字。君晚年篤信佛教。精進脩持。嘗謂不求自身成佛。先求父母成佛。白普仁尊者謂君前身爲比丘。彌留時語不及私氣。絕後四

體屈伸如恒。是亦學佛有得之徵。生有自來。死能證果。君亦可以無憾矣。銘曰。
烝烝純孝。濟衆博施。已飢已溺。大仁大慈。儒釋一理。博愛無私。昌厥後嗣。天高聽卑。吳
山萬松。葱鬱歲蕤。屹屹幽宮。永固扁基。

與炳黃論放生茹素

炳黃問曰。放生茹素。果能消災降福乎。余曰。此佛家救世之苦心。用意甚善。未可輕議
也。儒家雖不言果報。然孔子贊易於坤卦文言傳云。積善之家。必有余慶。積不善之家。
必有余殃。亦頗近佛家之說。惟孔子所云。積善積不善。涵義至廣。非隨舉一端所能盡
耳。易繫辭傳又云。天地之大德曰生。論語云。子釣而不綱。弋不射宿。孟子云。見其生不
忍見其死。其義皆與放生爲近。特儒家行之有序。所謂親親而仁。民仁民而愛物也。余
於十年前壬戌九月。曾作不嗜殺不佞佛詩七絕十首。前六首爲黷武者下針砭。後四
首爲事佛者醒迷夢。有云。胎天覺卵猶懸禁。忍向窮檐縱虎狼。又云。博施濟衆堯猶病。
戒殺持齋佛太慈。自謂持平之論。刊入壬癸詩存卷一。小子盍取而讀之。

齊震巖同年七十壽序

有明一代。吳中循吏。首推況子律先生鍾永樂。中薦授禮部主事。知蘇州府。在任十九年之久。民稱之爲青天先生。嘗聽轅門鼓吹。送女者曰。吾來時。此女方乳耳。清代賢吏。首推湯文正公斌。其治吳也。清勤慈惠。教化大行。吏無廢事。訟無廢獄。去官之日。吳民如失慈父母。各繪像以祀之。三百年來。吳中大吏。能以實心行實政。使部屋編氓沐浴膏澤而不自知。且在任逾七年之久。足與況湯二公媲美者。其惟伊通齊公震巖乎。公於宣統三年。由直隸按察使擢江蘇布政使。未及蒞任。武昌事起。即量移豫藩。旋署河南巡撫。持危扶顛。惠民勤政。備極艱辛。共和初元。項城袁公知吳民之望公如望歲也。特移公爲江蘇民政長。厥後官制屢更。改稱巡按使與省長。吳中綰軍符者。亦屢易渠帥。而公之任職如故。公之爲治。循名責實。按部就班。其勛。勉。僚。吏。則如名師之誨弟子。其矜恤氓庶。則如慈母之撫嬰孩。初無赫赫之智名。勇功。諄諄之條教。號令而被其澤者。歷久而不忘。孟子云。堯舜之道。不以仁政。不能平治天下。如我公者。殆真能以仁心仁聞行不忍人之政者矣。余與公同捷光緒癸巳北闈。又同應戊戌散館。廷試。庚子以後。公筮仕津門。余亦佐北洋學務。監督客籍學校。有暇。輒詣公衙齋。剪燭傾談。上下。

千古吁衡世變。所言輒如水乳之融。符節之契。公齒長余四齡。余夙以兄事。辛亥後二載。公拜長蘇之命。約余偕往。聘以安車。詢以前席。余因憚江鄉卑溼。勾留數月。仍返都門。惟時獻芻言。以備采擇而已。今者我公退隱丁沽。北堂侍養。又已瞬將十年。吳中耆舊如奉賢朱遜叟。家駒吳縣張仲仁一磨。常熟張雙南。蘭思族兄南通滄叟。儼與余通賤。牘時輒詳詢我公起居。又太息自公去蘇。繼任者雖不乏閎材。而以羊杜之儒雅。兼龔黃之仁恕。終以公爲首屈一指。黃童白叟。懷而慕思。惠澤所孚。積誠所感。非倖致也。庚午季冬。爲年伯母魏太夫人九十頤壽之辰。余旣賦五律四章。並撰序文以祝。辛未仲春。又值我公七十正壽。公守親在不稱老之經訓。力卻兕觥之獻。即徵求詩文之舉。亦悉屏絕。然舊日賓僚及同年世好。賦詩稱祝。以表德而摛情。亦交誼所應有。同人屬余撰文。弁之簡端。竊思吾兩人交契垂四十年。且分屬部民。實有不能已於言者。孔子云。仁者壽。大易乾元四德。首重體仁。孟子言先王有不忍人之心。斯有不忍人之政。雙峯饒氏釋之云。聖人之心。無物欲之蔽。故天理自然流出。其所施行。無非仁政也。公於性理之學。體驗至深。克復存養。從容中道。三十年中。服官蒞政。無時不存仁民愛物之

心上壽期。頤自可操券而致。況以古稀杖國之年。猶賦罄膳循陔之什。家庭融融之樂。事有史以來罕與比倫。蓋天爵人爵備於一身。天壽平格。惟成周之召奭。庶可與公頤頤耳。公讀吾文。其必莞爾而進三爵矣。是爲序。

齊年伯母魏太夫人九秩晉一壽序

共和紀元之十有九載。歲在庚午。夏歷臘月二十二日。爲伊通齊年伯母魏太夫人九秩慶辰。雄旣賦五律四章以祝。其時適有寫印舊京詩文存之舉。震巖同年惠函。謂吾子所爲詩文。必信必達。足以傳世行遠。慈親頤壽。不可無鴻文以張之。且錦屏華藻。祇炫耀於一時。若鐫諸文集。流播千載。俾作女宗之式。是尤爲人子者所深幸也。吾子其毋辭。雄皇恐受命。又因歲事倥偬。未能握管。辛未孟春。復感寒疾。偃息旬月。迨仲春初旬。始占勿藥。思踐夙諾。斯時太夫人之頤齡已屆九十有一矣。雄嘗讀閻潛邱徵君年譜。載康熙丙辰九月十日。爲徵君之父再彭先生六十初度。因事展期一年。明年八月。寧都魏叔子在揚州。以文來祝。謂江西及嶺南舊俗。均以六十一爲大慶之期。蓋前十之年必加一。而成後十之年必從一。而生大易貞元之義也。九爲盈數。一爲初數。易云。

乾元用九。乃見天。則宋儒程伊川氏。以天運循環無端釋之。漢許叔重說文解字。始一終亥。其開宗明義云。惟初太極道立於一。造分大地。化成萬物。一之時義大矣哉。九秩晉一以盈數。而轉入初數。魯頌云。萬有千歲。眉壽無有害。太夫人之壽且縣延循環而不可紀極。皆以此九秩晉一爲倂落權輿。雄幸附年家子之列。熟聞懿行。垂四十春。其烏可以無言。光緒戊戌孟夏。震巖與雄同應散館廷試。雄改官銓曹。震巖選授直隸曲周縣知縣。蒞任之初。太夫人誠之曰。廉爲作吏本分。不足異也。所至民安。所去民思。乃良吏耳。旣以官爲家。當視官事如家事。以期無負此官。其誠仲子照巖季子斐章先後亦同此旨。當就養曲周官署時。晨起操作。無異家居。門內寂靜。而雍和衣服樸質。毫無官氣。見者不知其爲板輿迎養之太夫人也。共和初元。震巖照巖昆季同時開府蘇浙。斐章亦長天津劇縣。均以迎養爲請。太夫人旣未嘗一至江南。游覽湖山之勝。亦不欲移居縣署。坐享祿養之榮。仍於寓廬督飭諸孫力學。每以親師取友。滿招損謙。受益爲訓。近者盛倡女子參政之說。太夫人曰。政者正也。男正位乎外。女正位乎內。親親長長老老幼幼天下平矣。非必作官服務始爲參也。雄嘗謂天下之大。皆一人一家之積。而

家之正利在女。貞。聖人贊易以嗃嗃嘻嘻爲戒。又鄭重言之曰。男女正。天地之大義也。今者邪說沸騰。乾坤幾息。履霜堅冰。辨之宜早。太夫人所言洵足以維人倫而挽澆俗矣。王荊公之述南豐曾母萬年縣太君之懿德也。曰。太君每自戒不處白人善否。有問之者。曰。順爲正。婦道也。吾勸此而已。處白人善否。靡靡然爲聰明。非婦人宜也。又曰。內外親無老幼疏近。無智不能。尊者皆愛。輩者皆附。卑者皆慕。之爲女。婦在其前者。多自歎弗及。後來者皆曰。可矜法也。太夫人之德亦若是而已。壽考無極。子孫寢昌。豈倖致哉。抑雄更有說焉。震巖今年已屆古稀。照巖六十有七。斐章亦四十有八。而烝烝孺慕。怡怡友愛。老而彌篤。孟子云。舜其至孝矣。五十而慕。今萃曾閔於一門。娛陶歐之色笑。人倫之樂。天爵之榮。求之古史。罕有儔匹。雄又嘗讀有明義士龔安節先生遺集。有壽意圖序。大旨謂人生壽命之修短。雖似有一定而不可易者。然仁人孝子至誠可以通金石。況於天地造化至虛至靈。與人體無不能感通之理。古之孝子。每有焚香中夜。稽首北辰。願延吾親之壽算。保吾親之康強者。是出於人心天理之正。眞誠惻怛。感格貫通。冥漠之中。潛回默轉。故純孝之子。必有安享福壽之親。理有固然。不可誣也。雖以

是知太夫人之壽固永永無極。震巖昆季亦必坐致耆年。同歌錫類。難老之詩。將與召。夷。荀。況。相。頤。頤。承。歡。舞。綵。而。未。有。艾。也。天。福。孝。友。之。門。史。紀。耆。英。之。瑞。鰥。生。不。敏。竊。願。年。年。歲。歲。秉。筆。稱。觥。卽。拙。集。之。刊。行。亦。再。續。三。續。而。未。有。已。太。夫。人。聞。之。或。爲。莞。爾。而。笑。乎。歸。震。川。先。生。文。集。壽。序。有。三。卷。之。多。都。凡。八。十。六。篇。然。當。時。壽。母。之。年。登。八。十。者。僅。顧。文。康。公。夫。人。李。中。丞。之。母。某。太。淑。人。及。鄭。伯。魯。之。母。唐。夫。人。三。人。而。已。其。壽。躋。九。秩。者。震。川。集。中。無。一。人。焉。維。文。筆。拙。劣。何。足。仰。希。熙。甫。而。幸。遇。淑。德。遐。齡。如。太。夫。人。者。揚。摧。其。盛。美。以。增。拙。集。之。光。是。亦。足。以。傲。前。賢。已。謹。序。

休甯黃節母汪太孺人贊

席珍先生諱傳儒之配菊芳先生諱興衍之母

冠氣蔽天。焚林肆虐。誓死從容。危崖下躍。殉姑猶易。撫孤實難。千艱百苦。荻畫熊丸。鐙影機聲。中宵背誦。業精於勤。慢遊無縱。子奉母教。賈茂董醇。文章經術。冠偶魁倫。孫嗣祖芬。黃裳元吉。節孝清門。虛白生室。曩邁危難。風鶴倉皇。晚積餘慶。止止吉祥。翼翼媛女。宗靡她彤。史增光人。綱弗墜。

旌表貞節休甯黃母汪孺人贊

席珍先生長子興嗣之聘室隆裳之嗣母

風火。家人女。貞攸利。苦節甘。節九五。得位永貞。則吉不節。則嗟。剪金成字。完璞無瑕。病父抱持。耶君純孝。赤眉無情。啞人虎豹。未婚守志。孝感天閭。姑病風眩。藥石親嘗。事姑如母。相依爲命。兩世惇惇。竹堅松勁。劬勞鞠育。報答春暉。門楣重振。母逾古稀。江夏高門。黟山在望。女有士行。夏乎莫尙。

休甯程韵琴華封兩先生贊

峨峨兩賢。宋儒苗裔。壘篋應聲。詩禮繼世。夏絃春誦。瞽宗上庠。賓興與試。煥乎有章。天地干戈。咸豐之季。皖浙比鄰。紅羊爲祟。備嘗險阻。瑣尾流離。天涯弔鶴。薤露淒其。憂能傷人。一朝風燭。家人赴義。崑岡焚玉。夫賢婦烈。千載流馨。光爭日月。譽炳丹青。後起多材。繼志述事。我表豐阡。擣詞靡媿。

休甯率溪程氏六烈婦贊

死重泰山。心堅似鐵。嶢然不滓。志清如雪。常山有舌。罵賊殺身。正則行吟。赴水沈淪。鬚眉所難。矧在巾幗。取義舍生。完我純白。前仆後繼。六人同心。鵲唳淚雨。援叫哀音。姚彼偷生。桓圭大纛。絨冕貽羞。釵裙播馥。吁嗟今日。倫紀崩頽。青衿佻達。戀愛自媒。偉哉六

烈壁立千仞。勁草疾風。懷貞抱信。我欽卓行。敬薦蘭羞。綱常楷柱。詩詠柏舟。表墓有文。愧無椽筆。熏沐作贊。中壘紹述。精誠貫日。化爲長虹。樓槍淨掃。正氣熊熊。碧血埋香。彤史生色。永樹闡型。重奠人極。

王竹林行氣長生術序

光緒庚子以後。余客居津門。辦理北洋學務。久聞王君竹林之名。未相識也。近歲與溧陽周君敬甫。訂交於舊京。敬甫篤實君子。慎言行而寡尤悔。盡心力於慈善事業。一日以王君所著行氣長生術見示。簡首自序云。年十四時。疴羸特甚。已成童子癆不治之症。後遇馮君鵬舉。授以意想行氣之法。六十年來。行之未嘗少間。今已七十有六矣。精神強固。猶如壯年。爰本提倡體育之意。筆之於書。鋟版行世。俾國人轉相傳習。庶幾卻疾延年。同登仁壽焉。敬甫並爲余言。往年馳驅塞外。放賑查荒。曾爲風濕侵襲。幾瀕於危。後由王君授以此法。定爲日課。疾忽若失。體亦加豐。又謂王君之意。必欲乞君一言。爲重君於孔孟之書。老莊之學。夙有擘究。王君所習。意想行氣之法。於儒家道家舊說。融合與否。倘剖晰其精義。以示世人。固不獨王君之幸也。余謂養生養氣之說。儒家孟

子道家。莊子均言之。然莊子所言實不如孟子之精。莊子有養生主篇。又有逍遙遊人間世等篇。其言曰。氣也者。虛而待物者也。又曰。汝游心於澹。合氣於漠。順物自然。而不爲私焉。則天下治矣。又曰。緣督以爲經。可以保身。可以長生。孟子言養心莫善於寡欲。又謂我善養吾浩然之氣。其爲氣也。配義與道。無是餒也。朱子釋之云。義者人心之裁制。道者天理之自然。莊子所言合氣於漠。義亦精微。然近於虛無。冥漠不可端倪。不如孟子所言養心。養氣。迺眞實無妄。體驗有得之談。孟子一書言養字者有三。曰養氣。曰養性。曰養心。前儒謂合而觀之。氣生於理。善養氣者在養性。理具於心。善養性者在養心。心汨於欲。善養心者在寡欲。寡之又寡。以至於無。則心存而性存。氣不必言矣。故莊子之書。雖以養生主爲標題。不若孟子書之。但言養氣。養性。養心。義尤精密。無間不必言養生而心不汨於物。欲氣遂塞乎兩間。此儒家之學。所以較道家爲正當切實也。王君竹林。夙昔固誦習儒書者。意想行氣之法。亦必以存心養性集義寡欲爲入手之方。習之既久。則天君泰然。百體從令。期頤耄壽。左券可操。豈倖致哉。余故樂得而叙之。王君原書命名本作意氣功詳解。又名行氣長生術。余謂行氣長生術之名。較爲通俗易

曉必不得已。或以意氣功長生術爲名。不知玉君以爲何如。王君書中又謂岳武穆幼年多病。讀書湯陰大佛寺。方丈慈慧禪師。授以此術。體健病消。後世因以流傳。是此術又傳自釋家。然武穆成仁取義。固讀孔孟書者。抑或三教同源。理固並行。而不相悖乎。其和二十年。歲在辛未。夏正仲春之月。常熟孫雄師鄭氏序。

休甯率溪程氏六烈婦傳題詞彙編序

忠孝節烈。迺天地之正氣。歷千變萬劫。而不可磨滅者也。今日趨時之士。每喜推翻舊倫理。鼓盪新潮流。其於臣之忠君。子之孝親。婦女之爲夫守節。皆竊竊焉有所非議。欲舍其舊而新是謀。而獨於烈之一字。備致其推崇。曰某某先烈某某烈士。香花供養。銅像巍峨。典禮攸隆。追思弗替。誠以捐軀報國。殺身成仁。其事至難。凡在後人。皆宜謳歌而矜式也。國有烈士。始克培方興之國脈。家有烈婦。迺能葆清白之家聲。其事雖殊。其理則一。學說與政見。縱有新舊之判。而彼臨難苟免。忍辱偷生。與夫覩顏事仇。善背反覆之徒。則均爲匹夫匹婦之所深恥。而欲投畀豺虎。不願與同中國者也。休甯率溪程氏六烈婦傳題詞前編。由六烈後裔雄甫君。刊於十年前辛酉季秋之月。有徐嘯雲尙

書吳綱齋侍讀撰序。六年前丙寅。雄甫欲續刊題詞後編。曾乞郭春榆宗伯及余作序。宗伯既撰弁言。又題七古長篇。慷慨激昂。言皆有物。古詩中有人道不立陷禽獸。豈止中夏變於夷之句。今宗伯逝世已四年矣。此詩刊入鮑廬詩集。余文亦已印入禹齋文存。雄甫志在廣求題詠。表揚先德。故此數年中。尚未將題詞後編付刊。去歲庚午春間。雄甫馳函舊京。乞爲先德約琴華封兩先生。暨六烈婦分撰墓表各一篇。又謂題詞前後編。擬合爲一集。名曰彙編。乞余審定各稿。別撰弁言。將以仿宋活字版刊行。余與雄甫晚歲訂交。志同道合。并有異姓昆季之約。誼不可以無言。六烈婦之死去。今日已七十年矣。世衰道微。邪說誣民。充塞仁義。人心風俗之澆漓。不特較之七十年前。有天淵之別。即較六年前。余與春榆宗伯撰序之時。亦復變本加厲。今時男女之間。有所謂社交公開。戀愛神聖。及自由結婚。自由離婚。種種詭異乖謬之論。主持教育者。揚其波。變更法律者。助其熾。閑檢盡撤。如燎方揚。桑濮之風。徧於九宇。蓋幾幾乎盡驅人類於禽獸矣。假令宗伯尚在人間。其感慨又將何如。余故揭出烈字之義。爲古往今來所共同崇拜。不能隨時勢爲變遷。以冀喚醒世人之迷夢。蓋使國無烈士。則人人見危而避。見

利而趨國。且不成。其爲國家無烈女。與烈婦。則廉恥道喪。人盡可夫。家亦不成。其爲家國維潰。裂家教淪亡。謀國者尙誰與圖治乎。禮經大傳云。聖人南面而聽天下。必自人道始。而人道莫先於男女。故大易家人之卦。首言利女貞。孔子刪定國風。以柏舟冠鄘風之首。旌美共姜之義。烈又以牆茨桑中。鵲奔諸詩。列於定之方中之前。以著衛爲狄滅。由於中。舊之淫亂自古。大亂之興。率因禮教之廢。易云。履霜。堅冰。陰始凝也。詩云。如彼雨雪。先集維霰。可不懼哉。率溪程氏與伊洛程氏。淵源一脈。自有宋迄於遜清。縣延八九百年。詩禮傳家。世食舊德。故雖婦人女子。咸能以禮自守。服膺伊川先生餓死事小。失節事大之祖訓。猝遇危難。蹈白刃而如飴。赴清流而不悔。是真所謂臨大節而不可奪者。誠使古來策名委贄。寄命守土之倫。咸能如六烈婦之視死如歸。不撓不屈。國祚之長。永永萬年可也。烈士與烈婦。關繫國家之重如此。余故推闡斯義。著之於篇。以爲世人告。且以應雄甫之請焉。顧亭林先生集中有貞烈堂記。爲關中晉文煜作。文煜之祖妣朱氏。年十九而夫死。守節不二。迄六十有八而終。所生二女。嫁王宏祖及朱誼楚。早寡。關陝寇亂。均投井死。亭林謂當岸谷之際。門戶衰微。僅以一堂之名。託之文字。

其遇可悲。然君子之爲教於家。有百世之規。而不以一時所遇爲興替。自今以往。晉氏之爲女者。必貞以宜其家。爲子者。必孝於親。必忠於君。上以顯於其國。則受介福於王母。以大其門者。不在其身。將在其子孫。而斯堂之名。永世弗墜。程氏六烈婦。其致命之慘。烈較關中晉氏。殆有過之而義行貞聲流芳百世。及遭逢。嬪代陵谷崩騰。其情事固有若合符節者。余故述亭林之言。以卜程氏之繩。其祖武光大門閭。雄甫其以余爲知言乎。辛未仲春之月。常熟孫雄師鄭氏序。

江慎修先生年譜書後

慎修先生卒於乾隆二十七年壬午三月。年八十有二年。譜至七十九歲己卯爲止。敘事亦極簡略。蓋先生卒後。門弟子所爲。而又脫去後三年。非完本也。先生裔孫易園君名謙。研精佛學。與放生殺生現報錄合併印行。此錄不似先生手筆。未知是否。後人假託。然值茲人欲橫流。殺機徧地。亦足爲挽救民生。消彌劫運之助。爰跋數語於簡末云。

辛亥殉難三總督別傳論贊

松壽端方趙爾豐
印入禹齋文存茲將論贊錄左

舊史氏孫雄曰。辛亥國變。各行省大吏。能握節死綏者。文臣惟松端趙三公。及陸巡撫。

鍾琦。馮巡撫汝驛。武臣則伊犁將軍志銳。福州將軍樸壽三數人而已。長沙王益吾祭酒師嘗云。咸豐初以粵匪陷鄂。誅遁走之巡撫青麐。嗣又因蘇常失陷。誅遁走之總督何桂清。一時官吏咸懷然於王章之不可犯。辛亥歲湖北新軍之變。總督瑞澂棄城登舟。御史臺環請拿問。攝政未允。由是長沙江甯督撫相率遁走。勢不能再下嚴詔。徇一己之私心。廢祖宗之成法。與自棄其國何異。痛哉言乎。松公居官無赫赫之名。而臨難不苟。大節凜然。足爲青史生色。端公開府吳楚。延接耆舊。作育人才。趙公勘定川邊。百廢具興。迹其所爲。均非尋常俗吏所能及。遭時枵枕。慘罹橫暴。悲夫悲夫。然古人有言。與其偷生而輕於鴻毛。曷若就義而重於泰山。吾又不禁爲他人悲。而反爲三公幸也。

辛亥殉難二巡撫別傳論贊

陸鍾琦 馮汝驥
傳略見禹齋文存

舊史氏孫雄曰。陸馮二公。均起家詞館。受德宗特達之知。洊膺疆寄。臨危身殉。志節皦然。不負所學。信乎詞臣能報國矣。陸公宦吾蘇。秉性伉直。勤恤民隱。余曾於吳門以後進禮謁見。商榷文字。諮詢閭閻疾苦。拳拳懇懇。歡若平生。馮公與余均以散館改官。郎曹交誼尤親。宦轍所至。郵筒詩翰。不絕於道。二公今俱成名而去矣。河嶽英靈。猶有餘。

憾論者於太原兵禍。輒詆陸公激變。債事而不許其忠。馮公舍生潯陽。而風影之談。有疑其間道出亡。未經就義者。昌黎云。小人之好議論。不樂成人之美。古今洵有同慨焉。吹毛撼樹。究於二公何損。適見其不知量而已。余故爲力辨之。庶幾昭昭之節。炳九天而照九幽。勿爲悠悠之論所掩蔽也。

新建張忠武公贊

在昔武侯。鞠躬盡瘁。利鈍安知。問心無愧。季世道衰。猖狂邪說。桓桓寶臣。臥罷奮臂。勁草疾風。道遠知驥。銜石填海。鑄鼎驅魃。驚霆震天。孤命託寄。世笑奪門。事同兒戲。我歎愚忠。追奔隙駟。不可無一。不能有二三。呼渡河。臨終涕泗。弗負君親。羞爲諧媚。臣力已竭。天心方醉。背盟有人。三思魂悸。羣飛刺天。申申其詈。我無私交。望風灑淚。服公忠耿。蟠天際地。

阜陽倪安武將軍贊

清潁亭高。章華臺迴。篤生偉人。英姿天挺。澤被梓桑。勛銘彝鼎。緯武經文。德隆誰竝。庚子宰魯。禁習神壇。徙薪曲突。除讎詰奸。龍江綏民。賑飢煖寒。士飽馬騰。嚴畱又安。辛壬。

之交。軍書旁午。執訊擐旗。陳師鞠旅。皖豫毗鄰。雙符綰虎。坐鎮江淮。屏蔽齊魯。淮隄澶水。疏濬辛勞。築防千里。魚貫連艘。據鞍巡視。雪虐風饕。問民疾苦。爭獻村醪。化澗爲腴。南東其畝。計數萬千。歸耕什九。業復流亡。歲占豐阜。載道口碑。歡臚童叟。歐洲參戰。公贊其成。因物付物。酌劑虛盈。沈闕尋戈。公遏其萌。願師向戌。倡導弭兵。齊傳楚咻。寡難敵衆。築室道謀。百勸一諷。繞室徬徨。內省自訟。念亂憂民。椎胸增痛。中心如醉。厥疾弗瘳。膏肓一豎。和緩難求。方召凋謝。孰紹壯猷。騰天上漢。駕鶴驂蚪。天不憖遺。星沈上將。令子傳弓。邦人輟相。衆謗休騰。時危誰仗。贊德摛哀。臨文餘愴。

嚴子陵管幼安陶淵明合論

周秦以後之隱君子。以嚴管陶三人名爲最著。皆儒生所當效法者也。吾謂子陵品則高矣。然其胸中。亦有不得已者在。觀其與侯君房書云。懷仁輔義。天下悅。阿諛順旨。要領絕。彼蓋深知諫議大夫之不可爲。故寧託於佯狂以終老也。淵明性情澹雅。風節峻邁。百世而下。聞風傾慕。所爲詩文。亦如其人。何可輕議。惟僅以獨善其身爲職志。甘爲無懷葛天之民。其云世與我而相遺。復駕言以焉求。似與孔子所云。吾非斯人之徒與。

而誰與宗旨稍違異矣。幼安在遼東。因山爲廬。鑿坏爲室。越海避難者從之。旬月成邑。遂講詩書。陳俎豆。飭威儀。明禮讓。非從學者弗見。或謂是乃明哲保身之善法。蓋非知幼安者也。儒者不幸生於海內。分崩人心。否塞禮亡。樂壞文敝。道喪之世。必須盡吾心力之所能至。力絀斯文之墜緒。獨抱殘廢之遺經。使古先聖哲位育經綸參贊天地之彝訓不至淪於榛莽。以靜待剝極而復之時。尼山之刪訂贊修。鄒嶧之守先待後。高密鄭君之箋詩注禮。刪煩蕪而刊漏失。皆此志也。王船山先生嘗言。君子不可一日廢學。天下廢之而存之者在我。舜禹不以三苗爲憂。而急於傳精一。周公不以商奄爲憂。而急於踐籩豆。見之功業者雖廣而短。存之人心風俗者雖狹而長。一日行之習之。而天地之心昭垂於一日。一人聞之信之。而人禽之辨立達於一人。廿年以來。余每三復船山斯言。歎爲百世俟聖而不易。幼安惟知此義。故以講詩書。陳俎豆爲日課。以牖迪相從海外之生徒。此蓋值窮厄之時。仍懷兼善天下之願。而不欲獨善其身。以追蹤於許由巢父也。儻僅爲避公孫度之忌嫉。則耕鋤漁釣何事。不可以自晦。而必窮居矻矻爲哉。船山又謂漢季三國之天下。非劉孫曹氏之所能維持。亦非苟悅諸葛孔明之所能

挽救。而以人道之。不絕歸功於潛龍。勿用之。幼安洵爲上下千古洞見癥結之論。千載而下。亦惟船山與顧亭林兩先生足與頡頏。若黃梨洲氏。則有遜色矣。隋之王仲淹。宋之邵康節。亦有不可及者。然較之幼安。則志趣略殊。鯁生不敏。未敢評騭其軒輊也。

讀經救國論自序

中國之學。無一不根柢於六經。孔子刪定贊修。乃成至聖。孟子論學論治。必引詩書以爲左證。苟無經訓聖賢。且失其根據之地。吾不知國將何以爲國。人將何以爲人。光宣之交。振興學校。醉心於歐化者。競倡廢止讀經之論。不佞時方主講京師文科大學。悄然憂之。以爲亡國之朕。曾於宣統三年六月中。中央教育會。苦口力爭。彼時強者怒於言弱者怒於色。咸以不識時務嗤之。曾不數月。清社屋矣。共和建國。於今八年。政散民囂。兵驕將惰。天不厭亂。國其將傾。杞人之憂。曷其有極。孟子有言。經正則庶民興。庶民興斯無邪慝矣。竊謂今日種種詭異之學說。變亂之禍徵。求之於羣經中。靡不有駁正之論。挽救之方。不啻燭照數計而龜卜焉。蓋六經之道。實如日月經天。江河行地。盡人莫之能外。政體雖可變。更世運縱有嬗易。而經籍之義蘊。則萬古常新。董生所謂天不變。

道亦不變。孔子所謂至誠之道。可以前知。其或繼周者。雖百世可知也。然則居今日而欲救國。舍讀經何由哉。太倉唐蔚芝氏文治。桐城姚叔節氏永概。皆當代之通人。而不佞之益友也。唐氏釋經正民興之義云。經者何。聖道也。聖道亘古常新。而有賴乎君子之反之者。蓋處士橫議。莠言龐雜。以僞亂眞。以邪干正。則聖道因之晦蒙。有以反之而大經始正於天下也。易曰。反復其道。傳曰。撥亂世反之正。世界之由剝而爲復。撥亂而爲正者。實賴聖道以爲之主。君子則躬行以提倡之。於是經正而學術純。人心靜。淑氣溢於寰區。庶民皆興起而爲善矣。姚氏之訓其門弟子也。謂五倫去而中國無。羣六經去而中國無。禮樂無。政刑無。史無。文字。國不國矣。又謂讀一句得一句之益。讀一經得一經之益。聖人復起。不易斯言也。爰條舉經文。分別部居。爲類凡六。曰政治。曰倫理。曰理財。曰教育。曰兵事。曰外交。均於經文之下。節採漢宋諸儒。及近世經生耆耄之說。更以己意疏通而證明之。意在發皇絕學。鍼砭世弊。而於時政之蕩軼風會之澆漓。尤不惜苦口危言。再三忠告。竊附於言者無罪。聞者足戒之義。冀幸世之一悟。俗之一改焉。遂名曰讀經救國論。而述其緣起如此。己未十二月常熟孫雄自序。

附目錄

卷一政治 卷二倫理 卷三理財 卷四教育 卷五兵事 卷六外交

以上凡六卷。每門之內。均以類相從。分爲章節。其自成一類別以標題者。則爲一章。一章之內。又分數節。

再版讀經救國論自序

此書屬稿。在己未年秋間。彼時雖已政散民囂。兵驕將惰。猶未若今日之江河日下也。然六卷之中。於亂名改作之學說。爭奪相殺之禍徵。靡不稽之羣經。加以駁正。欲於萌芽甫起。默施補救之方。竊附迨天未雨。綢繆牖戶之意焉。七八年來。民困益深。新舊軍閥更起迭仆。或則高談主義。爭虛名以釀亂源。或則迷信武力。括民財以逞私門。若湘鄂若豫。魯民之憔悴於虐政。幾乎耳不忍聞。目不忍視。民亦勞止。汙可小休。汝魚然於中國。斂怨以爲德。誦變雅之詩。能無痛乎。因將前稿增損修正。再版行世。冀以苦口婆心。挽回劫運。凡在政軍學界。倘能人手一編。或於世道人心。不無小補。共和十有六年。丁卯仲夏之月。師鄭記於味辛草堂。

清授通議大夫升用知府江蘇金壇縣知縣孫君華樓墓表

余與鄰城孫幼青戶部友蓮同捷光緒甲午春闈。幼青長余二十年。余以兄事之。猶憶甲午季夏。余省覲還吳。與諸同年話別。幼青語余舍弟華樓宦遊江左。君南歸與晤。必相契也。歲月不居。人事間阻。末由合并。今已三十有八年矣。幼青昆季均作古人。余友袁君性之。介紹似樓。世講忠亮。於舊都相見。竝乞爲其先人撰表墓之文。余何敢辭。按狀。君諱友萼。字華樓。山東鄰城人。始遷祖學先。曾祖其煒。邑庠生。祖獻廷。考錫輅。咸豐辛酉拔貢。同治癸酉舉人。聊城縣教諭。崇祀鄉賢。均以君貴。贈通議大夫。曾祖妣氏趙。祖妣氏蔡。妣氏田。均贈淑人。君幼而岐嶷。爲聊城公所鍾愛。紹述家學。年十五入邑庠。旋食餼。十九中同治癸酉鄉魁。屢躋南宮。援例爲內閣中書。兼國史館方略館諸職。光緒壬辰成進士。以知縣分湖南。親老告近。改分江蘇。歷充釐捐保甲善後諸局要差。癸巳甲午丁酉。江南鄉試文武闈同考監試等官。所宰劇縣。凡十有一。其在甯屬者曰桃源。邳州。安東。江甯。視事均在戊戌。己亥。庚子三年間。其在蘇屬者曰陽湖。華亭。元和。金壇。丹陽。江陰。無錫。視事均在癸卯。迄辛亥九年間。所至民悅。所去民思。片言折獄。得情。

弗喜。尤以拖累積壓爲戒。興學捕盜。講求水利。事事盡心力而爲之。最先蒞桃源。值盛潦。溶湖築隄。修橋捐俸。受水舊區。化爲膏沃。飢民數萬人。多賴作工以活。其後蒞金壇。無錫。亦際歉歲。弭災捍患。務稽勸分。一如在桃源時。桃邑瘠苦多盜。舊有書院頽廢。君延聘名師。以經史地理算術各科督課諸生。悍風漸戢。江督劉忠誠公批牘深加獎許。謂讀書明理者多。則作奸犯科者自少。良吏可謂知所務矣。竝通札所屬。仿行嗣調。任邳州。晉謁劉公。猶褒美不置。謂捕務之勤爲通省冠。庚子之變。浮言胥動。沿江臬匪伺隙竊發。君宰江甯。先事譴察。殲厥渠魁。四境安堵。會有告密者。僞造證物。傾陷善良。將處極刑。君力請大府發縣研訊。得慶更生。蓋君之緝匪懲奸寬嚴互用。務求情眞罪當。不稍銜冤。其後臬匪竄擾陽湖華亭二邑。大府皆檄君往治。竝於旬月敕平。任元和首邑時。布政使某鑄當十錢。淆雜爲姦利。君白之陸春江中丞。下令收燬改鑄。商民利賴至今。歌頌君以循良報最。已遞保直隸州知州。補用知府。駸駸將展驥足矣。辛亥國變。挂冠歸里。清風兩袖。宦橐蕭然。舊時逋負山積。江左士民感君慈惠。請於當路蠲免之。自是易名曰非吾。又號留硯。老人蓋以素性廉潔居官一介不取效法孫子和留硯故。

事也。壬子後客居濟南。與諸耆舊以觴詠自遣。不問世事。而於桑梓義舉。則盡力扶持。至老不倦。君生於有清咸豐五年。乙卯九月二十六日。卒於共和紀元十三年。歲在甲子。夏正八月二十七日。享年七十。配梁淑人。賢明孝謹。內助同心。子三。忠弼。兩淮鹽經歷。早卒。忠亮。宣統己酉拔貢。度支部主事。忠相。候選通判。女二。長適江蘇邳州庠生馮珍瑞。次適嶧縣尤丹誠。孫翼謀。翼棧。翼壽。翼彬。曾孫景正。乙丑孟夏。忠亮忠相奉君靈輓。安窆於高家樓坊祖塋。歷城張振卿都御史英麟。實銘君墓。惟君爲江左循吏。歷時近二十年之久。不佞幸附部民之列。又爲同宗世好。闡幽表德。後死之責。嗚呼。今日之吳民。憔悴於虐政久矣。安所得愷悌慈祥之君子。鳴琴而治之乎。吾故揭君治行之榮。榮大者。勒之於阡。以備脩史者。循吏傳之採。且爲有位者。風焉。

清授中憲大夫戶部主事孫君幼青墓志銘

君姓孫氏。諱友蓮。字幼青。山東鄒城人。先世居金陵。明時有諱學先者。仕於下邳。遷居鄒城馬頭鎮。以耕讀傳家。高祖嘉桓。曾祖其煒。邑庠生。祖獻廷。父錫輅。咸豐辛酉拔貢。同治壬戌舉人。聊城縣教諭。崇祀鄉賢。鄒城孫氏。自嘉桓公後。五世同居。聊城公天性

孝友。幼時稟承庭訓。與伯仲兩兄錫純錫光。研經共硯。友愛逾恒。額其堂曰棣華里黨。有閱牆尋斧者。輒相戒曰。勿令棣華堂孫氏知也。聊城公有子二人。君次居長。又有從子五人。公均躬自訓迪。嗣因友教四方。復以從子友聞早世。遂命君督課諸弟。謂他日弟等學成名立。汝之功即汝之孝也。君承命維謹。盡心啓牖。終歲無倦。厥後君弟友萼。癸酉捷秋闈。壬辰成進士。從弟友閔。乙亥登賢書。友慶友序。友開先後遊庠。悉由君循循善誘之力。聊城公顧而樂之。君年二十有七。中同治九年庚午並補行丁卯科舉人。光緒元年乙亥。例舉登極制科。郟城令周君東瀛。以君名應孝廉方正之徵。君堅辭不就。周君郵商聊城學署。諄諄勸駕。始遵父命。勉就徵車。君終不欲藉制科爲仕宦捷徑。廷試畢事。仍回里事親。成就後學。歷任泰安樂安肥城等縣訓導。執經問字者。趾錯於門。嘗謂以教名官。當思不負此名。庶免素餐之誚。至光緒二十年甲午。始成進士。以主事籤分戶部廣西司行走。是時君年已五十有一矣。仲氏友萼已服官江左。君因田太淑人年高。不忍遠離。又以終養二字。非子所忍言。乃請假省親。回籍遂不復出。晨夕侍奉。七年如一日。母病恒終夕不寐。數番省視。母小憩輒喜。不適則惴惴皇皇。引爲深

憂飲食湯藥。悉親自檢視。寒溫必先嘗。不假手婢媼。母病繇懽。仲氏自江南乞假歸。道阻未達。君獨力經營。附身附棺。必誠必信。猶復擗踊號泣。引咎椎心。竟以哀毀成疾。從親泉下。君以道光二十四年甲辰二月初十日生。光緒二十六年庚子閏八月廿七日卒。年五十有七。去田太淑人之歿。僅四十九日。適屆俗例終七之期。彌留時。猶自謂無術能延親壽。不孝之罪。上通於天。蓋君之私意。親存。吾與俱存。今來復之日。已屆七周。爲人子之事。已畢。何以生爲。誠格昊蒼。哀感行路。識與不識。皆爲墮淚。嗚呼。孝矣。聊城公之卒於任也。在光緒十年甲申仲冬。君在署侍奉。衣不解帶。藥必親嘗。歿後親視含殮。俟仲氏由京奔喪至署。同扶靈櫬返里。又因田太淑人夙患頭風。婉勸節哀。旋爲聊城公卜兆安窆。一遵禮制。鄉人皆曰聖人言生事之以禮。死葬之以禮。君無媿焉。光緒二十九年癸卯。鄉人以聊城公與君仍世賢孝。輿論允孚。臚陳事實。請於大吏。咨報禮部。崇祀鄉賢。並宣付史館立傳。君娶同邑何氏。溫恭孝謹。助成君德。子忠勵。業儒。孫翼宇。中學校畢業。君卒之次年某月某日。忠勵奉君柩。卜葬於村南高家樓坊陽新塋。距郟城十八里。又越三十年。爲共和紀元二十年。歲在辛未。夏正仲春之月。君之從子忠

亮乞雄追爲銘墓之文。雄與君同捷甲午春。闡雄之族。兄筱川。戶部國楨。亦於是科獲雋。且與君同官農曹。傾蓋盡簪。頻聞緒論。春明一別。遽隔人天。筱川族兄亦於庚子後一年溘逝。懷舊隕涕。悲愴何窮。君之孝行通乎神明。應乎銘法。爰爲紀述。盛德昭告。後人其他懿行。不復贅陳。銘曰。

繄我孫氏。系出有媯。五十而慕。肫肫孝思。罔極難酬。永廢莪詩。我亦無母。銜恤增悲。服君摯行。曾閔肩隨。本立道生。植我綱維。餘事敷教。經師人師。伐石埋幽。庶無媿詞。

常熟孝女瞿藹琴傳

孝女卒時余方居憂里門鄉人屬作墓表因循久未脫稿今因舊京文存付印將竣爰補撰傳略以彰賢孝且誌吾過

孝女名藹琴。常熟瞿氏。忠宣公十世從女孫。父彭齡。官鹽大使。以醫術名於時。生有夙慧。隨兄讀書家塾。能通經傳奧義。尤喜鈔書。稍長。矢志不字。謂家庭愛日寸陰足珍。不願頃刻離祖母與父母。父以醫往來旁近郡縣。祖母年耄病日。孝女代父供子職。時其寒暖飢飽。以調護之。不以委人。會父得滯下疾病亟。孝女焚香禱天。請以身代。遂刲臂肉燂湯以進。父病若失。孝女緣是得心悸疾。寡寐鮮食數月而卒。時光緒二十三年丁酉九月三日也。鄉人疏其行。請旌於朝。得旨旌表如例。崑山朱京兆以增爲作壙銘。

清封中議大夫選用知府加二級常熟宗府君墓誌銘

君姓宗氏。諱汝濟。字用舟。號雲鋤。系出宋東京留守忠簡公。公籍婺州義烏。薨葬潤州。歷數傳有自。娶至潤守墓者。又數傳有自。潤來虞流寓者。遂爲常熟人。高祖諱渭。縣學生。父游粵西卒。徒步萬里。負骨歸葬。母病危。禱天籲代。母愈而已不起。以孝子旌。事載省府縣志。繼配氏錢。守節六十年。旌表節孝。建坊於祠。無子。以弟之子鐸嗣。是爲君之曾祖。祖諱德潤。廩貢生。著有補齋詩存。父諱震。國子監生。母氏鄧。本生父諱晉。縣學生。早卒。著有揖山樓詩詞。母氏周。著有冰心閣詩。鄧周兩太君俱以撫孤守節。朝命旌表。建坊。君幼而孤。露秉性純孝。感念鄧周兩太君含辛茹苦鞠育劬勞。弱齡卽自力於學。未及冠。爲童子師。以脩脯供甘旨。爲文取徑高古。不樂趨時。試有司輒不利。復更喪亂。至同治乙丑。並補壬戌歲試。始受知於督學侍郎宜振公。補昭文縣學生。時年已三十矣。秋試屢膺鶚薦。均以額溢見遺。遂棄去。以貲由貢生授州同。然弗就也。教授里門二十餘年。門下多知名士。旋膺禮聘。歷遊皖南北浙東西。爲諸侯上賓。及遊倦歸來。杜門課子。長子嘉謨。旣補諸生。君詔之曰。吾家世儒。素雖無巍科貴仕。然世衍一經。四百年。

來未嘗間斷。汝庶幾勿墜家風。君長身鶴立。廣穎童顏。視威而聲洪。氣蓋儕輩。善處人骨肉。戚族偶有爭執。或事有疑難。得君片言立解。與人交不爲翁翁熱。歷久如新。人有過。絕口不言。凡事未至弗思。至則立應。工書法。及詩古文。詞游跡所經。輒有題詠。間爲人誌墓。或立傳。而不留稿。求榜其室。銘其柱者。踵相接也。嫻習禮制。主持文廟祀事者。三十年。崇聖之心。老而益摯。尤篤於倫紀。事二親以孝。其待弟之友。尤爲人所難。能仲氏。今吾先生汝剛。以理學及古文鳴於時。往年爲君撰壽序。詳述君之所以遇之者。而終之曰。歷思先生之讓我譽我。逸我保我。憐其無能而恤我。憫其無知而恕我。再三生我。以至於今。蓋在先生海涵地負中。二十八年矣。由是購儒先書。訂省過錄。稍稍講求事兄之道。世俗遂以是賢剛。而不知剛之粗識義理。不終淪禽獸之域者。皆先生仁愛之極。有以激之也。仲氏所言懇摯痛切。若此。固爲能敬其兄。而君之友愛。玉成無微不至。亦洵足以追古人而媿薄俗矣。生平豪於飲。六十後止酒。然已得痰喘症。時發時愈。發則甚劇。遂以不治。君生於道光十六年丙申五月六日。卒於光緒三十一年己巳九月五日。春秋七十。以女夫錢松年官。加級封爲中議大夫。著有劫後吟詩詞。三十三年。

丁未三月。葬於虞山南麓石虎濱新阡主穴。爲君生前自營壽藏。聘氏鮑。未婚卒。配氏季。同邑諱士堅女。相夫以正。教子以嚴。待人以和。治家以肅。祭祀賓客必潔。且豐。黽勉有無。心勞力瘁。與君同歲。生後君六年。卒。爲宣統三年辛亥十二月望日。春秋七十有六。封淑人。壬子三月。與君合窆。男子子二。長即嘉謨。附貢生。江蘇委用教諭。五品頂戴。次嘉誥。國子監生。布政使理問。游幕漢中。聞父訃。未匝月哀毀卒。宣統初元詔旌孝子。女子子三。長適廩貢生。江西補用直隸州。歷署蓮花等廳同知錢林。年次適附貢生。陝西候補知府。定遠廳同知錢松。年三。適光緒戊戌科進士。四品銜翰林院編脩江陰章際治。孫三。其昌之鳳。俱傷之軌。至聖廟金絲堂啓事官。雄與嘉謨弱冠以前即以兄事所居衡宇相望。時登長者之堂。親承渠誨。獲益靡涯。而君之快壻同邑。兩錢君江陰章君與季淑人之從子亮時並爲雄之摯友。今四君已先後溘逝矣。四十餘年前之舊交惟雄與嘉謨尙存人世。滄桑變幻。南北睽違。同近古稀之年。永懷舊德之賜。嘉謨聞雄有舊京文存之刻。郵寄事略。屬追爲銘墓之文。昔顧亭林先生曾撰富平李君墓志銘。李君爲天生先生因篤之父。亭林述其事。親孝於諸父昆弟。恭而有讓。待人以嚴而引。

之於道。治家冠昏喪祭。一如禮法。與君生平。行誼若合符節。雄之學行。何敢仰企。前賢而與嘉謨。總角盟心。白首靡間。其契合亦與顧李差同。矧遭逢易代。身世之感。彌復相似。爰不辭而撰次之。以塞嘉謨永慕之悲。銘曰。

是忠臣之裔孫。亦虞邑之先民。才能濟物。志在明倫。施政則孝。平惟孝。制行則醇。乎其醇。衍詩書之世澤。肅春秋之明禋。國人所矜式。鄉邦奉爲達尊。瞻彼高原。卜宅安神。既鞏既固。佑啓後昆。

李印泉獲芝圖記

騰衝李母闕太夫人之盛德。與令子印泉。總揆根源之賢。孝近世所罕覩也。闕太夫人逝於吳門。其靈櫬安厝於上方山治平寺。印泉倚廬居守。事亡如存。是時戎馬在郊。風鶴告警。印泉烝烝永慕。不爲浮言所撼。戊辰正月元日。祭告殯宮禮成。偕其從兄希白。妹婿余君鐵恒。尹君澤新。詣楞伽塔禮大士像。道經山腹。見紫芝一本。其蓋作如意形。圍圓周五寸餘。莖長六寸強。羴與拇指同。下有香草二莖。枝葉丹黃相間。長五寸弱。採歸供置几筵。並倩陶君冷月繪獲芝圖。希白賦詩紀之。有惟孝可格。天能得神靈。貺之

句。吾宗少元伯兄。時方自燕至吳。親詣治平寺觀之。而信。因爲獲芝記。並馳書故都。命余同作。余攷爾雅。邢昺疏云。芝瑞草名也。一歲三華。王者仁慈則芝草生。神農經云。萃山川雲雨五行四時陰陽晝夜之精。以生五色神芝。皆爲聖王休祥焉。是靈芝之挺生。迺仁民愛物之君德所感。今值乾坤易位。民困方深。陷於水火之窮。黎有求樹皮草根。以爲食而不可得者。芝之出。或非其時乎。然孟子云。天下之本在國。國之本在家。大學云。君子不出家而教成於國。孝經云。孝弟之至。通乎神明。光乎四海。無所不通。古聖哲之言。非以欺後世也。其理實有不可磨滅者在也。唐張文獻居母喪。紫芝生於座隅。印泉閔材偉略。視文獻殆猶過之。惟遭際泯棼之世。辭榮退隱。棲神巖谷。一若忘情於斯世者。夫以救民治國爲己任之印泉。豈忍忘情於斯世哉。惟覩滔滔之難挽。哀蚩蚩之多艱。欲以敦行孝弟。述周孔而法閔。曾冀收教成於國之效耳。印泉雖事親若曾子而退然不自滿。假護堂棄養。皇皇銜恤。自憾莫酬。罔極之恩。徒切終身之慕。而純孝所格。蒼昊已默鑒其誠。紫芝之發現於深山窮谷之間。獻歲發春之日。不先不後。瑞應生輝。冥漠之中。固有莫之爲而爲者。孔子云。思事親不可以不知人。思知人不可以不知天。

董生云。天人相與之際。甚可畏也。觀於此。而益信矣。印泉之客吾吳也。致力於保墓之事。曾於闕太夫人墓域左近。訪得吳丞相顧雍。及宋秘書省正字周南兩墓。又得潘氏南渡始祖墓兆。均爲培土立碣。且爲文以記之。錫類之仁。推諸九幽。而無間方寸中之大仁。大慈。彌綸浩瀚。而莫知其所終極。設令斧柯得假。自任以天下之重。吾知黃炎之遺裔。皆將出水火而登衽席。天降甘露。地出醴泉。福應嘉祥。總集備至。可預決也。今日所獲之紫芝。特爲之兆耳。蒼蒼者。天果欲平治天下乎。請以吾文爲左券。辛未季春。常熟孫雄師鄭氏記。

吳江許氏壽護圖題詠集書後

吳江許君盥孚。以壽護圖題詠第一集郵示。乞爲題詞。余旣撰六言詩五章。以答其意矣。盥孚有自題五古長篇。述母德之純懿。紀家變之艱辛。詞婉曲而意懇摯。語語從至情。至性中流出。信乎仁人孝子之言也。吾尤服其述陳太君訓子之語。有云自古賢與聖。爲學戒自欺。行遠首自邇。登高必自卑。眞積旣力久。光明臻緝熙。大道藏諸密。放之六合彌。汝當銘座右。朝夕以自規。吾於風雨中宵。嘗反覆誦之而不厭。益歎古今忠孝。

節烈之行。無不從學問中來。初不因簪紱裙釵而有所判別。近世盛言男女平等。吾謂真正平等。必在吾中國舊有之學問道德中求之。如陳太君之懿訓。苟非潛心理學。體驗有得。安能爲此甘苦親嘗。深入顯出之言。凡爲人子者。思貽父母令名。皆當書一通於座右也。至於刲臂療親之孝行。晝夜教子之苦節。其事固屬難能可貴。在太君但行吾心之所安。初非以邀名而求報。數十年中。危疑震撼。百難紛乘。自洗心藏密者視之。皆爲磨鍊身心之具。久而久之。自臻緝熙光明之域。而豁然開朗矣。所謂不邀名而名自至。不求報而報益豐也。盥孚昆季。勉乎哉。爰作頌曰。母氏聖善如地。無不載。俾熾而昌。眉壽無有害。迺載歌曰。母氏之德。邁古聖賢。戒欺求慊。鑽仰高堅。純孝苦節。誠格蒼天。從容中道。純任自然。彝倫再造。障彼百川。鷄鳴風雨。盼乾坤之轉旋。

名人生日表自序 丁卯孟秋作

余於戊午己未庚申數年之間。纂輯名賢生日詩十卷。首列屈靈均鄭康成。迄於近代之曾胡翁潘諸公。凡五十餘人。十卷中詩文及詞都凡一千一百餘首。有清一代名家集中。凡因前賢生日而有作者。茲編略備。卽生存人所作及拙稿亦附及焉。蓋以名賢

生日爲主。不必以標榜爲嫌也。至古今名人之有生日可考。而未經詠歌紀述者。則別爲名人生日考數卷。附載其生日之見於某書。并略述遺聞軼事。以供詩料。又排比四時之月日。爲名人生日表一卷。此皆未成之書。欲徐俟異日旁搜補輯者也。辛酉秋間。名賢生日詩印成。以名人生日表附錄於後。當時雖以表名實未排比成。表僅鱗次鈔錄。聊備遺忘而已。非敢問世也。同社張君季易。於乙丑仲冬。以所輯疑年錄彙編付刊。余旣爲作弁言。一日請於余曰。吾丈所輯名人生日表。可與疑年錄相輔而行。如鳥之有翼。車之有輪。足便後人之稽考。且張夫人元默。辛酉七月所爲題詞。有云別開生面。成新著錄。訂疑年號。二難彼時。惟驥與吾丈雖同客京華。初未銜杯酒而接殷勤也。即疑年彙編之輯。亦屬稿於辛酉後二年。而張夫人之題詞。若不啻預爲作合者。文字之靈信乎。不可思議矣。吾丈倘允惟驥之請。願重爲排比。且任增補之役。俟脫稿後。乞吾丈審定之。即以附刊於彙編之後。可乎。余聞而笑曰。君可謂讀書得間矣。季易治事勇猛精進。纂輯之勤。月異而歲不同。甫逾旬月。已增補至百餘人。月經日緯。旁行斜上。釐然秩然。付諸剞氏。余旣樂觀其成。因即錄與季易問答之言。并附述其緣起。以爲之序。

序既成以示亞妻張氏且笑謂之曰汝名亦可附驥以傳矣亞妻歛衽避席言曰是元默之幸也今日爲夫子六十有二初度之辰雖以女君宏農夫人之喪停觴不御而撰名人生日表序亦可爲攬揆之紀念憶往者庚申七月十七日置酒雙修閣中元默方襄助校錄名賢生日詩曾成一絕云滄海轉瞬海爲枯思古情深計太迂試問百年成佛後祝公生日有人無夫子笑謂百年以後事不可知而佳句流傳實有文章本天成妙手偶得之之趣星霜荏苒今已八更寒暑時局又幾易滄桑元默惟有祝詩翁之難老歷塵劫而不劇而已余曰汝今夕之言亦爲生日之佳話不可不附記於篇末也丁卯七月常熟孫雄師鄭氏序

此文作於丁卯秋其時清河君已攫肺疾臥病兩年於己巳孟春逝世今日重錄此文曷禁泮然幸未季春師鄭記

丹徒吳佑文先生家傳

清初高士徐俟齋先生枋與楊無補友善俟齋嘗爲楊伯雨傳以表揚獨行爲世傳誦伯雨無補之尊人也近人王氏德森歲寒文稿嘗云伯雨之言行非俟齋之文不傳而使俟齋不與伯雨之賢子無補交亦不能得其文然則人惡可不自立又惡可以無賢子耶嗚呼莫爲之前雖美弗彰莫爲之後雖盛弗傳古來獨行之士品端學粹其名淹

沒。無聞者。可勝道哉。丹徒吳佑文先生。吾友養臣觀察兆元之父也。養臣爲天下之善士。與余交契甚篤。一日以何君庸曾所撰佑文先生墓誌銘見示。屬爲之傳。且曰。吾子方刊行舊京文存。先人之懿行。將賴大集以傳後世。子其弗辭。下走陋劣。愧非俟。齋豈足以傳伯雨而養臣請之堅。其何能已。於言謹案先生諱國章。字佑文。江蘇丹徒縣人。譜名之璽。補諸生時名淳。後因避清穆宗諱。改今名。祖應桂。邑庠生。父燾。隱居不仕。有丈夫子三人。長之增。次之坦。君其季也。生有至性。五歲失恃。即能茹痛以解父憂。舞勺之齡。文思煥發。應縣府試。冠其曹偶。學使按臨。值父病弗應。親舊或勸以進取之機。不可坐失。先生泫然曰。三公之榮。不敵一日之養。況區區科名得失乎。且方寸已亂。何以爲文。遂堅決不赴。奉侍湯藥。衣不解帶者年餘。父病終不起。椎心泣血。哀毀骨立。附身附棺。必誠必信。葬祭咸盡禮。每懷罔極。飲痛終身。純孝至誠。感動行路。小祥以後。專心誦讀。宵分不輟。以家產生事。委諸兩兄。絕不過問。無何伯兄病逝。仲兄遠游未歸。先生哭之慟。獨任殯葬。誠慙無悔。服除應試。文體奧衍。學使者疑非己作。抑置侑生。先生益刻勵奮勉。中更粵寇喪亂。瑣尾流離。居漢臯數載。家業中圯。元配李夫人。治家勤儉。來

歸不及一年。以勞瘁卒。繼配李夫人。即前夫人胞妹。溫恭淑慎。內助稱賢。先生慷慨好施與。不問家之有無。李夫人委曲贊成。同心黽勉。厥後寇氛稍戢。遂自漢移家歸里。咸豐戊午。始受知於學使李小湖先生聯琇。補邑諸生。是時先生之年。已四十有五矣。爲文取徑高古。秋闈屢薦不售。先生性本澹泊。遂絕意進取。嘗謂功名富貴。由司命者主之。學問道德之進步。其權可操之自我。何爲以彼易此也。年屆耆艾。猶閉戶讀書。肆力於詩古文辭。著有柏香書屋詩文集八卷。藏於家塾。先生雖無心問世。而已溺已飢。勤恤民隱。光緒初元。直豫秦晉連歲告災。罄家助賑。不遺餘力。窮黎賴以全活。數以萬計。凡族黨中貧乏孤寡者。周卹備至。如輯家譜。修宗祠。創惜字會。設施粥廠。種種善舉。咸盡吾力所能爲。不厭不倦。身沒之日。知與不知。皆歎息隕涕。嗚呼。仁矣。先生生於嘉慶二十年甲申某月某日。卒於光緒二十年甲午七月十六日。年八十有一。元配李夫人。年二十有一。繼配李夫人。後先生六年卒。年七十有七。子二。長兆和。候選鹽大使。次兆元。花翎二品銜。四川補用道。女二。長適金別駕兆源。次適聶司馬鈺霖。皆繼配。出孫六。益仁。益明。兆和出。益昌。延青。植青。競青。兆元出。女孫八。曾孫女三。養臣。紹承。弓。冶。光大。

門閭誨育。諸郎繩其祖武。今皆卓然。能自樹立。發名成業。有聲於時。積善慶餘。方興未艾。養臣今年亦已七十有四。康寧好德。福備箕疇。天之報施。善人信乎。如操左券矣。先生之學行。視楊伯雨殆有過之下。走爲世所棄。惟思以文字。闡揚潛德。維持世教。爰不揣固陋。詮次事實。成此家傳。以備史館及志乘之采。且以慰養臣孝思之不匱云。

清封夫人丹徒吳君養臣德配包夫人墓表

婦人之德。以孝爲重。禮經內則篇首言子事父母之禮。卽繼之曰。婦事舅姑如事父母。大戴禮七出之條。亦以不順父母居首。所謂婦順。備而後內和。理內和。理而後家可長久也。古人娶婦。所以奉宗廟之祀。承二親之歡。綿百世之緒。內則又云。子不宜其妻。父母曰。是善事我。子行夫婦之禮焉。沒身不衰。可見三代以上。爲人婦者。必先致愛敬於舅姑。自商君治秦。棄仁恩。背禮義。由是婦姑反脣。習爲故常。賈誼斥爲慈子。嗜利同於禽獸。非苛論也。近世歐風東漸。子婦多與舅姑別居。視其親曾不如路人。爲戎之痛。基於蔑禮亡國之禍。先以敗家不佞。誠深悲之。丹徒吳養臣觀察兆元。今年七十有四矣。德配包夫人。逝已六年。養臣追憶遺徽。時揮老淚。一日以所撰行略見示。乞余爲表墓。

之文。余受而讀之。竊歎其婦德。母儀。無絲毫之遺憾。誠如養臣所自言。而其孝於舅姑。尤爲人所難能。充足以風世勸俗。表揚潛德。挽救澆風。固吾責也。其何敢辭。按略。夫人姓包氏。名寶英。丹徒包公作霖之孫女。秀峯先生之長女也。生而淑慎。九歲喪父。哀毀如成人。事重闈暨孀母。以孝聞。善事諸弟妹。友愛逾恒。佑文先生暨李太君聞其賢。聘爲子婦。年二十二來歸。事舅姑如父母。養臣弱冠後。經商白門。夫人居家以婦兼子職。凡米鹽之事。菽水之資。皆一身任之。從不謀諸養臣。使有內顧憂。亦無一事不愜養臣意。甲申歲。生長子益昌。越二年。生次子延清。佑文先生暨李太君顧而樂之。夫人因食指日繁。以養以教。所費不貲。乃益自刻苦。甚至井臼親操。日無暇晷。未幾長子殤。佑文先生痛孫念切。遽撓危疾。夫人侍奉湯藥。嘗而後進衣不解帶者數旬。佑文先生語所親曰。吾得一孝婦。三世賴之矣。既而遷居漢口。李太君病。臥牀不起。幾及三月。夫人扶持抑搔。造次弗離。卽洗滌廁踰。亦日久無倦。李太君倚牀歎曰。我久病而不覺痛苦者。賢婦之力也。嗣是養臣宦蜀。夫人念川路險艱。盡室偕行。非計之得。且三子植青四子競清。俱將出外就傅。遂留寓漢臯。就近遣次子入湖北學校肄業。爲三子四子延師。

課讀。歷十數寒暑。又復先後遣諸子往東西洋留學。俾各底於成。辛亥國體變更。夫人率全眷由漢臯轉徙至舊京。憂患飽嘗。脾陽失運。致生癰疾。以次子延清固請調攝。乃移居香山習靜。未及一年。癰疾略平。旋起類似中風之症。延醫服藥。諷經自遣。卒以殷憂積瘁。病根已深。疾終不起。夫人生於有清咸豐九年己未七月初三日。歿於共和紀元十有五年丙寅十月二十三日。年六十有八。以養臣官二品銜四川補用道封夫人。生丈夫子四。長益昌。殤。次延清。三植青。四競清。均留學畢業。能自樹立。女子子一。適夏孫五。女孫四。夫人晚歲耽禪悅之旨。皈依三寶。得大解脫。未病前一夕。諄屬養臣來歲赴金焦懺亡。爲其先人安窆。以了心願。病篤後。結珈趺坐。朗誦佛號。語次子延清曰。吾不起矣。屬纊之頃。頂門猶溫。隱示家人。此身往生淨土。養臣有玉泉尋夢圖記自言。前身爲大根禪師。昔年余曾題詩圖後。劉樊仙眷生有自來良非偶然。余獨謂夫人惟孝事舅姑。故克迓千祥而皈三寶。且釋迦爲西方聖人。從母右脅而生。以導化羣生。爲職志其教。孝懲貪實隱。與周孔之旨相合。養臣謹守佑文先生之庭訓。服膺儒書。兼通釋典。時以濟衆救世爲心。當必以吾言爲能見其大也。至夫人之勤以治事。儉以持家。追

遠祀先。恤貧樂善。種種美德。不復縷及云。辛未季春之月。常熟孫維撰表。

顏孺人荔秋墓志銘

孺人名丹壽。字荔秋。同邑張南緘太史蘭思側室也。本杭州貧家女。墮地卽育於虞山顏氏。遂以顏爲姓。光緒三十年甲辰年十七。歸於太史。共和紀元十有五年丙寅五月二十三日卒。年三十有九。凡事太史二十三年族黨朋好咸稱其賢。太史哭之慟。以所爲哀辭。見示沈痛不忍卒讀。孺人卒之次年歲在丁卯。太史乞余爲銘幽之文。時值亞妻張孺人元默患肺疾經年。余惡其不祥。舉筆輒止。至己巳孟春。張孺人不起。今又越兩載矣。太史與余同滯舊京。再四督促。余不忍辭。然余所言者不如太史自言之親切。爰取哀辭要語著之於篇。以表逝者之賢而塞存者之慟。太史之言曰。光緒戊申。吾作令萊蕪。次年己酉。迎養先母至署。吾妻方居里中持門戶。因命姬從先母行。以代子婦之職。時姬來歸已五年餘。於家務素習。凡吾母之事悉以一身任之。辛亥冬間。棄官旋里。余與先兄閒居養母。戒無遠游。而夙夜伺應。先意承志。刻不離側者。惟姬是賴。陸氏先姊之喪。吾母痛甚。姬百計解之。吾母曰。汝旣代婦職。今又代女職矣。吾得汝復何憂。

乎。如是者前後凡十五年。吾母之病。姬廢寢食者不知幾日也。彌留時。目已瞑矣。姬以杯羹進。吾母忽張目受之。久乃復瞑。後余見姬左臂纏布。血縷縷未滅。始知杯羹乃臂肉也。姬戒余曰。妾誠不至不能挽太君幸秘之。故姬之刲臂以療吾母。終姬之生。無一人知者。余終母喪。北游之日多。姬經營將護所至。無羈旅之苦。素工烹飪。約而能精。賓至。咄嗟供具。無難色。四時服御。無鉅細。皆手製。雖毳裘重繭。未嘗一經匠作。乙丑居漢口。得肺疾。至丙寅春。益劇。忽余妻在家病危。姬促余歸。余舍之行。抵家則一棺已蓋。姬於余行之次日。得凶問。痛哭絕食。至兩晝夜。以書抵余。曰。君以妾病不及與女君永訣。妾負罪益深矣。余急返。漢知姬疾。不可爲。遂倉皇扶病歸。十日而歿。距余妻之逝。僅七十日。人以爲殉女君而死也。嗚呼。姬之事吾母如余之事母。而余實媿之。姬之事女君如余妻之事姑。而余妻實媿之。禮。妾無子女者。嫡子無服。庶子於生母當別葬。姬之喪也。二子存鼎。請於余曰。是能爲吾父事母。爲吾母事姑者也。是無待乎刲臂與殉身而後重也。庶母之慈已者。服功。事母事姑。豈不逾於慈已者數等乎。於是皆爲服期。貴妾服總。蓋謂長妾。余無他妾。長之亦宜。姬無子女。貴則不必其有子也。故余爲服總。其葬

也。則將祔於余妻之左。旣服期與緦。是旣庶母之矣。韓魏公之葬其母庶母也。樞退於嫡母尺許。趙炳族葬圖說引之。余之葬姬。本乎此也。其祭於廟亦然。易牲而祔於女君之例也。凡此皆禮以義起。古之人有行之者矣。太史之言如此。孺人之孝於君姑可謂至矣。近世俗澆倫斁。婦事舅姑之禮缺焉不講。故孝子孝女或見於一鄉一邑。至孝婦則千百人中無一二焉。矧隨女君之後。以致誠致孝而君姑愛之重之。迺視如所生之女。跬步造次弗能離及其歿也。嫡子且願爲服期以報其德。孺人之摯行豈可求之近世哉。是可銘矣。奉新許仙屏前輩悼其側室梁淑人有詒焯集之刻。孺人懿行與梁淑人媲美播芬彤管允無慙色。且孺人之歸於太史也。余之舊姍章太君實爲冰人往者甲子孟春余訪太史於津門寓齋。孺人親製肴核以餉客。太史且以與孺人合鈔之蔡中郎集及孺人歷年手寫前人詩文相示。余返京師猶爲張孺人元默述之。歎爲珍蹟。追憶前塵忽忽如夢。此又義之所云臨文嗟悼不能去懷者已。銘曰。女而士兮。尹姑伍詠甘薺兮。忘荼苦孝感天兮。肉爲脯恥炫名兮。茹不吐勵薄俗兮。樹高矩耐女君兮。配於祖封堂斧兮。佳氣聚馨無絕兮。永終古。

亞妻章孺人哀辭丁卯

孺人章氏名雲字寶琴常熟人父祝三母某氏幼明慧習書史家貧甚力苦紡織以易饘粥八齡父病焚香籲天願減己齡以增益親算父病羣愈越五年而後卒寶琴歸余時年十九至光緒庚子五月初八日以疾卒年二十有七侍巾櫛者八載有餘溫惠淑慎率禮無違余妻楊恭人性耽習靜惠能逮下城東大步道巷舊宅湫隘苦無餘屋因命寶琴賃廡以居紙閣筠簾整理精潔敲詩讀書屢空晏如間日詣舊宅朝於先妣吳太恭人先一夕親治粉餌蔬肴次晨携以進獻太恭人甚愛之輒爲加餐時或臨視所居賃廡流連旬日始歸舊宅太恭人呼以阿琴謂善體人意不啻吾親生女也己亥十一月余患冬溫疾誤服庸醫方劑幾瀕於危寶琴侍奉湯藥兼旬勞瘁衣不解帶禱於城東周孝子廟叩頭流血願以身代余病愈後猶不令知之至次年夏寶琴病逝傭媼張氏哭失聲哭罷始爲余言之謂其精誠不可及也寶琴逝後余恍惚若有所亡賦惆悵詞七絕三十首以自遣越三年副室丁氏橘字橘香來歸事我數載以微罪遣去今聞亦奄逝矣頻年漂泊人海惟陳氏元慶字瑞芬張氏元默字蕙芬葑菲黽勉伴我寂

寥女炳鏞。兒子炳黃。均瑞芬出。薰芬粗諳吟事。著有雙脩閣詩存。參昂交輝。在東三五。頗得唱隨之樂。然追憶三十年前夢影。鑑前月下。猶望寶琴之珊珊來遲也。薰芬來歸之初。余曾賦仙山五律二章。以寄故劍之思。薰芬依韵和之。撫今追昔。悵惘靡已。於是流涕爲辭。以哀之曰。

昔芝麓與橫波。錫亞妻之佳號。嗟佳人兮。明詩毓蘭池之清濔。胡二豎之肆虐。匿膏肓而神耗。眷舊夢兮。淒迷歎老夫之既耄。若靈魂其有知風。瀟瀟而來告。

此文作於丁卯三月。其時張孺人元默已攬肺疾。今則張孺人逝已兩載矣。靈櫬暫窆於永定門外花椒樹村江蘇義園。余擬爲作事略及權厝志。舉筆愴然。久久未能脫稿。仙山賦詩。又成讖語。臨文增悼。真不知我生之何樂也。前作顏孺人荔秋墓志銘。所云章太君實爲冰人。即章孺人寶琴之母。辛未孟夏師鄭附記。

徐水縣知事齊君馨山墓志銘

君姓齊氏。諱振椿。字馨山。號忻珊。直隸蠡縣人。曾祖清平。祖士俊。父興業。均以孝弟力田世其家。曾祖妣氏李氏崔。祖妣氏楊。母氏趙。竝有懿德。己未孟冬。趙太夫人八秩晉

三壽辰。余曾爲文以祝。已刊入鄭學齋文存矣。興業封翁有賢子三人。君居長。次振林。字曉山。次振嶽。字東山。三人者。怡怡友愛。終身無間。君幼聰穎。十七歲以縣試第一入邑庠。縣令廣西牟芝農先生。器其才。招致縣署。課以文藝。兼令治事。十九歲。追隨孫敬軒先生。肄業保定蓮池書院。學古文法於院長張廉卿先生。學業大進。二十五歲。食廩餼。南許南齊暨劉銘莊諸村舊家。具禮延聘。課其子弟。繼復設館里門。從游益衆。時方改試策論。辛丑壬寅兩院試。補博士弟子員者。多出君門。君所爲文。迭經名師指授。義法取徑。力求高古。十試秋闈。薦卷三堂。備及挑取。謄錄各一終。未獲售。君知時文古文。均不足應時勢之求。乃與仲弟曉山謀。入學堂充所學。以濟世救國。曉山於光緒甲辰春闈落第後。入北洋陸軍速成學堂。君亦考入北洋優級師範。畢業授文科舉人。充保定中學教習。民國元年。聘爲陸軍預備學校國文教員。六年。調充陸軍部軍學編輯局文事編脩。獎七等嘉禾章。五等文虎章。保薦任職。十三年十二月。授徐水縣知事。君秉性剛直。敦尚氣節。不事家人生產。弱冠時。縣有公益。即被邀列席。發言動中。竅要爲先輩所傾服。庚子拳禍初萌。力闢其邪妄。先後建議。縣令章周二公。始則厲禁。蔓延。繼因。

聯軍入都。觀兵保屬。遂招縣隊二百餘人。徧巡縣境。卒教既不得藉詞尋仇而殺焉。思逞之奸民亦賴以收納劫盜之事。無形消弭。全邑乂安。皆君之力。清季初變法。人多懷疑。君首先提倡。改本縣成才書院爲高等小學。并籌設本村蒙養學堂。以故民國初元。京津各項專門學堂。蠡縣學生濟濟稱盛。民國議會選舉之初。逆料代議士徒以空言釀亂。初選後悉以己票分讓友朋。專意講學。研求時政得失。迨任徐水縣長。銳意以捕盜安民爲事。徐水接壤保定。兵差供應最繁。君勤恤民隱。每與當道竭力抗爭。隱爲地方保留元氣。徐民感頌至今。弗衰。惜未及一年。因政變去職。近歲益絕意仕進。不問世事。客有詢以治安術者。對曰。擇舊人行新政。則治而安。任新人專新政。則亂且擾。客問以故。又曰。譬如建築新式樓房。工程師不過製立圖說。以老於工匠者爲之。無不立就。若屏棄老工匠。盡用少不更事之人。所謂築室道謀。是用不成。即此意也。聞者歎爲名言。君初娶同邑李氏。武舉人斌之妹。繼娶高陽李氏。相國文正公之族曾孫女也。側室孫氏生子一名執炳。今甫十齡。孫氏於昨歲病逝。君黯然神傷。且平日嗜酒。每餐必飲。飲必醉。醉輒不食。病根深伏。又感河魚疾。兼染時疫。遂以不起。君生於有清同治七年。

戊辰八月初三日卒於民國二十年二月十七日。於舊歷爲辛未年正月元日。年六十有四。光緒戊申之歲。余客津門。曾主北洋優級師範經學講席。君瑩精經義。質疑不倦。余齒與君相若。而君執弟子禮甚恭。辛亥後。共硯軍學編輯局。十有餘年。親若昆季。驟聞噩耗。慟悼奚窮。君之孝友。根於天性。及其歿也。令弟曉山爲撰行狀篇末。有云。振林少先兄四齡。自八歲與先兄同塾讀書。及林入泮。捷秋闈。任陸軍次長。迄無一歲遠離左右。林有微過。必切責。責畢。即怡怡回憶。五十餘年。常如一日。曉山所言。懇摯親切。若此。壘篋友愛之篤。豈可求之近世哉。君子執柄。奉君靈櫬於夏正三月某日。安窆於蠡縣某鄉某原祖塋之次。曉山以余知君最深。乞爲銘幽之文。且請刊入舊京文存。以式來茲而慰逝者。余何敢辭。迺爲銘曰。

世衰禮廢。餘老成友于昆弟。篤性情。學師顏李。重實行。彈琴而治。稱廉平。伯倫荷鍤。嗜麴生。憂世但願醉。不醒鄉邦太息失典型。幽隧永悶葆元貞。後欲求之視此銘。

吳興章藹士封翁暨德配鄭太君贊

封翁有三子長鴻德次鴻釗次鴻恩
鴻釗格致科進士官農商部按正

龍翰鳳翼璞玉渾金。吳興耆耆發藻儒林。手不釋卷。寢無愧衾。考亭涑水。味道淵深。家

乘勤脩露鈔。雪纂椒衍瓜。縣珠聯繩貫。忠骼掩埋壘。無算謀貽弓。冶材培植幹。如賓
冀饁。內助稱賢衣。卻紈綺禮。襄豆籩侍疾。膏藥賑貧散。錢同甘共苦。四十餘年。我佛同
慈。蟲蟻弗踐。嗔然如春慶餘積善。鳳雛不凡。驥足徐展。道塲雲巢。萊衣潘輦。清芬梁孟
仙眷劉樊。俾耆而艾。自葉流根。老成典型。有穀詒孫。播美千載。徽音永存。

吳子鼎竹洲淚點圖記

休甯吳子鼎。通守瑞汾辛亥以前客陳庸庵督部師幕府。曾以竹洲淚點圖乞題。余未
及應。今題詠集中所錄七絕二首。迺老友郭君稚芳代作也。子鼎與黃君伯美爲中表
昆季。從伯美許。得見余所爲黃氏兩世節母墓表。知有舊京文存之刻。因馳書北平。乞
爲作記。余與子鼎別將三十年。節母洪太安人。逝世亦已二十年矣。重展畫圖。滄桑變
幻。彌深感愴。馮蒿庵前輩於丁卯季夏年已八十有五。曾作題跋。謂婦之事夫。猶臣之
事君。臣不以國之安危而變其志。婦不以夫之存亡而易其心。節母之所遭。爲人所不
能堪。卒能獨立不懼。守節執義。教子名立。流芳後世。非其心百折不撓使之然歟。其言
至爲沈痛。今前輩作古亦逾五載。倫紀日敦。君臣之義棄若弁髦。而爲人婦者亦遂尤

而效之。不以慕楚朝秦更事。二姓爲恥。辱人道。滅絕尙何言哉。子鼎尊人佐賢先生爲有宋文肅公做二十二世孫。生十歲而孤。事母黃太孺人至孝。不幸得咯血疾。卒於光緒二年丙子。年三十有二。時洪太安人年僅三十。泣血長號。誓以身殉。黃太孺人強慰之。責以撫孤。始進勺飲。喪事旣畢。以十指佐家食。兼治園圃。躬操耒鍤。夜則一燈熒然。課二子讀。觀圖中所繪兩世孀嫗。凄然相對之狀。可謂極人世之至悲。迨至二子能自樹立。重振門楣。文學治行。錚錚有聲。遂使文肅公竹洲手澤。歷七百餘年。而柯葉如新。清芬不墜。節母固大有造於吳氏。而天之所以報節母者。亦不可謂不厚也。節母於三十七年之後。與佐賢先生地下相逢。其亦可以無憾矣。黃太孺人壽至九十有三。節母事姑凡四十四年。先意承志。仁孝誠敬。未嘗頃刻離。有饌必進姑先嘗。太孺人嘗詔子鼎云。爾母貞一憔悴。無旦夕安。其勤苦非常人所堪。汝曹他日能揚名以顯親。卽所以報劬勞也。姑慈婦孝。止止吉祥。松柏有心。竹箭有筠。玉樹芝蘭。盈階馥郁。然則當年含辛茹苦。千迴百折之血淚。卽謂爲釀成甘醴之麴蘖可也。辛未孟夏。常熟孫雄記。

休甯黃菊隱先生贊

先生名興衍字椒卿晚號菊隱節母汪太孺人之子也余曾爲太孺人撰墓表先生有賢子一名隆裳字伯美

新安者。儒有志。述作砥礪廉隅。爲善最樂。養潔蘭。咳芳。攀杜若。怡道娛親。榮薄人爵。賢哉節母。彤史有光。攜孤出險。敬奉蒸嘗。斷機垂訓。教同義方。行修文煥。藻耀高翔。探源詩書。咀華子史。班馬古芬。陶韋神髓。外腓內充。波譎雲委。樂育英才。南針是指。仁山智水。陰闔陽開。文章假我。造化胚胎。填胸塊壘。平地樓臺。鳶飛魚躍。妙悟悠哉。餘事摩醫。垣方洞見。虛扁靈思。隨機應變。肱經三折。氣通九嚥。手援天下。疾療暝眩。智珠朗照。清明在躬。全歸全受。蹈和履中。令子肯構。業紹裘弓。父書能讀。世守家風。降嶽騰天。歲俱在巳。龍蛇應讖。鳳麟濟美。夷惠潔和。聞風興起。頌德摘詞。高山仰止。

宗伯阜九我堂記

小雅天保之三章與六章。凡言如者九。蓼莪之四章。凡言我者九。天保之詩。臣頌其君而作。所以祝吾君無疆之壽。蓼莪之詩。子思其親而作。所以報吾親罔極之恩。商司徒人倫之教。首言父子有親。次言君臣有義。孔子告哀公以天下之達道五。則以君臣居首。父子次之。誠以君臣父子爲五倫之根本。夫婦長幼朋友皆枝葉也。九爲盈數。古人於其所尊所親。致最敬之禮。必以九數行之。如九獻九拜九頓首是也。天保之詩。人以

羣黎百姓徧爲爾德。頌其君所以表君民之一體。君之壽如日月。岡陵則國中之億兆。臣民悉皞皞熙熙同登仁壽之域也。蓼莪之詩人。以出則銜恤。入則靡至。思其親所以表父母之劬勞。其生我鞠我之大德。不啻天之無不覆。地之無不載。爲人子者。雖終身永慕而亦無從圖報於萬一也。詩人於此言之不足。而長言之不自覺。其數之至於九。旣至於九而亦無可再加。後人反覆誦之。忠孝之心。自不覺油然而生。孔子詔小子以學詩。而以興觀羣怨邇事父遠事君爲學詩之定義。良有以哉。今日君臣之義。已淪廢矣。父子一倫。新學家亦創爲異論。不惜戕賊仁義。以自同於禽獸。有心人咸深憂之。老友宗伯臯廣文。爲宋東京留守忠簡公之後。五世祖諱渭。徒步行萬里。至粵西負父骨歸葬。母病危。禱天籟代母病而已不起。以孝子旌門。尊甫中議公。秉性純孝。雄曾爲銘幽之文。伯臯紹承世德。以九我名其堂。蓋取蓼莪四章之義。俞荊門世丈爲題扁額。謂與小弁明發旣醉錫類之義。互相發明。雄更取天保九如與蓼莪九我以意逆志。比類言之。以見詩教之涵義至廣。感人至深。風雨如晦。雞鳴不已。行邁靡靡。中心如醉。伯臯讀吾文。知必有無窮之感。愜矣。辛未孟夏孫雄記。

清封一品夫人旌表孝女孝婦言世嫂丁夫人誄

并序

此篇係駢文附入文存之末

惟中華民國十有二年四月十六日。爲夏歷癸亥年三月朔日。同邑言仲遠先生德配清封一品夫人旌表孝女孝婦丁夫人卒。嗚呼哀哉。婺星彩斂。戚黨疇依。華表魂歸。鄉人垂涕。仲遠先生念共牢之莊敬。悵同穴之杳冥。茹悲在心。借書於手。玉臺輟詠。迴文廢徐淑之篇。錦瑟凋年。滄海隕義山之淚。可謂情敦伉儷。義動人天者矣。雄久滯京華。夙耽世好。憫德曜之永逝。慰河陽之悼亡。乃作誄曰。

舜華易謝。結璘不波。徘徊薤露。惆悵陽阿。懿歟孝婦。令問孔多。青綾設幃。黃竹聞歌。矩範娉娉。言容抑抑。作嬪高門。脩儀奧室。筐筥蘋蘩。滸澹棗栗。敬事威姑。調藥問疾。孝竹生庭。冬春不凋。封臂療親。心旌搖搖。誠格閭闔。綽楔高標。適然鸞鳳。愧彼鴟鴞。君房年高。龐眉霜鬢。夕膳晨羞。聲柔色順。粗糲自嘗。甘肥虔進。養志承顏。披誠輸蓋。郎君國器。武達文通。閑家正位。寫韻同工。花開陌上。鳳翽雲中。替研彩筆。在御絲桐。井竈刀尺。組紉書史。塵起能障。絲勞克理。母而兼師。恩勤鬻子。餘事爲詩。古香溢紙。頌椒筆擅。賦茗才工。情殷織素。意薄題紅。伊鬱善感。纏綿不窮。令暉齊慧。茂漪比聰。走也不才。曾操選

政體別同光。義分雅鄭。螽斯草堂杜。聖胝寫忘疲。苦吟入定葛覃。樛木王化之基。
楚有女。嬋漢惟班。姬憚標正始。單實續之黃卷。詞妙彤管。芬貽三鳳。蜚聲悉秉母教。鞠
我幼勞。傳家忠孝。緯績讀書。壘篋協調。荀龍賈虎。業修庠校。伯仲二子。並及吾門。伯兮
踔厲。雲舉霞軒。仲也靜穆。玉粹金溫。譽騰驥子。秀挺龍孫。閨範熟聞。令儀不忒。慧號神
針。孝爲婦則。四德罔愆。六珈是飾。宜詠偕老。用資矜式。何圖奄忽。凋謝春華。門臨吊鶴。
運厄懸蛇。鼓盆悼莊。煉石頽媧。因風墜絮。如雪衣麻。嗚呼哀哉。颯急巢焚。雷驚柱折。泫
露萎蘭。空庭斜日。諸子素冠。總惟蕭瑟。慟鬱終天。變變漆漆。郎君惻愴。鰥魚不眠。昔誓
噉日。今隔重泉。視天蒼茫。獨旦涕漣。述德告哀。幽憾永鐫。天道難知。人間何世。鴻雁哀
噉。豺虎橫噬。激楚騰悲。避秦無地。離塵是福。傾河灑淚。耄臺胡慶。泡露胡悲。彭殤例視。
岱垤等夷。至德不朽。賢名永垂。陶歐鍾郝。百世之師。雲黯虞山。風淒沾水。銜恤騰悲。徽
音仰止。鍾萬圖芳。旂旒紀美。巷歇絃歌。郵馳銘誄。嗚呼哀哉。

劉健之蜀石經齋記

乙丑孟夏作
此文互見禹齋駢文

共和紀元之十有四載。暮春之初。廬江劉健之先生重蒞都門。卜城南之幽居。過西磚

之隘巷。惠風彌暢。同吟脩褰之詩。舊雨既來。漫廣絕交之論。相與感慨時事。陶寫性情。借青史以澆胸。指白水以誓抱。籀洩長九千字。義析江河。飲謫仙三百杯。腸餘芒角。蠹魚三食。殊俗嗜之。酸醎鷗鳥。孤飛喻儕之閒。適一日酒半言曰。予所藏蜀石經拓本。子既爲題。柏梁體四十五韵矣。近者余構一精舍。即以蜀石經爲齋額。况有舊君宸翰。益增蓬戶寵光。地遙瑯環。書陳宛委。鳥革成室。聊供汗青之儲。虹輝燭天。待作飛白之記。子其爲我記之。余避席唯唯。溯夫五季俶擾之世。已值九州鼎沸之時。邾鄆之重器。屢遷洛汭之攻車。消歇藐茲西蜀。屹乎中流。壽經訓於岡陵。斟注文之同異。夏書作乂。魯論舉隅。說可兩存。旨原一貫。化隆菁沚。廷臣競出私財。意寓黍離。唐諱多從缺。筆蘭泉樊榭。箋釋忘疲。龍泓免牀。淪疏就軌。芳林則得諸菰里。晉齋則寫授梓人。異字可別。魯魚孤本。有如星鳳物聚所好。憶永叔之名言。解經不窮。證考亭之集註。健之先生。梗劬汲古。亭築問奇。校經靡間於晦鳴。得寶似由於神助。官禮既字逾二萬。盲經亦數越七千。公穀後出。名稱宜從主人。陳楊舊藏。身後欣逢知己。觀開白虎。峙魯殿之靈光。刳歷紅羊。聞孔庭之絲竹。良由濡染家學。保存國華。錦城夙樹甘棠。玉壘曾隨旌節。渡河

UNIVERSITY
JUL 03 2001

EAST ASIAN STUDIES

證史。熟知己亥之譌。束帶授經。虔修庚子之拜。長興雕版。能辨烏焉。熹平失碑。久諳故實。詩富題襟之集。譚藝賓臨易符。盍簪之占。析疑友萃。洵晚年之至樂。亦通德之休徵。惟是辛壬以還。屢逢陽九之厄。天澤易位。殺牛或敢爲尸。干戈耀鉞。封鯨不聞懲。愚祖龍煽燄。戎馬生郊。民困甚於鴻鰥。經生埋其駿骨。栖賢山下。石龕半付劫灰。顯慶陵中。漆簡莫搜逸字。詩開新體。聚星之堂已蕪。天喪斯文。扶風之帳誰啓。將落共淪於荆棘。其亡孰繫於苞桑。辟雍噤鐘鼓之聲。新亭隕河山之涕。千鈞一髮。悵墜緒之飄零。八索九邱。歎德音之寥寂。竹素嚶鳴之好。願矢平生松柏歲寒之盟。相期耐久。健之先生。倘與下走有同感乎。是爲記。

